

## الفصل الأول

كان صباحاً مشرقاً تسللت أشعة الشمس بخفة فرسمت صورة جميلة  
على شاطئ البحر في تلك المدينة الساحلية.....الإسكندرية  
عروس البحر كما يطلقون عليها.....وبطلة تلك القصة مثل كل  
يوم من نفس الشهر إستيقظت مبكراً.....إرتدت ملابسها وإتجهت  
لنفس المكان.....أصبحت مميزة.....تشعر أن الأعين كلها  
تراقبها ربما تسخر منها.....ربما تشفق عليها.....ولكنها لم تبالي  
مازالت على عهدها.....مازالت على حبها.....

كان عم عبد الحميد الساعي قد شعر بالتوتر داخل مكتب المدير  
.....أعد كوبين من عصير البرتقال ودخل بدون دعوة.....  
عم عبد الحميد : أحلى عصير لأحلى أستاذ بس هو مينرفذش نفسه  
نظر له المدير بعين فيها جزء من الرضى لمحاولته تلطيف الأجواء  
ولكن أيضاً فيها جزء آخر من الغضب لتطفله المعتاد  
المدير : شكراً يا راجل طيب.....شفت بقه يا بشمهندس محدش  
عندنا يرضيه زعلك أبداً والولد اللي عمل الغلطة دي أنا حاسبه  
بنفسي

نظر نحوه في حده.....وهو غير راضي عن ما حدث وما يحدث  
فهو لم يكن من هذا النوع.....النوع الذي تستطيع ان ترضيه بكلمات

جوفاء..... هو رجل فعل وليس قول

كان حازم شاب في العقد الثالث من العمر كان يتميز بعيون ذات نظرة حادة..... تلك العيون هي أول ما يجذبك عندما تنظر نحوه..... تبدو كعيون الصقر..... صقر مصري ببشرة قمحية اللون ترهب غضبه وتعشق إبتسامته..... إستطاع حازم في فترة بسيطة أن يطور المكتب الهندسي هذا المشروع الذي بدأه وحده بعد سنة واحدة من التخرج مخالفاً كل النصائح التي وُجِهت له في حينها عن إكتساب الخبرة أولاً و قضاء وقت أطول في سوق العمل كموظف بإحدى الشركات المرموقة ولكنه لم يستمع لأحد فدائماً ما كان سيد قراره كما يقال..... فبعد سنة واحدة من العمل بإحدى الشركات إتخذ قراره وقرر النزول للبحر كقبطان..... ربما يكون أصغر قبطان..... يقود اصغر قارب..... ولكنه يتحكم في هذا القارب..... يقوده كيف ما شاء فهو قائد قاربه الصغير وليس مجرد راكب على سفينة ضخمة تشعره بالآمان ولكنها لا تشبع حماسه.....

كان حازم من أسرة مرموقة ذات حال ميسور إستطاع إقناع والده بأن يساعده في مشروعه الصغير بنفحه مالية قيمة وعلى الرغم من تردد الوالد إلا أنه كان على ثقة من نجاح إبنه وبالفعل صدق حدسه وفي خلال سنوات بسيطة تطور المكتب وأصبحت له سمعة طيبة وعملاء من كل أنحاء الإسكندرية وغيرها أيضاً.

وفي مقر تلك الجريدة كان يجلس حازم غاضباً فخطأ بسيط في إعلان التوظيف عطل ترتيباته شهر حتى الآن.....

حازم : حتاسبه بنفسك!!!! إنت عندك موظف مسطول كتب الإيميل

غلط .....وانا أقول مجاليش ولا C.V طبعاً بيبيعنوا على إيميل تاني  
هما بس خمسة اللي بعنوا على الفاكس

المدير : بكرر إعتذاري بشدة

حازم : إعتذارك ده أصرفه من أي بنك أنا عندي شغل متتل ومشروع  
كبير وكنت محتاج مهندسين ودلوقتي انت معطلني يجي شهر كان  
زماني خلصت وبدأت أعين دلوقتي

المدير : يا فندم أنا حانزلك الأسبوع الجاي إعلان كبير يسد عين  
الشمس تعويضاً عن غلطة الإعلان اللي فات

حازم : خلاص .....أنا مش حتعامل معاكم تاني .....أنا مش  
بكرر الغلط جربتكم مرة وفشلتوا

مدير : أستاذ حازم ده هدية من المجلة .....تعويض عن غلطتنا

حازم : مفيش حاجه تعوض غلطتكم .....دي مجرد محاولة لإصلاح  
ما أفسدتوه لكن بالنسبة ليا متفرقش

شعر المدير أن جعبته فارغة وأنه ليس لديه ما يرضي هذا الشاب  
المتعجرف لم ينقذه سوى دخول سعيد .

سعيد يطلقون عليه المخلصاتي .....والمخلصاتي كائن تجده في

كل مصلحة حكومية ..... في كل شركة وفي كل شارع

.....وسعيد هنا كان هو المخلصاتي الخاص بتلك الجريدة الأسبوعية

.....حلال المشاكل ومصلح الأخطاء وليس هذا فقط فسعيد هو

أذن وعين مالك ومدير الجريدة وكما يقال بالعامية : " يعرف دبة النملة  
"

سعيد : مش ممكن حازم باشا منورنا .....أنا بعنتت ناس تجيب  
رمل نفر شهوئك يا باشا

حازم : إزيك يا سعيد

سعيد : دانناز علان مني أنا كمان بقه .....طارق باشا ( يوجه  
حديثه للمدير ) أنا حازم بشمهندس حازم على فنجان قهوة في مكتبي  
.....خلاص يا بشمهندس متكسفنيش عم عبد الحميد زمانه  
عملها

ذهب حازم على مفضل مع الرجل تاركاً المدير الذي كان يتمنى أن  
تُحل تلك المشكلة على يد سعيد ولا يفقد عميلاً آخر من عملاء  
الإعلانات التي كانت قليلة ولا تحتمل النقصان .....

في مكتب سعيد جلس حازم .....ناولته سعيد القهوة وهو يقول

سعيد : أنا عارف إنها مضبوط .....صح ؟

حازم : صح

سعيد : بص يا بشمهندس أنا عارف إن الغلطة لا تغتفر بس والله ما  
ذنبى ولا ذنب المدير غلطة صحفي وإتعاقب وإتخصم منه ولو عايزنا

نرفده يمشي وحالاً

حازم : إنت عارف أنا مبحبش أقطع عيش حد بس ده ميمنعش إن  
عندكم إهمال يخليني بجد متعاملش معاكم تاني

سعيد : حقك تزعل وتغضب بس فعلاً بكرة نازل اعلان كبير اكبر من  
اللي فات وده كادوه علشان تعرف بس إننا بنعز العملاء بتوعنا  
وتمسكين بيهم

شعر حازم أن سعيد ربما لن يتركه إلا وهو مطمئن بعدم فقدانه كعميل  
قرر أن يشتري وقته الذي أضاعه وسيضيعه سعيد وقال ...

حازم : خلاص يا سعيد .....حصل خير

سعيد : أيوه كده يا باشا .....حمد الله على السلامة

حازم : خلاص إعتقني بقه ورايا شغل

سعيد : نورتنني يا باشا

خرج حازم من مكتب سعيد ولم يكدي يخطو خطوته الأولى خارج  
الغرفة حتى وجد أمامه فتاه يبدو عليها الإرتباك بعد أن أوقعت حقيبتها  
وإنتشرت محتوياتها على الأرض .....ساعدها حازم على الفور  
وعندها شكرته بلطف دون أن تنظر نحوه و ظل حازم يتابعها بنظراته  
حتى دخلت أحد المكاتب .....

سعيد في خبث : إحم إحم .....إيه يا بشمهندس سرحت في إيه

حازم : دي موظفة هنا

سعيد : لا لا دي أغرب عميلة عندنا

حازم : أغرب عميلة

سعيد بعد أن وجد فرصة في ممارسة هوايته المفضلة : اه كل شهر  
تيجي تنزل إعلان نفس الإعلان بقالها خمس سنين

حازم : إعلان إعلان إيه

سعيد : برواز مفيهوش غير كلمة واحدة

حازم : كلمة .....كلمة إيه

سعيد : إرجعلي .....الإمضاء ..... سارة

## الفصل الثاني

كانت فتاة تبدو على ملامحها الرقة .....ترتدي حجاباً بسيطاً  
.....وجهاً برئ كالأطفال لفتت نظره بإرتباكها وهي تجمع  
محتويات حقيبتها وخجلها عندما شكرته دون حتى أن تنظر إليه وهاهو  
سعيد يلقي في أذنه ما جذبه لها أكثر .....

ماهي قصتها وما هو السر وراء هذا الوجه الحزين ولماذا إنجذب لتلك  
الملامح البسيطة وهو من صادق من الجميلات ما يفوق عدد سنين  
عمره .....لم يفكر كثيراً وتلك كانت عادته وجد نفسه ينطلق  
وراءها بعد خروجها من الجريدة متناسياً كل مواعيده .....ظل  
يتبعها حتى وصلت لمستشفى كبير وكان الحظ خادمه فلم يتكبد عناءاً

كبيراً لمعرفة شخصيتها .....

نادت عليها إحدى الممرضات بمجرد دخولها للمستشفى : دكتورة

سارة .....دكتورة سارة

سارة : أيوه يا سعاد في حاجه

سعاد : في كذا كشف يا دكتورة مستنينك من بدري

سارة : طيب ما حولتهومش ليه لدكتور علي

سعاد : هما صمموا يستنوكي

سارة : طيب خلاص أنا طالعه فوق حالاً

إذن هي طبيبة بالمستشفى هكذا حدث نفسه بعد أن إستمع للحوار

إتجه حازم لمكتب الإستقبال وتوجه نحو الفتاه في المكتب إبتسم لها  
بثقة عادةً ما كانت هي العنصر الفعال في تعاملاته مع الجنس اللطيف

.....

حازم : صباح الخير

الفتاة : صباح النور يا فندم

حازم : لوسمحتي أنا عايز أحجز كشف

الفتاة : أوكيه إتفضل

حازم : مع دكتور سارة



تلك المرة لاحظ ملامحها بوضوح أكثر من المرة السابقة كانت حقاً جميلة ولكنه جمال كالطبيعة خالٍ من الألوان الصناعية كانت مختلفة عن أي فتاة رآها أو عرفها ترتدي حجاب بسيط تهرب منه بعض خصلات من شعرها الناعم فتسرع لإخفائها برقة .....

سارة : إتفضل يا فندم ..... هو فين الطفل

أخرجه صوتها من غيبوبته السارحة في ملامحها إبتسم بهدوء وجلس أمامها وقال : الحقيقة هو إبنى مش معايا أنا معايا شوية تقارير بتاعته وكنت عايز أعرضها عليكى وأخذ رأيك

سارة : أوكيه إتفضل

حازم : أتفضل إيه

سارة : أشوف التقارير

حازم : الحقيقة أنا نسيتها في البيت إفتكرت دلوقتي بعد ما دخلت .....ممكن أنا أحكيك حالته

سارة : ماينفعش يا فندم أشخص الحالة بناءً على كلام بس حضرتك أفضل تجيبه ..... هو مشكلته إيه بالضبط

حازم : مش عارف هي مشكلة بدأت قريب ومش عارف أحلها إزاي

سارة : نعم

حازم : قصدي هو ضعيف بيتعب كثير وبيقولوا أنيميا بس مش عارف أنا حاجيبه ل حضرتك تشوفيه أفضل

سارة : ياريت وحضرتك أنا حبلغهم تسترد الكشف من بره

حازم : لأليه

سارة : لا يا فندم ما يصحش أنا ماكشفتش

حازم : متشكر خلاص هو حضرتك موجوده هنا كل يوم

سارة : أيوه يا فندم وفي كمان دكتور علي وفي دكتور عماد بالليل

حازم : لأ أنا حاجيبهولك إنتي

سارة : شرفت يا فندم .....مع السلامة

أنهت سارة المقابلة سريعاً وهي تشعر بنظرات حازم نحوها التي أربكتها واغضببتها وتمنت لو أنه لا يعود مرة أخرى .....أما هو فخرج وهو عازماً على العودة سريعاً ولكنه كان يحتاج لأهم شئ يمكنه من العودة .....يحتاج لطفل .

في المكتب كان حازم يجلس شارداً فسارة بملامحها الرقيقة وصوتها الهادئ شغلت سريعاً كل تفكيره على الرغم من أنها بعيدة كل البعد عن نوعية الفتيات اللاتي يقضى وقته معهن من أجل المتعة فهي أشبه بالفتيات اللاتي ترتب له والدته المواعيد معهن من أجل توفير العروس المناسبة لابنها ودائماً ما يهرب من تلك المقابلات ولكن سارة أراد أن يراها ويقابلها ويعرفها ويعرف أكثر السر وراء هذا الإعلان .....

●إيه يا عم اللي شاغل عقلك .....قال شادي جملته وهو يدخل

المكتب لزميله

حازم : لا ولا حاجة

شادي : عليا أنا برده

حازم : بقولك إيه يا شادي ماتسلفني زياد إبنك بكرة ساعتين

شادي : لأ

حازم : ليه يا شادي منا رجعت هولك المرة اللي فاتت

شادي : أسكت بقة ماتفكر نيش أنا غلطان إني سمعت كلامك ده  
مراتي هزقتني و إدنتي محاضرة عن أصول التربية وحقوق الطفل

حازم : ليه يعني هو كان إيه اللي حصل

شادي : يا حازم أخذت الولد وإتحجبت بيه علشان تتعرف على  
نانسي مامت زميلته في المدرسة وفي الآخر أخذتوا العيال وقعدتوا  
بيهم في الكافيه وأخرت الواد بعد معاد المدرسة 3 ساعات

حازم : بس نانسي دي قلبها كبير على فكرة متفكر نيش

هههههههههههههه

شادي : إضحك ..... إضحك ..... إنسى إبنني لأ

حازم : المرة دي الوضع يختلف دي دكتورة أطفال يعني حاكشفك  
عليه وأظبت هولك فيتامين دي فيتامين سي

شادي : كمان .....إمشي يا حازم ربنا يهديك بجد إنت في

واحده حتربيك في الآخر وبكرة تقول شادي قال

حازم : زي ماننا إتربيت كده

شادي : اه متفكر نيش ..... خلاص بقه ورايا شغل وانت كمان  
نشتغل بقه

حازم : ماشي يا سيدي نشتغل .....

لم تكذ سارة تنهي عملها حتى وجدت والدها يقف أمامها  
..... كان والد سارة هو الدكتور ممدوح سراج صاحب  
المستشفى ..... رجل عصامي كما يقال عنه بدأ من الصفر  
وإستطاع بمجهوده بناء هذا الصرح الذي يأتيه الناس من كل  
الأنحاء ..... كان الدكتور ممدوح جراحاً ماهراً يُطلب بالإسم ليس  
داخل مصر فقط وخارجها أيضاً طالما تمنى أن تصبح ابنته سارة  
مثله ليست طبيبة فقط ولكن جراحة أيضاً ولكن ما حدث منذ  
سنوات خلق بينهما فجوة جعلت سارة تهرب مما يتمناه الأب  
وإختارت قسم الأطفال الشئ الوحيد الذي يشعرها في بالسعادة هو  
التعامل مع هؤلاء الصغار وتخفيف آلامهم أما الأب فكان كل ما  
يتمناه هو تخفيف آلام ابنته بل محو آلامها قبل أن تظهر ولكن بدلاً  
من ذلك كان هو السبب في آلامها وأحزانها .....

ممدوح : خلصتي يا سارة

سارة : أيوه لسه مخلصه حالاً

ممدوح : طيب تعالي نروح سوا والسواق حيجيب عربيتك

سارة : طيب ليه ما تركب حضرتك عربيتك عادي وأنا أسوق

عربيتي

ممدوح : مش عايزة تركبي معايا ولا إيه

سارة : لا أبدأ خلاص أنا جاهزة

ركبت سارة السيارة مع أبيها الذي لم يكد بتحرك بالسيارة بضعة  
أمتار وبدأ في إفراغ ما في جعبته

ممدوح : لحد إمتى يا سارة

سارة : لحد إيه ؟ مش فاهمه

ممدوح : لأ فاهمه لحد إمتى حتفضلي حابسة نفسك في القمقم ده

سارة : بابا لو سمحت مش عايزة اتكلم في الموضوع ده

ممدوح : يا بنتى نفسي أفرح بيكي وأشوفك في بيتك وأطمئن عليكي

سارة : أنا مش بفكر في الجواز دلوقتي أوكيه

ممدوح : يا سارة فكري علشان خاطري أنا وأمك علشان نطمئن  
عليكي أختك الصغيرة أهي إتجوزت وسافرت مع جوزها وإطمنا  
عليها

سارة : وأنا باشتغل ومستقلة بحياتي وأقدر اعتمد على نفسي  
وأتحمل مسؤولية إختياراتي خلاص يا بابا

ممدوح : خلاص إيه

سارة : خلاص مش محتاجه حد يختارلي ويقرر إيه المناسب وإيه  
الصح وإيه الغلط.....

ممدوح : ما قدرش مهما كبرتني حافظل شايفك صغيرة ..... ولإنك  
لسه عايشة في الماضي يا سارة ..... تبقي لسه صغيرة  
دمعت عيناها عندما ذكر والدها الماضي كيف له أن يذكر الماضي  
بكل تلك البساطة ..... حبها الوحيد حبها الضائع التي ما زالت  
تبحث عنه حتى الآن .....

### الفصل الثالث

عاد حازم للمنزل بعد يوم عمل طويل ..... كان حازم يقطن مع  
والديه في فيلا صغيرة تمثل جزء كبير من مدخرات الأب  
..... دخل حازم ليجد والدته في المطبخ تعد ما لذ وطاب من  
الطعام .....

حازم : إيه ده هو النهارده رمضان ولا إيه

فريدة والدة حازم : بطل لماضه

حازم : بس بجد إيه ده كثير قوي

فريدة : أختك حنتغدى معانا هي وجوزها

حازم : طيب ماهو علطول شوشو وجوزها بيتغدوا معانا

فريدة : مش حاخلص أنا عارفه ..... هما متخانقين

حازم : ماهما علطول متخانقين ..... أساساً بنتك عقدتني من

الجواز

فريدة : أسكت يا حازم وإدعيها ربنا يهديلها الحال

حازم : يارب وإنتي بقه حتصالحهم بصينية الرقاق

فريدة : وائل بيحب الرقاق

حازم : وائل شكل شيماء هي اللي غلطانه

فريدة : زعلان بيقول هي مهملة في طلباته والبيت .....أختك  
معذورة برده يا حازم إتجوزت صغيرة ودول ثلاث صبيان أول  
بطن توأم حتعمل إيه يعني

حازم : تبطل قعدة النادي والتليفونات طول اليوم

فريدة : ربنا يهدي خلاص بقه خد دش على بال ما يوصلوا علشان  
تقعد مع جوز أختك على بال ما أبوك يجي

حازم : ليه هو راح فين

فريدة غاضبة : معرفش بينزل من الصبح ما بيرجعش إلا على  
العصر

حازم : اممممممم بيروح فين ده إنتي اللي عودتية على كده

فريدة : أسكت يا ولد

حازم : أنا حذرتك بعدها حتلاقيه صبغ شعره وجايب مزة في إيدته  
وإنتي عايشة هنا في وسط البصل

فريدة : ليه إنت فاكِر إنه زيك

حازم : أكيد ما هو أكيد أنا طالع له

فريدة : مش حاخلص منك أنا شكل الغزالة رايقة النهارده يلا خد  
دش وإنجر علشان تقعد مع زوكا علشان بيدخلي المطبخ وبيجنني

( زوكا أصغر أبناء شيماء الإبنة )

حازم : زوكا حبيبي وحشني ملك العفرتة خلاص حاجهز وأبقى في  
إنتظار القبيلة

وصعد حازم لغرفته وفجأة لمعت في ذهنه فكرة جديدة وقال لنفسه :  
أنا تاعب نفسي وبدور على طفل ما هو زوكا طفل هو صحيح  
متشرد شوية .....شويتين بس أهو ينفع برده .....خلاص يا زوكا  
شكالك حتروح للدكتورة بكرة وأنا حاروح معاك .....

شيماء أو شوشو كما إعتاد الجميع ان يناديها هي الإبنة الصغرى  
المدللة لحد كبير تزوجت وهي ما زالت في الدراسة من ابن صديق  
والدها وائل والآن هي أم لثلاث أولاد التوأم عمر وكريم والأصغر  
حمزة كانت شيماء مدللة لحد كبير وأثر ذلك على إهتمامها بزوجها  
ومنزلها فإهتمامها كان مركز على نفسها بحد كبير مما أثر على  
علاقتها بزوجها وزادت بينهم المشاكل و كان حمزة إبنا الأصغر  
ذو الخمسة أعوام مقرب جداً من حازم ولكنه كان يخشى شقاوته  
ولسانه الذي ينطق بكل شئ ولهذا لم يلجأ له قبل ذلك في مغامراته  
العاطفية ولكنه الآن مضطر للإستعانه به .....

وصلت شيماء وزوجها والأولاد كان وائل يبدو عليه الضيق ففضل  
حازم أن ينفرد به في الصالون فقال لأخته وهو يغمز لها : يلا يا  
شوشو روجي ساعدي ماما في المطبخ .....

شيماء : حاضر داخله أهو

حازم : إعملي حاجه أنا مش باكلها .....إعملي السلطة

شيماء : ماشي يا ظريف

دخلت لشيماء لأمها وعندها نظر حازم لوائل وقال : تعال نقعد نتكلم  
شوية

عندها إنطلق الصغير حمزة وأمسك بخصر حازم وهو يقول

حمزة : لأ لأ مش نتكلم عايز ألعب مع زوما

وائل : بس يا زوكا عيب أنا وأونكل حازم حنتكلم في موضوع مهم  
روح إلعب مع إخواتك

حمزة بإصرار : لأ حالعب مع زوما

وائل بنبرة حادة : ولد إسمع الكلام

بدأ الطفل في البكاء فأحتضنه حازم ونظر لوائل وقال في همس :  
وائل مش كده عارف إنك متترفذ بس الولد ملوش ذنب

نظر حازم للطفل مبتسماً وقال : بص يا زوكا إلعب إنت مع إخواتك  
بس على بال ما الغدا يجهز علشان اكل وأشحن وأفوقلك بقه



في المطبخ كانت تقف شيماء مع والدتها نظرت الأم لإبنتها التي كانت تمسك السكين بحرص وهي تقطع الخضراوات حرصاً على أظافرها .....

فريدة : شوشو حبيبي حلو إنك تهتمي بنفسك وبجمالك بس برده لازم تهتمي بالبيت والأولاد

شوشو : يا ماما ماهو أنا مهتمه يعني شايفاهم جايين مبهدين ولا عيانيين

فريدة : بس جوزك واضح إن عنده مشكلة

شوشو : مشكلته إنه قديم

فريدة : قديم ازاي يعني

شوشو : عايز واحده زي مامته مركزة في الطبخ والغسيل والمكوه والشرابات والتنظيف

فريدة : يا بنتي دي حاجات ضرورية برده

شوشو : ده شغل الخدمة أنا قائله يجييلي خدامه وقالي لأ إمكانياتي المادية متسمحش

فريدة : كده برده يا شوشو يعني أنا كده خدمة بقة

شوشو : يا ماما لأ مش قصدي وبعدين إنتي عندك هنا شغالة بتاخذ

بالها من الفيلا والتنظيف إنتي بس اللي بتحبي المطبخ

فريدة : بس زمان يا بنتي ماكنش عندي شغالة كنت باعمل كل ده  
بنفسي كل واحد وظروفه

شوشو : إنتي حنتكلمي زيه ولا إيه

فريدة : أيوه فوقى بقه ومتخربيش بيتك بإيدك وإبعدي عن الشلة اللي  
بوظت دماغك دي

شوشو : يا ماما لازم اكون مهتمه بنفسي إنتي عارفه انا تخنت بعد  
الولاده وشكلي إتغير وبقيت محتاجه عناية أكثر بنفسي وبشكلي  
علشان ميتحججش ويروح يبص برة

فريدة : شوشو إهتمي بنفسك وببيتك الإثنين مع بعض مش عملي  
حاجه وتسببي الثانية وبعدين إنتي حاطه في دماغك تجربة سمر  
صاحبتك وطلاقها مش كل الناس زي بعض كل واحد وليه ظروفه  
انا مبقولش خليكى مبهدلة وهمك شغل البيت بس .لكن برده خير  
الامور الوسط الإعتدال في كل حاجه ....ده وائل بيحبك وطيب مش  
حتلاقي زيه في الزمن ده

شوشو : خلاص خلاص

فريدة : أنا سامعة صوت شكل أبوكي وصل .....إسمعي كلامه من  
غير نقاش ومتعانديش

شوشو : حاضر . حاضر يا ماما

وهكذا اجتمعت الأسرة على مائدة الغداء ووجه الأب اللوم والنصائح لإبنته كالعادة متبوعة بكلمة حاضر من الابنة ولكن عن دون إقتناع كالعادة أيضاً حاول حازم تلطيف الاجواء وقال حينها

.....

حازم : بقولك إيه يا شوشو سيبيلي زوكا يبات معايا حبيبها بكرة

شوشو : ماشي تاخذ دول كمان ( في إشارة إلى عمر وكريم )

حازم : إنتي ما صدقتي توزعي العيال ولا إيه

فريدة : ماشي يت ستي سيبيهم يباتوا معنانا كلهم حيسلوننا وهدومهم عندي بس تروحي كده البيت وتعملي لوائل حاجه حلوة يكون بيحبها

نظرت شيماء نحو زوجها ثم لأمها وقالت : خلاص .....تحب أعملك إيه يا وائل

وائل : لا ياستي انا مش عايز اتعبك

شوشو : حاعملك تارت بالفرولة عارفه إنك بتحبه

فريدة : ربنا يهدلكوا الحال يا بنتي

وهكذا غادرت شيماء مع زوجها ونام زوكا مع حازم الذي ظل طوال الليل يفكر في سارة ويقول لنفسه : أديني حتحجج بالولد علشان أشوفك تاني بكرة ياترى حكايتك إيه ومالي مشدود ليكي قوي كده يا سارة .....

## الفصل الرابع

كانت الساعة قد قاربت على التاسعة مساءً نظرت سارة للجريدة الملقاه بجانب مكتبها وشردت قليلاً هاهي تقوم بنشر نفس الإعلان منذ خمس سنوات ..... هل يقرأه ..... أم لم يره قبل ذلك ..... هل مزال يبتاع نفس الجريدة ..... أم أنه نسيها ونسي الماضي كله ..... هل إبتعد عن هذه الجدران التي شهدت ميلاد حبهما فنسيها ونسي كل شئ أم ما زال على عهده وحبه مثلها وأكثر ..... يالها من فكرة حمقاء جاءت في ظلام الليل وسط دموعها بعد الفراق ..... إعلان حب أم طلب صفح لذنب لم ترتكبه ..... قطع أفكارها صوت الممرضة

الممرضة : دكتورة سارة ..... دكتورة سارة

سارة : أيوه ..... أيوه معلش كنت سرحانه شوية

الممرضة : خلاص يا دكتورة آخر كشف

سارة : طيب دخليه

في تلك الأثناء كان حازم يملي على زوكا التعليمات للمرة المليون ربما .....

حازم : زوكا زي ما إتفقنا بلاش رغي كثير

زوكا : حاضر

حازم : ماتقعدش تحكي كل حاجه ومامي اسمها وبابي أصله وزوما  
بيعمل متتكلمش خالص

زوكا : حاضر ..... حاضر ..... حاضر

حازم : ولما تسألك مالك حتقول إن بطنك بتوجعك

زوكا : بس هي مش واجعاني

حازم : معلش قول كده علشان الدكتور تكتبلك الفيتامين اللي إنت  
بتحبه

زوكا : اللي طعمه strawberry

حازم : أيوه

في تلك الأثناء حان موعد دخولهما ..... دخل حازم وزوكا ووجد  
سارة تجلس كعادتها على مكتبها الصغير والأنيق لا يعلم كلها رآها  
شعر بدقات قلبه تتسارع وكأن عيناه لا ترى سواها .....

إبتسمت بحرص عندما رأت أن حازم هو القادم وجهت إهتمامها  
نحو الصغير وقالت : ها إسمك إيه يا حبيبي

- حازم ..... رد حازم وهو ينظر نحوها مبتسماً في تحدي

تجاهلته سارة وتابعت مع الطفل : إسمك إيه يا حبيبي

حمزة : زوكا

سارة : زوكا .....جديد

حازم : إسمه حمزه

سارة : بتشتكي من إيه يا حمزة في حاجه بتوجعك

حمزة : لأ

حازم : زوكا حبيبي إنت نسيت ولا إيه مش إنت دايماً بتقولي بطنك  
بتوجعك

حمزة : noooooooooooo

حازم بعد أن شعر بالغضب : هو كده علطول يا دكتور شوية يشتكي  
وشوية معنديش حاجه

سارة : مش مشكلة عادي كل الأطفال كده .....زوكا شايف السرير  
اللي هناك ده تعرف تطلع عليه لوحدك زي الشاطر ولا متعرفش

حمزة : أعرف

إستقر الطفل على السرير وبدأت سارة بالكشف انهت سارة كشفها  
وقالت وهي تنزل الطفل : الحمد لله زي الفل

جلست سارة على مكتبها وتابعت : هو الولد كويس يا فندم ممكن  
أشوف التقارير

حازم : تقارير إيه

سارة : التقارير اللي حضرتك قلت حتجيبها الخاصة بحالته



قام حازم مسرعاً من مقعده وحمل الصغير بقوة وبيد واحدة من  
ملابسه وقال : إمممممم طيب نمشى إحنا بقه أصله بيحب الأدوية  
وخصوصاً اللي طعمها حلو

سارة : اه ..... عادي ..... هو حضرتك شايله كده وبعدين ده طفل  
على فكرة مش كيس خضار

قالت سارة جملتها وهي تترك مقعدها وتتجه نحوهم لتأخذ الطف  
برقة من حازم وتقوم بضبط ملابسه ..... اعطته سارة قبله على  
إحدى وجنتيه وتابعت : لما تكون شاطر وتاكل الخضار والفاكهه  
واللحمه وكل الأكل اللي مامي بتعمله حخلي بابي يجيبلك دوا ال  
strawberry يا سيدي خلاص

حمزة : خلاص يا زوما شفت إنت كمان تقول لبابي

نظرت سارة له متعجبه فمعلوماتها أنه هو والد الطفل

رد حازم بعد أن تسمر للحظات ربما ندماً على إحضار هذا الطفل  
ثم تابع : معلش إنت عارفه الكارتون بياثر على الأطفال وعلشان  
كل واحد فينا عنده شخصيتين امممم هو شايفني إثنين زوما وبابي  
والموضوع بيساعد على فكرة زوما صاحبه وبابي اللي هو بابي بقه  
اممممممم حضرتك مش بتعملي كده مع ولادك لا إنتي شكلك  
صغير حضرتك أكيد مش متجوزه صح

سارة : نعم

حازم : أسف الولد بس لخبطتني ..... يلا يابني

إبتسمت سارة إبتسامة حقيقة ربما لأول مرة منذ رؤيته لها كانت

إبتسامتها جميلة على الرغم من أن سببها إرتبائه .....

حازم : طيب الإعادة إمتى بقة

سارة : مفيش إعادة الولد كويس

حازم : يعني نيحي تاني إمتى

سارة : إن شاء الله متحتاجوش تيجو تاني غير بس لو تعب لا قدر الله

حازم : اااااااااااه طيب فرصة سعيدة يا دكتورة .....ده الكارت بتاعي

أخذت سارة الكارت ووضعته على المكتب بدون إهتمام وهي تشعر بالضيق لأنه اعطاها الكارت بدون داعي

تابع حازم : يعني لو حضرتك عايزة تبني فيلا أو عمارة أو حتى مدينة سكنية مش حتلاقي مهندس يعملك الكلام ده زي ومتخافيش حاعملك تخفيض

سارة : شكراً يا فندم نورت .....باي يا زوكا

حمزة : باااااااااااااي

وهكذا خرج حازم من العيادة وبداخله توليفة مختلطة من المشاعر سعادة لرؤيتها وغضب لأنه لا يعرف كيف سيرها مرة أخرى وحيرة في تفسير إنجذابه لها فهي ليست من نوعية الفتيات اللاتي

إعتاد قضاء وقته معهن هل هي إذن قد تكون زوجة المستقبل هل  
إنجذب لمن تهوى آخر .....ومن هو هذا الآخر وأين ذهب  
.....حي أم ميت هل هو حب أم وفاء لذكرى وهل ستنسى الآخر  
إذا ما تواجد هو بقوة في حياتها هل ستحبه هل يحبها ؟ أسئلة  
ومشاعر مختلطة تعبت بعقله دون إجابته .

## الفصل الخامس

كان ما زال يجلس شاردًا في السيارة جاءه صوت حمزة وهو يقول  
في غضب : يلا بقة

حازم : إيه خضتني

حمزة : يلا علشان تجيبلي برجر

حازم : برجر !!!!

حمزة : مش إنت قلتلي لو جيت معايا للدكتورة حجيبك برجر

حازم : زوكا إنت متستاهلش برجر إنت بعد اللي عملته فوق أخرك  
كباية مية ومن الحنفية كمان

في تلك الاثناء وجدها تخرج أمامه من المستشفى كانت تتجه نحو  
سيارتها لتستقلها وعندها أوقفتها إحدى الفتيات وهي تناديها : سارة  
.....سارة إستني

فتح حازم زجاج سيارته ليستطيع سماع حديث الفتاتين

سارة : عادة .....خلصتي

عادة : لسه حالاً بقولك ايه حتروحي

سارة : أكيد هلكانه

عادة : طيب ماتيجي نتعشى سوى في حته وبعدين تروحي الساعة  
لسه ماجتش عشرة

سارة : يا بنتي روعي كلي مع جوزك

عادة : جوزي حيتأخر في الشغل ووالي إتعشي إنتي يرضيكي  
واحد حامل زيي وحساسة من هرمونات الحمل تاكل لوحدها

سارة : خلاص عايزة تاكلي فين

عادة : اكيد بيتزا وكمان أقرب مطعب اخر الشارع علشان الوقت يا  
ستي

سارة : خلاص يلا إركبي

وهكذا تحركت السيارة وعندها نظر حازم لحمزة وقال : خلاص يا  
سیدی

حمزة : ايه

حازم : حأكلك بيتزا

نظرت عادة لسارة وهي تحرك شوكتها دون أن تأكل وقالت : إيه  
يا بنتي مش جعانه إنتي إتغديتي إمتي

سارة : الساعة إثنين

عادة : طيب ماتاكلي محسساني إني مفجوة جنة جنبك

سارة : يا بنتي إنتي بتاكلي لإثنين

عادة : وإنتي مابتاكلش لنص حتى .....كلي

سارة : حاضر حاضر محسساني إنك ماما .....إيه مالك  
بتبصي جنبك على إيه

عادة : من غير ما تبصي علي يمينا بعدينا بترابيزتين كده في شاب  
عينه مانزلتش من عليكي .....بس إيه جامد شيك وشكله حلو

سارة : إنتي فايقه ورايقه كبري

عادة : بس ده مركز معاكي قوي حتى مش واخذ باله اني شايفاه بس  
الحلو ما يكملش .....معاه ولد صغير

سارة : إيه !!!!!

عادة : اه أكيد إبنه وإلا يبقى مثالي بقه وبيفسح ولاد إخوانه ولا ولاد  
صحابه

سارة : شكله عامل إزاي

عادة : أعتقد طويل وعريض شوية ممكن يكون بيلعب سباحه شعره  
إسود وبشرته قمحي وشيك كده وجان و.....

سارة مقاطعة : أنا قصدي على الولد الصغير

غادة : شكله عسل شعره أصفر وكيرلي

ظهرت الدهشه والغضب على ملامح سارة لتتنظر على الفور لتجده  
بالفعل حازم ..... نظرت له ونظر لها كانت نظرتها غاضبه أما  
هو فإستقبل نظرتها بإبتسامه وظلت نظراته مرتكزة عليها إستادرت  
سارة في غضب وتابعت : مش ممكن

غادة : إيه ده إنتي تعرفيه

سارة : الشاب ده جالي العيادة وحجز كشف وماكنش معاه طفل  
وقعد اتحجج بتقارير مش معاه اصلاً ورديته الكشف وقتله يبقى  
يجيب الولد وجاب الولد النهارده والولد مش عيان شكله بيستظرف  
وانا متغاضه منه معندوش دم معاه ابنه وشوفي بيعمل ايه

غادة : طيب ما جايز مش ابنه

سارة : هو قال ابنه وبعدين ماتفرقش انا مش فاضية لوجع الدماغ ده

غادة : وجع دماغ ايه واحد شكله معجب بيكي ايه المشكله ..... في  
ناس بتتجوز كده على فكرة

سارة : غادة جواز ايه

غادة : سارة إنتي خايفة تحبي تاني ولا رافضة تشوفي حد غير

يوسف

إغرورقت عينا سارة بالدموع عندما ذكر إسمه وكأنها نسيته وكأنه  
ليس بذاكرتها ليلاً ونهاراً

سارة : عادة قفلي على الموضوع ده

عادة : لأ يا سارة مينفعش اللي إنتي فيه ده..... حبيبتي لازم  
تواجهي الواقع إنتي بقالك خمس سنين متعرفيش عنه حاجه ولسه  
متعلقه بيه سارة انتي عايشة في الماضي خايفه يكون الحاضر  
إختلف وكثير

سارة : عادة بليز ممكن نقل الموضوع كمان أنا عايزة أمشي من  
هنا

عادة : خلاص يا سارة اللي يريحك

وهكذا همت سارة وصديقتها للإنصراف من المكان وكان لحازم  
نصيب من نظرة أخرى غاضبة من سارة كانت تمثل لها حاجزاً  
تضعه حول نفسها حتى لا يقترب منها أحد وكانت تمثل له تحدي  
ونجاح!!!! نظر لحمزة وهو مبتسماً وقال : شفت يا زوما شكلها  
فهمت وإتأكدت

حمزة : إيه ده يعني إيه

حازم : يعني في تقدم

كانت شيماء ما زالت على الهاتف مع صديقتها رانيا

رانيا : ها حتيجي معايا بكرة ولا لأ

شيماء : لأ إنسيني الأسبوع ده وائل شاكيني وواخده دش بارد من  
البيت كله

رانيا : اهلك دول ناس عجيبة دائماً معاه

شيماء : شايفين إني غلطانه يا ستي وهو المظلوم الغلبان

رانيا : غلبان !!!! مفيش راجل غلبان إسئليني أنا كانت عاملاه اللي  
ميتعملش وفي الآخر راح إتجوز اللي بتدلع وصارف دم قلبه عليها  
خليكي ناصحه متغلطيش غلطتي

شيماء : يعني اعمل إيه

رانيا : زي ما قلتلك لازم تكوني دايماً توب على سنجة عشرة  
ويجييلك خدامه هو حيصرف فلوسه على ايه غيرك انتي والبيت  
شيماء : بيقول الميزانية متسمحش مدارس الولاد ومصاري في أنا  
يدوبك

رانيا : خليكي برده وراه بدل ما في الآخر القرش يتصرف على  
غيرك

شيماء : إنا نشوف سلام بقه شكله جه والتليفون بيعقده شوية

رانيا : ماشي يا ستي حابقي أكلمك بكرة سلام

قابلت شيماء زوجها بإبتسامه وقالت : حمد الله على السلامه يا  
حبيبي

وائل : الله يسلمك يا حبييتي

شيماء : إتأخرت النهارده كده ليه

وائل : كان عندنا جرد في المكتب

شيماء : معلىش ثواني والعشا يكون جاهز

وائل : يا سلام إيه الرضى ده حنتعشى النهارده مش تيك أو اي

شيماء : ظريف

وائل : طيب عاملاي إيه بقه

شيماء : كوردون بلو وإسباجيتي

وائل : يا سلام ربنا يهديكي كده وترضى عني وأحس إنك فاكراني  
بأكله بيتي..... ضحكه حلوة

شيماء : هو أنا بفكر غير فيك يا وائل

وائل مقبلاً يدها : وأنا بحبك يا شوشو يلا بقه حاخد دش ونتعشى  
سوا ماتقوليش دايت أقعدي إفتحي نفسي

شيماء : أوكيه .....

وهكذا كانت شيماء تعيش حياة متأرجحه بين الهدوء والتوتر نتيجة  
نصائح صديقتها التي تقيس كل الرجال على مواصفات زوجها  
السابق .....

## الفصل السادس

مرت الايام وسارة ما زالت تشغل تفكير حازم ..... يتوق  
لرؤيتها كان يتوجه بسيارته دائماً نحو المستشفى في موعد ذهابها  
وعودتها ربما يراها حتى جاء يوم وراها حقاً كان يبدو عليها  
الإجهاد ..... يبدو عليها الحزن ركبت سيارتها وتبعها حتى  
توقفت أمام محل صغير لصنع القهوة ودخلت ولم يشعر بنفسه إلا  
وهو يدخل خلفها ويجلس في طاولة بالقرب منها .....

كانت سارة تنظر لقهوتها وتتذكر ما حدث فوالدها لا يكل ولا يمل  
من ذكر نفس الموضوع وكأنه لم يخطئ وكأنه لم يفرق بينها وبين  
من تحب والآن يود منها الإقتران بآخر ..... بكل بساطة  
..... نفس المعضلة تكرر كلما دق بابها أحد الرجال فالوالد  
يتمنى رؤيته جميلته عروسه وكان فستان العرس سينسيها الماضي  
لتلتف بالحاضر غير عابئة بقلبيها ..... كان حازم يراقبها عن  
كثب كلما رآها لا يستطيع أن يزيح نظره عنها لم تلاحظه سارة إلا  
بعد وهلة شعرت بالغضب هل يتابعها الآن أم يطاردها نظرت نحوه  
في تحدي فابتسم لها كعادته دون أن يقترب منها وكالعادة لم تكمل  
قهوتها وخرجت تاركة له المكان .....

دخل شادي مكتب صديقه ليجده شارداً كعادته في الأيام الاخيرة

شادي : إيه يا عم السرحان

حازم : إيه يا عم لا سرحان ولا حاجه



شادي : اممممم شكلك سألت عليها

حازم : سألت .....بس الحاجه الوحيدة اللي عايز اعرفها مش  
عارف أعرفها

شادي : حاجة.....حاجة إيه

حازم : مش مهم دلوقتي

شادي : حازم لو إنت معجب بيها بجد وهي بنت محترمة طيب يلا  
خلينا نفرح بيك بقه يابني حتتجوز إمتى ??? لما تقرب من أربعين  
فوق لنفسك بقه

حازم : يا عم أنا ماكنتش حاطط موضوع الجواز ده في دماغي  
خالص

شادي : ودلوقتي

حازم : او ففففففففف مش عارف بسرعة كده إتشيدلتها حاولت  
اتعرف عليها بس هي مش مشجعه خالص ومحتاج أتعرف عليها  
قبل ماخذ قرار مهم زي ده .....محتاج أتعرف عليها  
وأعرف عنها كل حاجه .....

شادي : هي بتشتغل

حازم : اه دكتورة باباها صاحب مستشفى الأمل

شادي : ياه طب يا سيدي ماتاهت ولقيناها

حازم : مش فاهم

شادي : إيه يا حازم إسئل عليها في شغلها

حازم : يا سلام جبت التايهة حاعرف ايه أكثر من اللي عرفته كلها  
معلومات عامة أنا عايز أعرف في في حياتها حد ولا لأ

شادي : يا بني إنت محتاج ممرضة رغاية ولو في حاجه حتعرفها  
حتعرفها مع إني شايف إنك شكاك من كتر العك اللي عكيتة

صمت حازم وإبتسم وقال لنفسه : إنت مش عارف حاجه يا شادي  
.....الإعلان يا سارة مين ده اللي بتحبيه ويا ترى هو فين يا  
ترى مجرد حب قديم ولا حاجز حيفضل بينا لا قادر أقرب منك ولا  
قادر أبعد عنك

شادي : إيبيبيبيبيبيبه رحت فين

حازم : بس تصدق إنك عبقرى . بس محتاج ادخل المستشفى دي  
كام يوم علشان أعرف أنقى اللي حتفيدني

شادي : دي صعبة حتعمل عيان بقة ولا إيه

حازم : ولا صعبة ولا حاجه محتاج أبات ليلة بس وأعتد على  
حظي بقة وأمري لله وألاقي الرغاية دي

شادي : إنت حتغلب إنت لما بتحط في دماغك حاجه يلا السلام

حازم لنفسه مرة أخرى : فعلاً لازم أعرف السر ده علشان أرتاح  
ياأقرب منك بقلب جامد يا أبعد عنك وأنساكي بقة وتطلعي من  
دماغي..... نظر حازم لصديقه وقد جاءتة فكرة لتوه

حازم : خلاص لقيتها

شادي : إيه أضربك بحاجه أفتحلك دماغك مثلاً انا مستعد أضحى  
على فكرة

حازم : ههههههههههه لا يا خفيف بينا على حمادة سوسيس

شادي : لااااااااااا إنت بتهرج

حازم : يلا بقه متاكلش إفرج بس .....

في أحد الأماكن العشوائية في أطراف الإسكندرية جلس حازم على  
طاولة خشبية متواضعة يتناول بعض الساندويشات من اللحم  
مجهول المصدر!!!!!! وشادي بنظر نحوه بإمتعاض

شادي : تصدق إنك مجنون ابن مجانيين

حازم : إحترم نفسك يا ض

شادي : فاكر آخر مرة كلنا هنا محوقش غير غسل المعدة وقضيت  
عيد ميلادي في المستشفى

حازم : ماهو ده اللي انا عايزه حاقي ليلة في المستشفى علقه بقه  
وتفوت

شادي : إنت كنت عرفت المكان ده منين صحيح

حازم : متفركنيش البت ولاء اللي طلعت في الآخر أم إسلام هي  
اللي عرفتهولي اتاريه ابن عمها وكان بتنفعه

شادي : هههههههههههه إنت يلا أديك بتكفر ذنوبك







حازم : ليه بقه إن شاء الله

شادي : يا عم الحمش عايز أشوف اللي عملت فيك كده

حازم : إما أبقى أشوفها أنا الأول يا أخويا

في تلك الأثناء دخلت الغرفة ممرضة بشوشة الوجه

الممرضة : ها اخبارنا إيه

حازم : تمام

الممرضة : طيب بعد إذنك نبدا نحضرك علشان الدكتور حيعمل

منظار كمان شوية

حازم : يعني حتعملي إيه

الممرضة : ماتقلقش دي حاجات بسيطة خالص وأهي دكتور عادة

وصلت

عادة : سلام عليكم إزيك يا بشمهندس حازم .....قالتها بعد أن

نظرت على الإسم في التقرير

حازم : الحمد لله

كان حازم يشعر بالضيق ولكنه تذكرها على الفور كانت صديقة

سارة التي رآها معها في مطعم البييتزا تذكرته أيضاً عادة إبتسمت له

وقالت : أنا شفت حضرتك قبل كده

حازم : أيوه أنا برده شفت حضرتك مع دكتورة سارة في مطعم

البييتزا



سارة : ياربي ماله

غادة : هنا

سارة : هنا هنا فين وبيعلم إيه

غادة : أسكتي يا سارة غلبان هو جه علشان يعمل غسيل معده بعد  
أكله بايظة إكتشفنا إن عنده قرحة لسه دكتور أنيس عامله منظار من  
شوية

سارة : دكتور أنيس هههه يستاهل

غادة : حرام عليك يا سارة طيب والله صعب عليا أنا كنت حاسه  
إني إديته المهدئ مش علشان المنظار علشان دكتور أنيس

سارة : على رأيك

غادة : بس مهمل في نفسه الدكتور كتبله علاج وز عقله وقاله لو  
أهملت في الأكل والدوا ممكن تحتاج عملية

سارة : إنتي عارفه إني شفته من يومين وبيبص بقه مش هامه يلا  
ربنا يشفيه

غادة : على فكرة.....مش متجوز الولد مش ابنه

سارة : على فكرة.....متفرقش

غادة : سارة

سارة : غادة إطلعي من دماغي

غادة : ده سأل عليكي بيقولي خليها توصيكي عليا

سارة : ده على أساس إننا صحاب بقه هو مش حيسكت إلا لما  
يتهزق شكله بقولك إيه أنا مصدعة وعايزة أنام.....سلام

غادة : سلام .....

"ياربي يا سارة إمتى تنسي يوسف بقه أنا مش عارفه اعمل إيه  
أقولك ولا لأ محتارة.....محتارة "

قالت غادة تلك الكلمات لنفسها وهي تنظر نحو سارة ونحو غرفة حازم  
وتتمنى أن تجد صديقتها حب آخر .....

كان شادي ما زال في المشفى مع حازم دخل غرفته ليطمئن عليه وقال  
وهو مبتسماً : ها خلاص

حازم : خلاص

شادي : شكلك مجهد برده حتفضل من غير اكل

حازم : اه بيقولوا كام ساعة كده بعد المنظار

شادي : وقالك إيه

حازم : كتب علاج وكتب انواع أكل وقعد يز عقلي كبر دماغك بقه

شادي : لا يا حازم ماتكبرش دماغك في صحتك

حازم : خلاص يا سيدي



الوجه البشوش كانت فتاة يبدو أنها في الثلاثين من العمر وتتبع طاقم التمريض ..... إقتربت منه لقياس الضغط وتابعت : أنا حاكون مع حضرتك النهارده أخذت الشيفت من نشوى غلبانه وراها بيت و عيال وإبنها الصغير كان عيان آخر العنقود برده وهي مدلعاة فرحت قوي أنا بقة فاضية لسه لا جوز ولا عيال .....البشمهندس صاحبك وصاني على حضرتك وهو الموضوع مش محتاج توصية والله ده إحنا المستشفى عندنا هنا إكسترا في كل حاجة دكاترة وممرضين

فهم حازم على الفور أن تلك الفتاة هي الممرضة التي يبحث عنها التي ربما يستغل عشقها لثقافة القيل والقال ويعرف منها كل ما يريد عن سارة .....إبتسم وقال محدثاً نفسه : لا جدع يا شادي رغبة رغبة يعني .....إبتسم لها حازم ونظر لها بعين مأكرة ولقد كان يعلم جيداً تأثير تلك النظرة على النساء وأن تلك الفتاة المسكينة قد تفرغ كل مافي جعبتها من أحاديث فقط أمام تلك النظرة

حازم : إنتي إسمك إيه بقة

الممرضة : إنجي

حازم : إنجي !!!!

إنجي : إيه مستغرب ليه يا بشمهندس مشبهش ولا إيه

حازم : لا مش القصد بس إنتي يليق عليكى إسم جميلة .....وردة

.....لكن إنجي ظلموكي بيه

إنجي : شكراً يا بشمهندس والله لسانك حلو

حازم : وإنتي بقه بقالك كثير شغاله هنا

إنجي : اه يجي سبع سنين

حازم : على كده تلاقيني عارفه المستشفى كلها

إنجي : طبعاً

حازم : أنا أعرف هنا بس دكتورة سارة

إنجي : بجد

حازم : اه ابن أختي بيتعالج عندها

إنجي : دكتورة سارة شاطرة والأطفال بيحبوها جداً

حازم : بس مكشرة علطول تحسي إنها مخنوقه كده

إنجي : لا يا بشمهندس بالعكس دي زي النسمة وبصراحه عمرها ما حسستني أنا أو أي حد إنها بنت صاحب المستشفى وبصراحه الدكتور ممدوح نفسه بيتعامل مع الكل كأب راجل طيب قوي ربنا يكرمه ويفرح بيها ويصلحها الحال

حازم وقد لمعت عيناه بعد أن بدأت إنجي في سرد ما ينتظره : صحيح هي مش متجوزة صح

إنجي : اه

حازم : طيب ماتعرفيش ليه .....يعني هل بترفض ناس كثير ولا

مش بتفكر في الجواز

إنجي : هو حضرتك جايبها عريس ولا إيه

حازم : اه بس يعني مش عايز يتكلم رسمي إلا لما يتأكده إنه مش  
حيترفض أصلي سمعت إنها بترفض ناس كثير

إنجي : ربنا يهديها ويوفقها في ابن الحلال اللي ينسيها الهم

حازم : هم .....هم إيه

إنجي في إرتباك : مفيش ماتخدش في بالك

حازم : إيه يا إنجي كده تخبي عليا دنا حتى إرتحتلك وقلت إنتي  
حتسليني في قعدة المستشفى دي

إنجي : لا .....أصل

حازم : ماهو لازم تحكي عليشان أقول لصاحبي ده عريس لقطة  
أحسن بنات البلد يتمنوه بس قلقان لما سئل وعرف إنها علطول بترفض  
ناس خاف يكون في حياتها حد ويترفض

إنجي : الناس مابتسبش حد في حاله لا حد ولا سبت ده موضوع خلص  
خلاص

حازم : طيب إحكي عليشان خاطر أقول صاحبي ومحدث يلعب في  
دماغه .....إحكي يا إنجي

إنجي : حكاية بدأت من يجي خمس سنين كانت الدكتورة سارة لسه  
يدوبك متخرجه وبدأت تيجي المستشفى عليشان تتدرب أصل الدكتور

ممدوح كان نفسه قوي إنها تبقى جراحة زيه يومها جه المستشفى  
الشاب ده كانت حادثة صعبة قوي يومها المستشفى كانت واقفة على  
رجل وعلطول جهزوا اوضة العمليات كانت عملية صعبة عملها  
الدكتور ممدوح بنفسه قعدت يجي أربعة عشر ساعة وبعدها فضل  
معانا في المستشفى يا حرام كانت عنده إصابة في العمود الفقري  
عملت ليه بعيد عنك شلل وكان محتاج كذا عملية وكان في كذا دكتور  
بيتابع الحالة ومعاهم دكتورة سارة.....الدكتور ممدوح كان عايزها  
تتعلم ماكنش يعرف إن دي حنبقى بداية حب بين يوسف وسارة

حازم : كان اسمه يوسف

إنجي : كان شاب زي القمر شعره أصفر وعينيه خضراء  
.....عارف مهند

حازم في إمتعاض : عارف زفت

إنجي : إيه

حازم : عارف مهند ياستي كملتي

إنجي : كان شبه مهند بس الحلو مايكملش

حازم : وبعدين إيه اللي حصل

إنجي : كانت دكتورة سارة علطول بتتابع الحالة برده وهو كان قاعد  
فتره وكان في كمان علاج طبيعي في الأول معرفش الموضوع بدأ  
إزاي جايز كان صعبان عليها بس بعد كده تقريباً كانت المستشفى كلها  
عارفه إنهم بيحبوا بعض كلهم إلا الدكتور ممدوح معرفش إلا متأخر

.....

وهكذا بدأت انجي تقص على حازم قصة سارة ويوسف والحب الذي  
وُلد داخل جدران هذا المشفى ..... الفتاة الرقيقة الحالمة وأول حب  
والشاب البائس الذي وجد في هذا العشق بارقة أمل تدفعه نحو الشفاء

.....

منذ خمس سنوات كانت سارة يوماً تراه أصبحت عادة جميلة لديها  
وبمرور الوقت أصبح الوقت مع يوسف هو أسعد الاوقات كان هو في  
البداية شاردًا حزيناً لا يفكر سوى في هذا المقعد المتحرك الذي قد  
يلازمه بقية حياته ..... المستقبل الذي أصبح مظلماً بعد حادث  
أليم قضى على كل شئ وأمام كل ذلك وجد سارة بحبها النقي الذي  
تخطى كل المصاعب ..... الدافع واليد التي امتدت له ليعبر تلك  
الأزمة ويخرج منتصراً بغض النظر عن النتيجة .

سارة : إيه يا يوسف سرحت تاني

يوسف : معلىش غصب عني

سارة : الجرنال بتاعك اهو ياسيدي

يوسف : امممم شكراً

سارة : مش عارفة بتحب إيه في الجرنال ده

يوسف : لا هو عادي ميفرقش عن الجرايد الثانية

سارة : طيب إشمعنه بتجيبه هو بس

يوسف : بابا الله يرحمه كان بيحبيه من ساعة ما مات فضلت أنا كمان

أجيبه بحس إنه موجود معايا

سارة : يا حبيبي أحلى حاجة بحبها فيك مشاعرك الرقيقة دي

يوسف : سارة .....تفتكري حبنا ده ليه مستقبل

سارة : يوووووووه حنرجع للكلام ده تاني

يوسف : أنا باتكلم ده .....سارة تقدري تكلمي حياتك مع واحد

.....عاجز

سارة : يوسف في إيه إنت ناسي إنك لسه قدامك علاج وعمليات إيه

التشاؤم ده

يوسف : يمكن اه ويمكن لأ وحتى لو في أمل لسه المشوار طويل

سارة : قوم معايا

يوسف : حنروح فين

سارة : قوم بس إتفضل يا سيدي الكرسي اللي مضايقتك أهو كده كده

طالعين مشوار لغاية أوضة الأشعة إسند عليا .....إيوه تمااااام

إستقر يوسف في الكرسي ونظر لها بعين حائرة وقال : مش فاهم

حتعملي إيه

سارة : بتقول الطريق طويل وممل صح

يوسف : ومش مضمون

سارة : زي الطريق من هنا لأوضة الاشعة طويل وعلى كرسي غبي  
فأكيد حيكون ممل وبرده مش مضمون ممكن نوصل أو لأ ما هو مفيش  
حاجه مضمونه

يوسف : مش فاهم

سارة : تعال حافهمك

إنطلقت سارة بالكرسي مسرعة تدفع يوسف بأقصى سرعة بممرات  
المشفي كادت أن تصدم اكثر من شخص وكادت أن تقع هي وهو شعر  
يوسف بلحظات من المرح وكأنه طفل تدفعه أمه بالعربة مسرعة فقط  
لإسعاده .....

سارة بأنفاس متسارعه بعد الوصول : ها شفت

يوسف : شفت إيه إنتي مجنونة

سارة : وإنت مبسوط بتضحك أهو

يوسف : طيب بجد قصدك إيه بالملاهي اللي عملناها دي

سارة : مهما كان الطريق طويل وبايخ ممكن بحاجات بسيطة نحليه  
ونخليه ضحكة في حياتنا لكن لو إستسلمنا حيفضل مجرد طريق بنكره  
حتى نمشي جواه

يوسف : بحبك مش عارف من غيرك كنت حاعمل إيه

سارة : وأنا بحبك بغض النظر عن أي حاجة حاكون سعيدة معاك

يوسف : بجد يا سارة

سارة : مش محتاج تسألني

يوسف : سارة إنتي عارفه إني حاكمل علاجي بره

سارة : عارفة وبابا بدأ يعمل إتصالاته مع المستشفى اللي في المانيا

يوسف : سارة .....تتجوزيني

## الفصل التاسع

نظرت غادة لصديقتها في دهشة وهي تخبرها بطلب يوسف .....

غادة : إيه !!!!! عرض عليكى الجواز

سارة بسعادة : اه

غادة : وإنتي قلتي ليه إيه

سارة : ماقلتش حاجة بس كنت مبسوطة وهو حس بده

غادة : طيب وناوية تعملي إيه

سارة : أهم خطوة بابا لو عدت خلاص كل الأمور حتمشي بعد كده

.....أهم حاجه بابا يوافق وكمان يوافق على السفر

غادة : سفر !!!!!

سارة : ماهو يوسف خلاص لازم يسافر يكمل علاجه بره علشان كمان العملية صعبة وبره حتكون أفضل

غادة : وإنتي حتسافري معاه

سارة : طبعاً لازم أكون جنبه .....حننجوز ونسافر عطول

غادة : سارة ممكن تهدي .....تقفي وتفكري شوية

سارة : في إيه

غادة : في كثير يا سارة إنتي مندفعة قوي في قصة الحب دي وعينك مش شايفة حاجات كثير

سارة : لأ شايفة .....بس يوسف حيخف الموضوع مجرد وقت

غادة : لا يا سارة إنتي دكتورة وفاهمه يوسف محتاج أكثر من عملية ويا عالم

سارة : أنا حافضل مع يوسف مهما حصل ميهمنيش

غادة : سارة إنتي فاهمه إن مشكلة يوسف مش مجرد شلل رجليه وبس وإن إصابته مآثرة على حاجات تانية

سارة : غادة لو سمحتي أسكتي

غادة : لأ مش حاسكت إنتي ليه بتهربي من الحقيقة دي

سارة : عادة أنا عارفه كل حاجه وميهمنيش حافظل معاه لغاية ما  
يخف بعد سنة بعد عشرة ميخفش خالص ميهمنيش .....

عادة : سارة إنتي صغيرة ورومانسية قوي .....الحقيقة غير  
القصص والأفلام يا سارة

سارة : هو مش اللي بيحب بيضحى علشان حبيبه .....طيب مش  
ممكّن كان يكون الوضع معكوس أنا اللي عاجزة وهو اللي سليم  
ساعتها كنت حتمنى اللي أنا بعمله معاه .....بلاش مش ممكّن  
أتجوز واحد سليم وكويس وبعدها يحصله زي ما حصل ليوسف  
ساعتها ايه اسيبه .....

عادة : الوضع مختلف يا سارة .....هو مش جوزك وبصراحه بقة  
ومن غير زعل أنا شايفاه أناني

سارة : أناني !!!!!

عادة : أيوه يا سارة المفروض ماكنش يعرض عليكى الجواز هو  
بيستغل حبك علشان مصلحته

سارة : عادة لو سمحتي ماتقوليش على يوسف كده

عادة : بنوته وصغيرة وزي القمر وبتحبه ومش شايفة حاجة تانية غير  
الحب ده .....هو إستغل الفرصة دي عروسة وزوجة وراضية  
بظروفه وحتسافر معاه لآخر الدنيا وتسيب كل حاجه المفروض  
يضحي علشانك زي مانتى بتضحى علشانه

سارة : عادة .....إفهمي مفيش تضحية سعادتنا إننا مع بعض هي

دي كل الحكاية وخلص بقه يا غادة قفلي على الموضوع .....لما  
إنتي بتقولي كده أمال بابا حيعمل إيه

غادة : باباكي مش حيوافق يا سارة .....حضري نفسك لده

عن ماذا يتحدثون ..... عن حبها ..... أم عن مخاوفهم  
..... هل ستخبر أمها عن يوسف ..... هل ستوافق أم  
ستحدث مثل صديقتها ..... وإن رفضت ماذا ستفعل ولماذا  
ترفض ..... ألم تحب الأميرة الضفدع.....لقد قصت  
عليها أمها تلك القصة مراراً .....نعم لقد أحببت الأميرة الضفدع  
وبفضل حبها أصبح أميراً مرة أخرى .....هل هو إذن حديث  
أساطير نستمع إليه لنغفو في حلم سعيد ولكن نستيقظ ونعود للواقع في  
النهاية .....

ولكنه حلمها هي وحدها .....تستطيع أن تجعله واقع وتستطيع أن  
تبقيه مجرد حلم .....أم إنها معركة ستخوضها قريباً ربما مع  
الجميع من أجل حبها .....من أجل حبيبها .....لن تتركه  
لن تستسلم لواقعهم المرير .....فقط ستعيش حلمها  
.....قصتها مع أميرها .....فهي تراه أمير .....أمير وليس  
بضفدع حتى لو ظل كذلك في أعين الجميع .....

خرجت من افكارها بسرعة على صوت الهاتف تلاه صوت أبيها  
غاضباً : سارة تعالي عايزك حالاً في مكتبي

إتجهت للمكتب والحيرة تملكها والقلق أيضاً .....تُرى ماذا حدث هل

طلبها منه للزواج .....لهذا هو غاضب إذن .....ماذا سوف تفعل  
.....تعجلت الأمر يا يوسف كان يجب ان أمهد له اولاً  
.....كانت كل تلك الأفكار تدور برأسها شعرت أن رأسها  
سينفجر لماذا تحول هذا الحب وهذا الحلم لكابوس مقلق  
.....حاولت إسترجاع ثقتها وقابلت والدها بإبتسامة عسى أن

تمتص غضبه

ممدوح : أقعدي

سارة : في إيه يا بابا في حاجه مضيقاك

ممدوح : أنا هنا مش بابا

سارة : هو إيع اللي حصل

ممدوح : يا دكتورة إنتي هنا علشان تتعلمي وموجودة مع حالات  
صعبة علشان دي فرصة لجراحه نفسها تكون شاطرة مش جايبين نلعب  
هنا

سارة : إيه

ممدوح بصوت مرتفع وغضب شديد : يا دكتورة عيب قوي لما اعرف  
إنك عاملاها لعبة وبتجري بالمريض بالكرسي جوه المستشفى ده إسمه  
لعب عيال مفيش دكتورة محترمة تعمل ده

سارة : بابا .....أنا .....

ممدوح : وبعدين إيه مفيش مرضى في المستشفى غير يوسف ولا إيه  
هو إنتي هنا علشان تتدربي ولا تقضيها تمرريض لحالة واحده

سارة : لأ .....اصل

ممدوح : خلاص من النهارده مالكيش دعوة بالحالة دي .....ممنوع  
تخشي الأوضة أصلاً

سارة : ليه .....يا بابا غنت مش فاهم .....أنا كنت بحسن حالته النفسية

ممدوح دون أن ينظر نحوها : لو عرفت إنك تعاملتي مع المريض ده  
تاني يا سارة حسابي حيكون عسير

نظرت سارة لأبيها باكية وخرجت مسرعة من الغرفة وهي لا تعلم  
ماذا ستفعل بعد ذلك .....

كانت ليلي والدة سارة سيدة هادئة الطبع سارة هي أبنيتها الكبرى  
والصغرى رباب وكان زوجها يتمتع بشخصية قوية طالما طغت على  
أي أراء لها وهكذا كانت سارة تعلم جيداً أن صاحب القرار هو أبيها  
وحده وأن أمها لن تستطيع أن تغير من رأيه حتى لو أقنعتها سارة  
ليلي : مالك يا سارة من ساعة ما جيتي من الشغل وشكلك مش عاجبني

سارة : أبدأ تعبانه شوية .....هي رباب لسه نايمة

ليلي : أختك دي بتصحى علشان تنام تاني

سارة : رايقة

ليلي : بس إنتي مش رايقة في حاجه مز علاكي

سارة : يعني شديت مع بابا في الشغل

ليلي : ليه

سارة : في حالة بتابعها وهو دلوقتي مانعني إني أدخلها ينفع كده يا ماما

ليلي : من غير سبب يعني

سارة : اه مفيش سبب مقنع

ليلي : وده موضوع يستاهل إنك تضايقي نفسك كده

سارة : طبعا ما هو ده شغلي ومتابعة الحالة دي بالذات مفيد ليا

ليلي : خلاص لما يجي بالليل حاعمله كباية يانسون تهديه وكلميه  
بالراحه

سارة : طيب يا ماما ما تكلميه إنتي

ليلي : يا بنتي هو أنا أفهم في شغلكم إنتي اللي لازم تتكلمي معاه

- تتكلم معايا في إيه .....قالها ممدوح وهو يدخل عليهم غرفة  
المعيشة

ليلي : إيه ده جيت بدري النهارده يعني

ممدوح : اه تعبان ومحتاج أرتاح

سارة : طيب عنئذكم

ممدوح : سارة إستني

سارة : أيوه

ممدوح : كنتي عايزة تتكلمي معايا في إيه

سارة : لا يا بابا مش وقته.....بعدين

ممدوح : قولي اللي إنتي عايزاه دلوقتي

سارة : بخصوص مناقشتنا الصبح

ممدوح : بيتهيألي المناقشة إنتهت والقرار إتأخذ خلاص

سارة : بس يا بابا لازم تسمع رأيي

ممدوح : يا دكتورة لما مديرِك في العمل ياخذ قرار ما تناقشيش  
تسمعي الكلام وتنفذي

سارة : خلاص يبقى كده معنديش حاجة أقولها عنئذك يا دكتور

ممدوح : سارة إستني

سارة : أيوه

ممدوح : يوسف في خلال أسبوع خلاص حيسافر على ألمانيا أنا إنفقت  
مع المستشفى هناك وبعتلهم كل التقارير الخاصة بحالته يعني كده كده  
الحالة حتسيب المستشفى مفرقتش بقة الأسبوع ده

سارة : بسرعة كده أنا كنت فاكره لسه فاضل شهر

ممدوح : قعدته في المستشفى مالهاش لازمه علاجه هنا صعب  
.....في ألمانيا برده صعب وحيأخذ وقت بس هناك في أمل

سارة : وهو عرف قلت ليه

ممدوح : قلت لدكتور إبراهيم يبلغه

ساره : امممممم

ممدوح : نفوق لئفسنا بقة .....عئنا مرضى تانين غير يوسف

نظرت سارة لأبيها وهي حزينة .....قالت محدثة نفسها : فعلا في  
مرضى تانين غير يوسف محتاجين عقلي .....لكن قلبي مفيهوش  
غير يوسف .....يوسف بس

## الفصل العاشر

كانت سارة قد إعتادت أن تحادث يوسف يوميا قبل النوم .....في  
تلك الليلة ظلت تنظر للهاتف دون أن تتصل به .....ماذا ستقول  
وماذا سيقول سيرحل في خلال أسبوع ويعلم الله وحده متى سيعود هل  
تستطيع أن ترحل معه ان تضرب بكل شئ عرض الحائط وتذهب هل  
لديها الوقت لإقناع هذا الأب العنيد الذي غضب فقط لمجرد إهتمامها  
به ماذا لو علم أنه حبيبها وأنه يريد الزواج بها .....كيف سيكون  
رد فعله كانت تفكر والحيرة تأكل عقلها وزادت حيرتها عندما رأت  
إسم يوسف على هاتفها الجوال يحاول الإتصال بها .....نظرت  
للهاتف في حزن ووضعت رأسها على الوسادة في محاولة فاشلة  
للنعاس .....

كان يوسف يشعر بالغضب بعد حديث الدكتور إبراهيم فهو لم يتوقع أن يكون السفر بتلك السرعة وعلى قدر سعادته بإقتراب موعد سفره وبداية الرحلة الحقيقية للعلاج على قدر قلقه وإحساسه بأن علاقته بسارة هي التي جعلت الأب يسخر كل إتصالاته من أجل إسراع سفر يوسف وكأنه الطبيب الذي يبذل كل جهد من أجل مريضه وكأنه الأب الذي يُسخر كل إمكانياته من أجل مصلحة ابنته ويبدو أنه يرى مصلحتها في إبتعاده عن سارة .....

زاد من قلقه وغضبه عدم إجابة سارة على إتصاله .....إذن هناك غضب ..... هناك رفض ..... عن أي حب تتحدثين يا سارة فبكل سهولة ستتخلين عني عند أول معضلة ..... هل ستحاربين من أجلي أم ستتركيني في منتصف الطريق ..... عن أي منتصف أتحدث هي بداية الطريق

وهكذا مرت الليلة طويلة على كلاهما وجاء الصباح أخيراً وعندها وجدها أمامه نظر لها بغضب وعتاب ثم قال .....

يوسف : كلمتك إمبراح مردتيش

سارة : معلى .....كان مودي وحش قوي محبتش أكلمك وانا متضايقة

يوسف : إنتي عرفتي

ساره : اه خلاص السفر قرب قوي

يوسف : سارة لازم تقولي لباباكي .....أنا مش متخيل إني أبعد  
عنك .....وأنا مش عارف حارج إمتى

سارة وقد بدأت الدموع تظهر في عيناها : إنت عارف إن بابا إمبارح  
إداني أمر إني مدخلش أوضتك ومليش دعوة بالحالة خالص

يوسف : إيه

سارة : زي ما بقولك

يوسف : واضح إنه عرف حاجه

سارة : حبنا واضح قوي .....باين علينا والناس كلها فاهمه هو  
بس اللي ماكانش عارف

يوسف : أنا حاكلمه حاطلبك منه

سارة : بجد يا يوسف

يوسف : طبعا ده الحل الوحيد بس هو حيرفض يا سارة .....مش  
حيفهم حبنا

سارة : أيوه محدش فاهم

يوسف : حنعمل إيه .....ياريتني أقدر أخطفك وأهرب بيكي بعيد  
عن كل الناس

سارة : ياريت

في تلك اللحظات دخل الدكتور ممدوح الغرفة كانت على وجهه  
نظرات قوية من الغضب موجهة بالخصوص نحو سارة إرتبكت سارة

عند رؤية والدها وقالت على الفور : أنا لازم أمشي دلوقتي

نظر يوسف نحوها وقال بنبرة هادئة : طبعاً.....إتفضلي يا  
دكتورة

خرجت سارة .....عندها جلس ممدوح على المقعد المواجه  
ليوسف نظر نحوه بهدوء ثم قاله في ثقة : مينفعش

يوسف : نعم .....

ممدوح : مينفعش يا يوسف اللي إنت بتفكر فيه مينفعش

يوسف : مش فاهم حضرتك

ممدوح : إحترم صراحتي

يوسف في خجل : آسف .....أنا بحب سارة وعاييز أتجوزها على سنة  
الله ورسوله

ممدوح : أعتقد ده سؤال الإجابة اللي قلتها في أول حديثنا

يوسف : فاهم

ممدوح : فاهم ليه ???

يوسف : حضرتك طبعاً مش عاييز بنتك تضيع عمرها مع واحد عاجز  
.....مشلول

ممدوح وقد بدأ حديثه يصبح اكثر رقة : يوسف إنت حتروح ألمانيا  
وقدامك مشوار علاج صعب .....إنت عارف إن إصابتك في  
العمود الفقري وكمان الحبل الشوكي والاعصاب اللي فيه إتأثرت

.....المستشفى اللي انت رايحها دي ممتازة وموضوع زرع  
الاعصاب هناك عملوه قبل كده ونسبة النجاح فيه مش بطالة  
.....يعني بعد علاج وعمليات أنا اعتقد إن في أمل كبير إنك  
ترجع تمشي وتستعيد كل قدراتك اللي تخليك طبعاً تمارس بعد كده  
حياتك الزوجية بطريقة طبيعية إن شاء الله

يوسف : فاهم يا دكتور

ممدوح : بس أنا بنتي مش حمل المرمطة دي يا يوسف .....بنتي  
صغيرة مش فاهمه حاجه ومش فاهمه الدنيا مش شايفة غير قصة  
الحب زي ما بتقرأها في الكتب .....لكن ماتفهمش حاجه عن الجواز  
والمسؤولية والضغط اللي ممكن تتعرضله لو بدأت معاك رحلة العلاج  
دي كزوجة

يوسف في إرتباك وحزن : دكتور ممدوح أنا بحب سارة مش بستغلها

ممدوح : لو بتحبها بجد .....سببها متصعبهاش عليها .....أنا  
عمري ما حوافق على الإرتباط ده .....مسؤولتي كأب  
تمنعني لإنني شايف اللي هي مش شايفاه و فاهم اللي هي مش عارفاه  
.....سببها يا يوسف لإن أصعب حاجه ممكن تعملها في حياتها  
إنها تكمل معاك مشوارك ضد رغبتني والأصعب إنها هي اللي تسببك  
.....

كانت سارة تشعر بالقلق الشديد من تلك المقابلة بين أبيها ويوسف  
.....قلق وإرتباك شديد لاحظته عادة عليها بمجرد رؤيتها .....

غادة : مالك يا سارة في إيه

سارة : بابا ..... عند يوسف في الأوضة

غادة : مش فاهمه إيه المشكلة

سارة : حكيك من الآخر كده اللي توقعته حصل

غادة : إنتي فاتحتيه في موضوع جوازك من يوسف

سارة : مالحقتش هو لوحده شكله حس أو فهم حاجه وبدأيعقد الموضوع

..... خلاص ياغادة يوسف حيسافر كمان أسبوع والله أعلم بابا

بيقوله إيه دلوقتي

غادة : سارة إهدي بس ..... أنا مش عارفه أقولك إيه

سارة : يعني حتقولي إيه ..... رأيك أنا عارفاه ..... بس بجد أنا

مخنوقة قوي ومش عارفه أعمل إيه

غادة : طيب يوسف قالك إيه

سارة : قالي حيفاتح بابا في موضوع جوازنا بس أنا متأكدته إنه

حيرفض أصلاً أنا حاسه إنه خلص موضوع السفر ده بسرعة علشان

يبوظ الموضوع ومنلحقتش حتى نفكر

غادة : سارة برده باباكي معذور

سارة : كان نفسي قوي أكون جنبه ومتخلاش عنه ..... أنا حاسه إني

بين نارين بجد ..... أنا زعلانه من بابا يا غادة زعلانه منه

قوي

غادة : طيب ممكن تهدي

سارة : مش حاهدى أنا لازم أواجهه

غادة : إستني بس حتعملي إيه

سارة : حاقول لبابا إني بحب يوسف .....ميهمنيش أي حاجة  
ومش بفكر غير إني أكون مع حبيبي .....لازم أواجهه .

## الفصل الحادي عشر

نظرت غادة بحزن نحو صديقتها وضعتها يدها على كتفها بهدوء وقالت  
: سارة .....إنتي محتاجه تاخدي وقت وتفكري مع نفسك شوية  
.....حتتفهمني موقف باباكي على فكرة

سارة : وهو كمان محتاج يفهمني

غادة : سارة إنتي تيار الحب واخذك في سكتة وجارف .....سارة في  
الطبيعي محدش بياخذ قرار جواز بسرعه كده

سارة : إحنا ظروفنا مختلفة .....يوسف بيمر بظروف صعبه  
ومحتاجني جنبه .....

غادة : سارة مهما حصل يوسف أكثر واحد عنده رغبة إنه يتعالج  
ويرجع زي الاول وأحسن .....بصي إيه المشكلة لو سافر وإنتي  
إستنتيه إنتم لسه صغيرين

سارة : وساعتها حابقى بعدت عنه في أكثر وقت هو كان محتاجلي فيه

غادة : سارة متصعبيهاش على نفسك وباباكي مستحيل يسبيك كده  
تتجوزي وتسافري وكمان تضيعي مستقبلك إنتي ناسية إنك دكتورة  
ولسه قدامك مشورا طويل ..... وهو حلمه إنك تكوني زيه  
وتمسكي المستشفى دي من بعده

سارة : يعني أحقق حلمه ولا أحقق حلمي

غادة : ممكن نخرج من هنا تعالي نروح بدري النهارده وفكري  
براحتك ..... مش حينفع الضغط ده

سارة : عندك حق أنا حتى معنديش أعصاب أتكلم مع يوسف وأعرف  
إيه اللي حصل

غادة : خلاص ..... يبقى يلا بينا

وفي اللحظات التي خرجت فيها الفتاتان من المشفى دخل أحمد  
..... أحمد كان صديق يوسف المقرب وكان على علم بحبه لسارة  
..... دخل أحمد لغرفة يوسف مسرعاً بعد أن تلقى إتصال منه  
.....

أحمد : إيه يا يوسف اللي بتقوله ده

يوسف : زي ما بقولك بعد اللي حصل ده مليش نفس أقعد في

المستشفى دى ولا حتى يوم

أحمد : وهو كان إيه اللي حصل عايزه يقولك إيه خلاص خدها وسافر  
دي بنته يا يوسف مش لاقوها في الشارع

يوسف : وهو أنا حاخدها اعذبها يا أحمد

أحمد : لأ بس واخده لتجربة مش سهلة يا يوسف لا عليك ولا عليها  
يوسف : إنت حتتكلم زيه

أحمد : يوسف أنا عارف وفاهم إنك حتاخذ الموضوع بحساسية بس  
حاول تفكر بعقلك شوية.....حط نفسك مكانه

يوسف : وليه محدش بيحط نفسه مكاني.....هو خلاص إيه مش  
من حقي أحب وأتعب مش من حقي أتجوز ولا خلاص مابقتش أنفع  
والمفروض أروح أموت

أحمد : يوسف إهدى

يوسف : أنا بعد اللي حصل الدنيا إسودت في وشي حسيت إن حياتي  
إدمرت وخلاص يوسف الطيار الوسيم اللي كانت كل البنات بتترمي  
تحت رجليه مش حياقي حد يرضى بيه.....مفيش حاجة إدتني  
أمل غير ضحكة سارة.....حبها ليا.....بس في الآخر إيه  
كلام على ورق.....ساعة الجد مش قادرة حتى تواجه باباها إنت  
مشفتهاش إتلخمت إزاي لما دخل علينا

أحمد : يوسف ماتظلمهاش.....البنات معذورة.....يوسف  
إنت إتسرعت أنا بشوف إنك تركز في علاجك وسفرك وبعد ما تخف

إن شاء الله ترجعلها وتلاقيها مستنياك لو بتحباك بجد حتستناك

يوسف : خلاص يا أحمد نفوق من الحلم بقه .....أنا خارج الأقي  
في إيدها عيلين .....ومحدثش عارف خارج ولا لأ وحارجع  
على رجلي ولا خارج زي منا كده  
أحمد : يوسف .....

يوسف : خلاص يا أحمد ملوش لازمه الكلام في الموضوع ده بابا  
بيخلص الحساب تحت أنا ساعة وحاكون بره المستشفى دي ومش  
عايز أرجعلها تاني .....

وهكذا رحل يوسف .....رحل سريعاً بدون وداع رحل غاضباً لا  
يعلم هل من نفسه أم من سارة أم من الدنيا بأسرها .....تتذكر عادة  
ما حدث تتذكر نظرة الحسرة على وجه سارة عندما عادت للمشفى  
وعلمت برحيله .....يوسف دخل حياتها سريعاً ليقلبها رأساً على  
عقب وخرج أسرع ليتركها حطام .....لم تسامح سارة والدها بعد  
ما حدث .....لم تسامح نفسها .....وظلت حياتها مجرد  
هامش على ذكرى هذا الحب .....

كل تلك الأحداث كانت أيضاً تتذكرها عادة .....تذكرتها بقوة  
عندما سمعت بالخبر .....وتذكرتها بقوة عندما رأت حازم  
.....وتمنت أن يكون هو قارب النجاة الذي ستركبه سارة  
وينتشلها من هذه الذكرى لتعود مرة أخرى للحياة .....

دخلت عادة الغرفة لتلحق بجزء أخير من حديث إنجي وحازم  
.....أرتبكت الممرضة بشدة عند دخول عادة التي نظرت لها بغضب  
ووعيداً بالعقاب وقالت : إنتي بتعملي إيه هنا

إنجي : أصل .....نشوى.....نشوى عندها ظروف وأنا  
أخذت مكانها

عادة : بتشتغلوا مع نفسكم إنتم .....حسابك معايا بعدين  
.....إتفضلي أخرجي

خرجت الممرضة على الفور وعندها نظرت عادة لحازم نظرةً  
فاحصة .....كان حازم يشعر بالإحراج من الموقف ولكن ما  
إستمع إليه من إنجي كان هو ما يشغل كل تفكيره .....لقد زاد  
إعجابه بسارة وتعلقه بها .....هل يوجد مثلها في تلك الأيام  
.....إنها فتاة من عملة نادره .....لا يوجد بها سوى عيب واحد  
.....عيب قاتل .....إنها تحب آخر

عادة : عامل إيه دلوقتي يا بشمهندس

حازم : الحمد لله

عادة : عموماً حضرتك تقدر تخرج النهارده لإن واضح إن القعدة هنا  
مملة وحببيت تسلي نفسك بأخبار وحكايات الدكاترة هنا  
حازم : أنا آسف .....بس حضرتك فاهمه غلط

عادة : فهمني الصح

حازم : أنا شايف إنه ملوش لزوم معدش يفرق

غادة : ممكن اسئلك سؤال

حازم : إتفضلي

غادة : هو بالنسبة لسارة .....ده إهتمام حقيقي ولا مجرد تسلية

حازم : دكتورة غادة .....اللي إنتي بتسألني عليه ده ميفرقش بالنسبة  
لدكتورة سارة

غادة : إنت مش حتعرف سارة أكثر مني

حازم وقد بدأ يهتم بهذا الحوار : هو مش تسلية .....أنا منجذب ليها  
من ساعة ما شفتها بس دلوقتي إتأكدت إنه مش بس إهتمام من طرف  
واحد ..... لأ الطرف التاني قلبه وعقله مشغول

غادة : عاجباني صراحتك بس ز علانه

حازم : ز علانه !!!

غادة : ماكنتش متخيلة إنك من النوع اللي بتهرب لما تعرف إن البنت  
كان في حد في حياتها او كانت بتحب

حازم : على فكرة أنا مش بفكر بالطريقة دي وارد إنني أرتبط بواحد  
كانت مخطوبة كمان أو حتى متجوزة ده ما ينتقصش منها شئ

غادة : كنت واثقة لما شفتك إنك شخصية مميزة

حازم : بس سارة لسه في حياتها حب

غادة : اللي فهمته لما سمعت إنك سمعت الحكاية للآخر

حازم : اه إختفى من دنيتها .....بس لسه عايش جواها ودي حاجه صعب أي راجل يقبلها .....ومتسألنيش عرفت إزاي بس أنا متأكد

غادة : معاك حق .....بس سارة مشكلتها إنها عايشة في الماضي حتخرج منه لو حد حبها وساعدها بجد ساعتها حتعرف إنها يمكن عاشت حب جميل وفقدته لكن ممكن يكون في حب أجمل وأقوى مستنيها .....

حازم : دكتورة غادة إنتي بتسبقي الاحداث الحب مش بيحي في يوم وليلة

غادة : صح بس المشاعر بتبدأ في يوم وليلة وأنا حاسة إن مشاعرك حقيقية وعمر إحساسي ما كذب عليا .....المشاعر دي مش بنختارها هي بتظهر لوحدها وبرده إحساسي بيقولي إنك لو دخلت حياة سارة حتقدر بسهولة تستولي على قلبها وتنسى أي ماضي نظر حازم نحوها وظل صامتاً هل هو حقاً في بداية حب .....هل ترك كل نساء العالم ليتعلق قلبه بمن لا تشعر بوجوده

أما غادة فكان كل ما تفكر به سارة . تود بشدة أن تخرجها من هذا الماضي وتنقذها من هذا السراب الذي تنتظره .....فهو حقاً سراب ليس أكثر .

## الفصل الثاني عشر

كانت عادة تشعر بالحيرة ما هذا الذي تفعله إبتسمت بسخرية وقالت  
لنفسها : دانتي كان ناقص تلبسيها عروسة وتجيبي مأذون وتكتبي كتابه  
عليها في المستشفى .....أعمل إيه بس ياربي سارة صعبانه عليا  
ونفسي أساعدها تخرج من الشرنقة دي وتعيش حياتها بقه زي ما  
غيرها عمل

رن هاتف عادة لتجد المتصل زوجها محمود

محمود : إيه يا حبيبي عاملة إيه دلوقتي

عادة : تمام

محمود : برده لسه بتفكري في نفس الموضوع يابنتي قوليلها وريحي  
نفسك

عادة : مش عايزة اكون أنا اللي ببلغها الخبر ده خايفه تكرهني أنا  
محمود : يا عادة بطلي هبل .....وانتي ذنبك إيه دانتي حتى عرفتي  
بالصدفة

عادة : من يوم ما قابلت صاحبه ده و عرفت إنه إتجوز وأنا حاتجنن  
.....شايف هي عامله في نفسها إيه وهو ولا حاسس بيها

محمود : قوليلها يا عادة علشان تفوق بقه لنفسها وتتجوز هي كمان  
وتنسى محدش بيعمل في نفسه كده هي أوفر قوي بصراحه

عادة : إنت ماتعرفش سارة .....سارة شخصية عاملة زي  
الصفحات البيضاء .....نقية قوي ومثالية قوي .....دي لغاية

دلوقتي بتلوم نفسها

محمود : لما تعرف إنه إتجوز حتبطل تلوم نفسها الحاجه الوحيدة اللي  
حتندم عليها سنين عمرها اللي ضيعتها تستناه .....ممكن بقه تخلصي  
الموضوع ده علشان القلق ده مش حلو على البيبي وإلا حاجي أقولها  
انا

غادة : خلاص .....خلاص متقلقش سلام بقه ورايا شغل

محمود : سلام

في تلك الأثناء حادث حازم شادي على الهاتف بعد ما إنتهت مقابله  
التي فاجئته مع غادة .....

شادي : زوما حبيبي عامل إيه

حازم : تمام خارج دلوقتي

شادي : طيب إستنى حعدي عليك أخذك ما هي عربيتك عند الشركة  
من ساعة الفكرة الزفت بتاعة الأكل دي

حازم : خليك حاخذ تاكسي

شادي : ها اخبار إنجي إيه قالتلك النشرة

حازم : أيوه يا سيدي

شادي : طيب إيه قولي

حازم : شادي مش وقته مفياش دماغ

شادي : حازم مالك صوتك مش عاجبني

حازم : مفيش بص انا حاروح البيت حاخذ دش وأريح كام ساعة وإنت  
إتفق مع الشلة عايز أخرج بالليل

شادي : الشلة !!!!

حازم : اه كلمهم كلهم ولا أقولك كلهن

شادي : إيه ده ايه اللي حصل يا بني

حازم : مفيش يا بني إيه عايزة أفوق من ريحة المستشفى دي وإبقى  
خليك قاعد في البيت لحسن مراتك تخلعك

شادي : ماشي يا خفيف

حازم : سلام بقه أنا أصلاً ماشي دلوقتي

أنهى حازم المكالمة وإتجه نحو المصعد لم يكن يتوقع انه سيراهها  
بمجرد ان يُفتح باب المصعد .....كانت ترتدي ثياباً فاتحة اللون  
جعلت لون بشرتها جميلاً خاصةً مع حجابها ذو الألوان الهادئة  
.....نظر لها نظرة هادئة واوماً رأسه بتحية بسيطة ودخل المصعد  
أيضاً .....شعرت لأول مرة أنها طالما كانت سخيفة معه وربما  
أثارت ملامحه الحزينة تعاطفها نظرت له مبتسمة ثم قالت .....

سارة : حمد الله على سلامتك

حازم في دهشة وسعادة لأنها ربما لأول مرة تبتسم له وتبدأ الحوار :

الحمد لله

سارة : شكلك تعبان ليه خرجت النهارده

حازم : هو ممكن يكون إجهاد أكثر بس دكتورة عادة كتبتلي خروج

سارة : عموماً إبقى خد بالك من نفسك علشان القرحة محتاجه محافظة  
في الأكل

حازم : إن شاء الله

سارة وهي تهتم للخروج من المصعد : فرصة سعيدة

حازم : أنا الأسعد

هاهي تظهر أمامه وتتحدث معه فيتحول لطفل يجيب على أسئلتها  
بطريقة فورية .....ماذا يفعل إنه يريد لها خارج عقله .....ولكن  
لا سيطردها من عقله فهو ليس بعالة ولن يتسول العشق من امرأة  
.....

- مش حازم اللي يتعمل فيه كده

قالها لنفسه في تحدي وخرج من المشفى وهو لا ينوي الرجوع إلى  
هناك مرة أخرى .....

في منزل حازم كانت أمه تشعر بالغضب فقد كانت تكره أن يقضي  
حازم ليلته في العمل بدون نوم وكانت تخاف أكثر أن يقضيها في  
سهرة من سهراته ربما تتحول لسهرة غير بريئة نظر لها زوجها بعين

ثاقبة وقال لها وهو ينظر في الجريدة : على فكرة هو كبر ماينف عش  
القلق ده

فريدة : مهما كبر حيفضل في عيني صغير

محمد (الزوج) : الراجل بيشتغل مش بيلعب

فريدة : أنا إيه اللي يضملي خايفه يكون بيسرح مع واحده من الأشكال  
اللي بيعرفها

محمد : خليه يعيش حياته

فريدة : إنت بتقول إيه أنا خايفة يغلظ لا قدر الله مش عاجبني حاله

محمد : لالا حازم ليه حدود يا فريدة إحنا ربيناها كويس

فريدة : الواد لازم يتجوز بقه ماينف عش كده.....نفسى يلاقي بنت  
الحلال بقه اللي تستاهله وتخليه يستقر كده

محمد : ماهو شاف بنات حلال كثير ومعجبوش إنت بتهمدي كل شوية  
عروسه

فريدة : خلاص بطلت أصلاً اخرجني يبقوا بنات زي الفل وميعجبوش  
حد

محمد : خلاص شكله وصل أهو

فريدة : ياااa

حازم : إمممممممممممم شكلي حتهزق إيه يا فري بس مركزة معايا ليه



سارة : إممممممم طب ماتيجي معايا

غادة : ورايا شغل أد كده بس كنت عايزة أتكلم معاكي شوية

سارة : خير

غادة : لا مش حينفع دلوقتي .....لما ترجعي بقه

سارة : خلاص يلا سلام دلوقتي

غادة : سلام

وصلت سارة للفندق وحضرت بالفعل جزء من المؤتمر ولكنها شعرت بالإرهاق ففضلت الانسحاب لشرب فنجان من القهوة ثم المتابعة بعد ذلك وفي لوبي الفندق جلست لإحتساء فنجان القهوة كان الجو هادئاً بإستثناء صوت أنثوي كان يتحدث على الهاتف بنبرة عالية إستطاعت منها أن تستمع للحديث جيداً .....كانت فتاة جميلة يبدو من ملامحها أن غير مصرية كان يبدو من الحديث أنها تتحدث لزوجها .....

الفتاة : أيوه يا بيبي come on darling أنا زهقت .....أوكيه

بيبي .....لا أنا في اللوبي مستنياك ..... don't keep ur

wife waiting

إبتسمت سارة و هي تستمع للزوجة الشاكية لم تمر دقائق حتى ظهر الزوج توجه لزوجته بإبتسمه وطبع قبلة على وجنتها فقامت على الفور وتابعت بدلال واضح : يلا يلا نمشي بقه وراانا مشاوير كثير حبيبي

الزوج : أنا ميت من الجوع نتغدى وبعدين نتحرك

الزوجة : أوكيه

لم يلاحظ الزوج تلك العينان التي كانت تنظر نحوه في صدمة  
.....صدمة ودموع وهروب سريع قبل أن يراها .....هو  
.....يوسف

### الفصل الثالث عشر

كان الدكتور ممدوح خارجاً لتوه من غرفة العمليات عندما رأى إحدى  
السكرتيرات وقد وقفت في إنتظاره بملامح قلقه وتمسك في يدها هاتفه  
الجوال .....نظر لها في تعجب وقال : إيه يا بنتي مالك واقفالي  
كده ليه

السكرتيرة : أصل يا دكتور موبايل حضرتك رن أكثر من مرة و  
.....

ممدوح : عادي ما ده علطول بيحصل وانا في العمليات وقتلك ردي  
وقولي إن في العمليات إيه الجديد

السكرتيرة : أصل في واحد إتصل وقال إن دكتورة سارة عملت حادثة  
وملاني عنوان المستشفى .....جابو نمرتك من موبايلها

ممدوح : إيه !!!!!!!

إنطلق الاب القلق على الفور دون ان يشعر أنه مازال يرتدي ملابس  
العمليات وهو يردد : لا حول ولا قوة إلا بالله .....يارب أستر  
.....يارب أستر

فوجئت عادة به كذلك وهو يتجه خارج المستشفى  
عادة : دكتور ممدوح .....دكتور ممدوح .....خير في إيه  
ممدوح : مش عارف واحد إتصل وبيقول سارة عملت حادثة  
.....مش عارف

عادة : إيه !!!!!!! أنا جاية معاك .....إهدى يا عمو إن شاء الله  
خير .....يا خبر غير هدومك يا عمو إنت لسه بلبس العمليات  
ممدوح : يارب .....يارب خير يارب  
عادة : يارب

لم يهدئ ممدوح و عادة إلا عندما وصلوا للمشفى حيث توجد سارة  
وإطمئنوا على حالتها من الطبيب هناك .....  
الطبيب : متقلقش يا دكتور هي شوية كسور وكدمات تحتحتاج راحة  
أسبوع وبعدين تبقى زي الفل  
ممدوح : متشكر قوي يا دكتور

الطبيب : العفو يا فندم ده واجبي ده غير أستاذي وياما إتعلمت منك  
كثير هو في دكتور في إسكندرية ماتعلمش من حضرتك

.....إتفضلوا هي فايقة دلوقتي

كانت سارة تجلس في الغرفة على فراشها شاردة ترى في وجهها الالم ولكنه ليس بألم جسدي إقترب منها وادها وملس على رأسها بيده ثم قبل جبهتها وقال : قفقتيني عليكى .....إيه اللي حصل

إبتسمت سارة لوالدها ولكن دون أن تنطق تابع الوالد بصوت هادئ :  
أنا إتفقت مع الدكتور حننقلك المستشفى هناك خلاص

سارة : هو الموضوع مستاهل .....أنا قلت حاخرج النهارده

ممدوح : مفيش خروج وإهمال غير لما أطمئن عليكى وتبقي زي الفل  
حتخرجي من هنا على المستشفى التانية ده كلهم هناك قلقانين إسكندرية  
كلها كلمتني على التليفون

سارة : هي ماما عرفت

ممدوح : لأ طبعا ماقدرش أكلمها غير وإنتي جنبى وتكلمىها كمان وإلا  
حتموت من القلق

سارة : بعد الشر .....غادة تعبتى نفسك ليه بس

غادة : تعب إيه .....إنتى بتجربى تعرفى غلاوتك عندنا ولا إيه

سارة : وقد ظهرت دمعة هاربة من عيناها كانت تكافح حتى لا يراها  
أحد

قام والدها وقبل رأسها مرة أخرى وهو يقول : أنا حاروح أخلص  
الحساب وإجراءات الخروج .....كلمىهم يا غادة هناك بيعتولنا عربية  
إسعاف عايزة أنقلها مرتاحه

غادة : حاضر يا دكتور

خرج ممدوح لنتظر غادة لسارة مرة أخرى حائرة من تلك الدموع  
وقالت .....

غادة : إيه يا سارة يا حبيبتي في حاجة بتوجعك مش راضية تقولي قدام  
باباكي

سارة : لا أبداً

غادة : طيب في إيه وإزاي عملتي الحادثة

سارة : أنا معرفش أنا أصلاً كنت سايقة العربية وأنا مش دريانه

غادة : ليه .....إنتي كنتي الصبح كويسه

سارة وقد إنهمرت دموعها مرة أخرى تحاول أن تتحدث ولكن كأن  
الكلمات تأبى ان تخرج من فمها فشعرت غادة بالقلق وتابعت بإصرار  
: حصل إيه يا سارة .....في إيه

سارة : شفته يا غادة .....تخيلي .....أنا مش قادرة أقولها

.....مش قادرة أفكر فيها .....يوسف

.....يوسف رجع .....يوسف إتجوز

شعرت غادة بصدمة عندما سمعت سارة صدمة تبعها تأنيب ضمير

لأنها لم تخبرها قبل ذلك وتعرضت لتلك الصدمة إحتضت غادة

صديقتها بقوة لنتهمر سارة في بكاء شديد و غادة أيضاً لم تستطع أن

تمنع دموعها على حال صديقتها ولكنها ظلت تقول : عيطي يا سارة

.....علشان ترتاحي .....عيطي خرجي حزنك وخرجيه من



أحلى من بعض وبرضه عينك تندب فيها رصاصة

حازم : ههههههههه ماشي يا ستي مقبوله منك

نيفين : اهي دوللي كمان جات أهه

حازم : مين دوللي

ريهام : صاحبتنا وجه جديد

نيفين : دودو إزيك يا جميل

داليا : هاي

كانت فتاة على قدر بسيط من الجمال وتحاول إظهاره بالثياب التي ربما تظهر أكثر مما تخفي .....لاحظت حازم على الفور وكان هو أكثر من يستحق الملاحظة في المكان بمظهره الوسيم ونظراته بحدتها وجراءتها معاً

نيفين : اه اعرفك حازم صاحبنا بس كان مطنشنا في الأيام اللي فاتت

علشان كده أول مرة تشوفيه

داليا : هاي إزيك

حازم : أهلاً وإنتي بقه طالبة ولا بتشتغلي

داليا : ليه شكلي صغير كده لا انا بشتغل في شركة سياحه

حازم : إيه مرشدة سياحية ولا إيه

دايا : لا أنا سكرتيرة في الشركة

حازم : إممممم فرصة سعيدة

داليا : ميرسي أنا الأسعد .....إنت بقه بتشتغل إيه

حازم : مهندس معماري .....عندي شركة صغيرة كده على أدي

داليا : برفو .....دنا محظوظة بقه

حازم : إشمعنى

داليا : أصل في واحده قريبتى بتدور على مكتب هندسي يصمم وينفذ  
ليها فيلا بس على طراز أوروبي وداخت مش لاقية حد يعملها اللي  
في مزاجها

حازم : إممممم جاييالي مصلحة يعني والله كويس

داليا : يعني خلاص أخليها تيجي وتتفق معاك إحساسي بيقول إنك  
ذوقك عالي وحتعملها شغل يعجبها

حازم : إطمني ويا ستي ده الكارت بتاعي تتصل وتأخذ معاد وتشرفني

داليا : هي بس .....أنا كنت بفكر إجي معاها

حازم : ده المكتب حينور اكيد .....قال حازم جملته وهو بيتسم لها

إبتسامة ماكرة .....كان حازم يعرف جيداً هذا النوع من

الفتيات فطالما تعامل معه وقضى معه اوقات المرح .....هي لا

تقارن بسارة .....مرة أخرى تقفز سارة لعقله لا يوجد أمامه

سوى ان يشغل نفسه بمغامرة سريعة وجديدة تلهي عقله عن التفكير

فيها .....وكان هذا بأمر سهل .



عمر الاخ الآخر في إصرار : لأ إنت وديته عند الدكتوروة الحلوه  
وكمان مش بتكتب دوا وأكل بيتزا .....إحنا كمان عايزين نروح

بدأ الاطفال الثلاثة في الضحك بشدة وحازم ينظر لهم بغیظ وقد طار  
النوم من عينيه ثم اه دنا بيتعمل عليا حفلة بقة .....ماما خدي  
العصابه دي عايزة اخد دش وألبس

فريدة : يلا يا ولاد .....يلا يا زوكا يا حبيبي تعال أعملك  
البانكيك اللي إنت بتحبه وتحكيلى بقة خالك وداك فين وعملتوا ايه

حازم : امممممم خلي زوكا معايا

فريدة : لأ حيجي معايا

حازم بصوت خافت : أدي أخرت اللي يعتمد على العيال

في المستشفى كانت سارة في غرفتها ووالدتها تجلس بجانبها فلم  
تفارقها طوال الليل وباتت معاها بالغرفة .....كانت سارة شاردة  
حزينة ما تمر به يعيد الأحداث أمامها مرة أخرى منذ رأتها منذ أحبته  
في هذا المكان وفي غرفة مثل هذه ويشاء القدر أن يموت الحب بل  
يُقتل بسكين وتشهد نهايته أيضاً غرفة في المستشفى ولكن هي حبيبتها  
ووحدها نزلت دمه هاربه مرة أخرى من عيناها سارعت لإخفائها  
قبل أن تلاحظ والدتها ذلك .....لم يمر وقت طويل حتى ظهرت  
غادة .....



ومش بيفكر أصلاً

سارة وهي باكية : خلاص يا غادة انا عارفه ده مش محتاجه أسمعه  
غادة : معاكي حق .....بصي الكلام الكثير ملوش لازمة حقوك  
حاجه واحده بس

سارة : إيه

غادة : إشتري نفسك .....في مثل قديم بيقول خدي اللي بيحبك

سارة : غادة أنا لا عايزة أحب ولا أتحب .....

غادة : إنتي غضبانه بس دلوقتي لما تهدي حتفكري صح

سارة : واضح إن عمري ما فكرت صح لا دلوقتي ولا قبل كده بس  
.....أنا حبيته .....حبيته قوي يا غادة كنت واثقة إنه  
حيرجعلي أتاريه .....

غادة : خلاص بقه

سارة : هو كده عمره ما حبني بقع

غادة : سارة ده موضوع مكلع الكلام فيه لا حيودي ولا حيب  
.....إنسيه يا سارة هو خلاص بقه ليه حياة وزوجة إنسيه وفكري  
في نفسك

سارة : أنساه .....الكلام سهل .....بس خلاص من النهارده  
حفكر في نفسي وفي نفسي بس

عاد حازم للمنزل بعد أداء صلاة الجمعة ليجد والدته وأخته ينظرون له  
ويضحكون بصوت منخفض

حازم : في إيه .....نكتة مكتوبة على وشي

شيماء : هههههههههه لا ده نكتة زوكا حكاها لينا

حازم : الواد ده حيضرب النهارده

شيماء : والله أنا ماكنتش أعرف إن مشوار الدكتور حلو كده مفيش دوا  
وأكلة بيتزا .....ينفع أروح أكشف أنا

حازم : لا أصلها أطفال مش نفسية وعصبية

شيماء : هاهاهاهاها ظريبيبيبي

حازم : طول عمري

فريدة : خلاص يا شوشو سيبيه لحسن وشه إحمر أهو

حازم : اه دنا تريقتكم بقه

فريدة : طيب لو هي دكتورة حلوة كده زي ما زوكا قال أروح أكشف  
أنا كمان

حازم : خلاص شطبنا العيادة قفلت .....سلام

شيماء : رايح فين

حازم : رايح أكمل نوم أنتي وفرقة الفرسان الثلاثة بتاعتك قفلتوا منامي

شيماء : ماشي بس بكرة بجد عايزة أودي عمر للدكتورة دي

حازم : نعممممممممممم

شيماء : الولد تعبان وعايزة أغير الدكتور بتاعه وشكلها ظريفة عجبت  
زوكا

حازم : إممممممممم طيب وماله روجي إيه المشكلة يعني

شيماء : بجد

حازم : اه الحق عليا إبنك قالي بطني واجعني وديته المستشفى اللي  
كانت قدامي ..... عملته منها حكاية عالم فاضية

شيماء : خلاص يا سيدي لا حكاية ولا رواية إديني النمرة وإسم  
الدكتورة علشان أروح لو عجبنتي أتابع للعيال معاها إلا بقة إذا كنت  
خايف وعندك شمعة عايز تداري عليها

حازم : لا شمعة ولا لمبة ..... النمرة أهي وإسمها دكتورة سارة  
..... إطلعي من دماغي

شيماء : سارة ..... إسم مش بطل

حازم : ماما صحيني على الغدا ..... تصبخوا على خير

فريدة بعد أن تركهم حازم : طيب يا بنتي ما جايز الموضوع صدفة

شيماء : يا ماما بقة زوكا قالي بطنه ما كانتش واجعاه وإبنك هو اللي  
قاله يقول كده قدام الدكتورة يعني شكلها كانت حجة علشان يشوفها وأنا  
بقة عايزة أشوفها ..... شكلها منفضاله

فريدة : تلاقيها بنت ناس مش زي الأشكال اللي بيعرفها

شيماء : أكيد .....يلا مش هو خد زوكا أديه وقع في شر اعماله

حاول حازم النوم ولكن لم يستطع شعر بالغضب وقال لنفسه : أدي  
آخر اللي يعتمد على العيال .....خليها تروح أصلا مفيش حاجه  
وأنا طلعتها من دماغي .....رن هاتفه .....كان رقماً غريباً

حازم : ألو

صوت نسائي : ألو

حازم : أيوه يا فندم مين معايا

صوت نسائي : إيه ده معقول نسيت صوتي

حازم : معلش انا بشبه بس مش متأكد

صوت نسائي : طيب خمن

حازم : لا بلاش لحسن اعك

الصوت : هههههههههههههه خلاص أنا داليا يا سيدي

حازم : انا شكيت برده بس ماكنتش أعرف إن صوتك حلو في التليفون

داليا : في التليفون بس

حازم : لا والحقيقة طبعاً

داليا : خلاص دي نمرتي إبقى سجلها بقه

حازم : تمام إعتبريها إتسجلت

داليا : طيب كنت عايزة أجي المكتب مع قريبتى اللي قاتلك عليها  
يناسبك إمتى

حازم : الوقت اللي يريحكم

داليا : نقول يوم الإثنين

حازم : خلاص منتظر كم إمتى

داليا : خليها بعد الظهر علشان شغلي ممكن على خمسة كده

حازم : خلاص معادنا خمسة

داليا : خلاص إتفقنا .....سلام بقه دلوقتي

حازم : ليه ماتخليكي شوية

داليا : معلىش مامي بتنده عليا

حازم : خلاص سلام

أغلق حازم الخط وحاول الإستغراق في النوم وطرد سارة ربما للمرة  
المائة من تفكيره .....

## الفصل الخامس عشر

مر يومان .....وبدا حازم يعود لحياته الروتينية ولكنه كان لا يزال

يفكر بسارة وكان يتسائل هل حقاً ذهبت اخته للعيادة ولماذا وماذا حدث  
.....لم يستطع أن يتجنب الحديث بالموضوع وفتحته بمجرد أن  
رأى شيما مرة أخرى

حازمى ممسكاً بعمر : ها يا حبيبي رحى كسفت ولا كانت غتاة  
وخلص

شيما : لا منت نبرت فيها لا كسفننا ولا رحنا

حازم : ليه إيه اللي حصل

شيما : مالقيتهاش .....طلعت لاغية الكشوفات لمدة أسبوعين

حازم : إيه !!!!! ليه ???

شيما : عاملة حادثة وفي المستشفى

حازم بفرع : إيه حادثة حادثة إيه

شيما : قالولي كده في التليفون وأن ماستفسرتش أكثر

لم يجب حازم شيما وركب سيارته وإنطلق بها على الفور

.....

لم يشعر حازم بنفسه إلا وهوداخل المشفى فقد نسي كل شئ ولم يكن  
بخاطره سوى شئ واحد هو الإطمئنان عليها .....

حازم وهو يسأل موظفة الإستقبال : لو سمحتي أنا عايزة أسئل على  
دكتورة سارة

الموظفة : دكتورة سارة لاغية الكشوفات أسبوعين يا فندم .....زفي  
دكتور علي

حازم : لأ أنا مش بسأل علشان كشف أنا عرفت إنها عملت حادثة  
وعايز أطمئن عليها

الموظفة : لا هي كويسة يا فندم دلوقتي الحمد لله

حازم : طيب ممكن اعرف هي غرفة كام ممكن أزورها

الموظفة : اه هو مين حضرتك

حازم : انا البشمةهندس حازم عبد الرحمن صديق للعيلة

الموظفه : عموما هي غرفة أربعة عشر الدور الخامس

حازم : متشكر

كان حازم في المصعد يفكر ماذا يفعل وماذا سيقول لها .....ما  
هذا القلق الذي أصابه عندما علم بالحادث .....وصل للغرفة  
بالفعل ولكنه لم يستطع الدخول خرج سريعاً من المشفى مثلما دخل  
سريعاً .....جلس في سيارته لوهلة ثم ابتسم وقال : قر و اعترف  
.....بتحبها يا حازم .....يلا توكلنا على الله

في اليوم التالي في غرفة سارة دخلت عادة عليها بوجه بشوش

عادة : صباح الفل .....لا وشنا منور النهاردة

سارة : الحمد لله بس أنا زهنت من القعدة

غادة : خلاص هانت كلها كام يوم وبعدين لازم تريحى حتكشفي إزاي  
بدرا عك المتجسس ده

سارة : عندك حق .....إيه يا غادة اللي حطيتيه على الترايبيزة ده  
تاعبة نفسك وجايبة ورد

غادة بخبت : ده مش أنا دنا لقيت الممرضة جايباه وبتقول جاي  
علشانك أخذته منها

سارة : ياه حد باعتلي ورد .....مين ؟

غادة : لا ومش أي ورد بوكية شيك وقيم قوي .....مع تمنياتي  
بالشفاء العاجل .....مهندس حازم عبد الرحمن

سارة : إيه ده وهو عرف منين

غادة : متابع بقه ومهتم بأخبارك

سارة : غادة إطلعي من دماغى

غادة : بس على فكرة إنتي مدياله الوش البلاستيك بزيادة هه  
.....عادي يعني واحد معجب وبيعبر عن إعجابه بطريقة ذوق  
ولا إنتي كان مكتوب على وشك يوسف

سارة : خلاص يا غادة .....أنا مش عايزة أفكر في المواضيع دي

غادة : ماشى .....بس عارفة أحلى حاجه إيه

سارة : إيه

غادة : حازم ده نكي قوي









حازم : مودي حلو وعايز أقعد مع نفسي .....ممكن

شادي : ممكن

خرج حازم وشادي يراقبه ثم قال لنفسه : ياه ماكنتش أعرف إن الموضوع متطور عندك كده يا حازم .....ياترى حتكون هي دي ولا إيه .....

### الفصل السادس عشر

نظرت فريدة لإبنتها التي كانت تجلس بجانبها منشغلة بجهاز الآي فون ثم قالت : إيه يا شيماء مش حتروحي يا بنتي ولا وائل حيعدي عليكي هنا

شيماء : لا حاروح لوحدي

فريدة : طيب يلا حخلي بابا يوصلك

شيماء : إيه يا ماما بتطريديني ولا إيه

فريدة : يا بنتي علشان جوزك يرجع يلاقيكي في البيت

شيماء : حاضر

فريدة : يا بنتي يرجع يلاقي البيت رايق و غداه جاهز والولاد بيذاكروا

شيماء : حاضر .....حاضر مش عارفه إنت مامتي ولا مامته



تشوف فيها إنتي عارفه حازم ممكن يزعل ..... خلىنا نستنا نشوفه  
حيعمل إيه

فريدة : عندك حق ..... خلاص خلىنا نستنى

شعر حازم بالسعادة بعد مكالمة سارة له ولكنها لم تدم سوى لأيام  
..... عن أي سعادة يتحدث ..... هي لا تشعر به  
..... فقط تعاملت معه بذوق ..... هي تشعر بآخر بل تعشق  
آخر شعر بالكلمة كالخنجر في صدره ..... لم يثلج صدره سوى  
كلمات صديقتها عادة " سارة مشكلتها إنها عايشة في الماضي حخرج  
منه لو حد حبها وساعدها بجد ساعتها حتعرف إنها يمكن عاشت حب  
جميل وفقدته لكن ممكن يكون في حب أجمل وأقوى مستنيها "

هل هو حقاً مجرد ماضي هي حبيسته فقط تحتاج لمن يزيل عنها القيد  
هل سيكون هذا الرجل ..... بل هل يستطيع أن يكون هذا الرجل  
..... شعر أن هروبه ليس حل ..... هو يريد أن يراها  
..... بل يجب أن يراها ولكن كيف ومتى لا يعلم .....

كانت سارة قد قررت العودة للعمل بعد أيام قليلة من ترك المشفى فلم  
تتحمل المكوث في المنزل تاركة نفسها للأفكار ..... للذكريات  
..... و ضد رغبة أبيها عادت للعمل وإعتمدت على مساعدة الممرضة  
حتى تستطيع الكشف لأن إحدى يداها كانت لا تزال في الجبس  
..... جلست على مكتبها تشعر بالإجهاد بعد إنتهاء الكشف

الأخير سألت الممرضة بهدوء : ها لسه في حد بره

الممرضة : واحد بس مستني حضرتك من بدري قال حيدخل بعد ما  
تخلصي كل الكشوفات

سارة : واحد إيه مش كشف يعني

الممرضة : لأ

سارة : طيب خليه يدخل

وبالفعل دخل حازم .....قابلته سارة بإبتسامة وتساؤل ظهر في  
عينها بقوة عن سبب مجيئة

حازم : سألت عليكي قالوا خرجت وبدأت شغل

سارة : فعلاً زهنت وكان لازم أرجع الشغل

حازم : جميل إن الواحد يحب شغله

سارة : أكيد

كانت نظرات حازم لسارة قوية .....حادة .....تشعر بقوة  
مشاعره نحوها فقط من نظرتة .....ولاحظت سارة ذلك بوضوح  
.....إرتبكت و غضبت وسعدت فهي امرأة شعرت بغدر الحبيب  
.....ومن البديهي أن تسعد بإهتمام أول رجل يظهر في حياتها بعد  
تلك الصدمة .....

سارة : بشمهندس حازم .....إمممممم طبعاً متشكرة قوي على

الورد والزيارة و.....

شعر حازم بإرتباكها وبالسؤال الذي يريد لسانها أن ينطق به ويتراجع  
.....ماذا يريد ولماذا يهتم بها ويلحقها قرر أن يهرب من تلك  
المواجهة بلباقة .....

حازم : بس إيه الجبس النضيف ده

سارة : سوري .....نعم

حازم : أصل بصراحه أنا وأنا في الجامعة إيدي إتكسرت وإتجست  
زي إيدك كده بس إيه الجبس كان كله إمضاءات

سارة : اه فهمت

حازم : بس بصراحة كان كلها باللون البيّنك

سارة : بينك !!!!

حازم : اه فاكرة زمان كان في أقلام طالعه موضة كده بينك ولبني

سارة : اه فاكراها

حازم : إنتي عارفة بقه البنات بتحب الألوان دي

سارة : اه فهمت .....قالتها وقد غضبت من تلميحه الصريح عن

الفتيات اللاتي وقعن له على الجبس وإعتبرت ذلك إستعراض لا  
تفضله

حازم وقد أخرج قلم باللون الوردى من جيبه ونظر نحوها بجدية وهو  
يحبس إبتسامته ثم تقدم نحوها فتراجعت متعجبة وقالت : إيه

حازم ومازال على وجهه نفس النظرة : حطلك لون على البياض



غادة : اه تصدقي بدأت أشك فيه

سارة : هههههههههههه مايقدرش هو إنتي في حد يقدر عليكي

غادة : كده ماشي ماشي .....شكل مزاجك رايق

سارة : تحبي تاكلي فين

غادة : أكيد بيتزا .....قالتها وهي تبتمس في خبث فقد لمحت غادة

حازم وهو يخرج من العيادة

سارة : إشمعنه يعني

غادة : بقولك إيه أنا الحامل وأنا اللي أقرر

سارة : ماشي يا ستي يلا بينا بابا سايلي العربية بالسواق

غادة : أساسي أمال حتسوقي وإنتي كده هو أنا مستغنية عن روعي

وهكذا خرجت سارة مع غادة التي كانت تنوي أن تتحدث مع سارة

بجدية عن ما حدث .....عن يوسف .....وعن حازم

.....وعن مشاعرهما .....وعن ما تنوي فعله

.....كانت تصر أن تتحدث معها فيوسف يجب أن يخرج من

قلبها وعقلها وحازم يجب أن يدخل حياتها وهذا هو أنسب وقت .

## الفصل السابع عشر

نظرت سارة لغادة ثم قالت : أكل وبيتزا .....ماكلتيش قوي شكلك

ماكلتيش جعانه

غادة : بصراحة اه دي حجة علشان نتكلم شوية براحتنا

سارة : يا غادة حنتكلم في ايه بلاش تفتحي مواضيع الله يخليكي

غادة : لأ حافظح ولا أستنى خمس سنين كمان

سارة : عايزة تقولي ايه يا غادة

غادة : عايزاكي تخرجي من الموضوع ده بقه وبسرعه كفاية خمس

سنين ضيعتاهم من عمرك

سارة : يعني إنتي شايفاني رحتم كلمته ولا حتى دورت عليه بعد ما

عرف إنه رجع ..... خلاص يا غادة الموضوع هو اللي خرجني

منه ..... مش بمزاجي

غادة : بس لسه بتفكري فيه يا سارة ..... لسه بتحببيه ؟

سارة في حزن : لسه بحبه !!! سؤال غريب عايزاني أقولك ايه أول ما

شفته مع مراته نسيتاه في لحظه وحب السنين طار ولا أقولك اه بحبه

وعايزاه يرجعلي النهارده قبل بكره ..... أكيد لا دي ولا دي

.....

دمعت عينا سارة وهي تتذكر ما حدث ثم تابعت : لسه بحبه وز علانه

منه ومخنوقة من نفسي ..... بحبه بس مش عايزاه ..... فهمتي

..... عمره ما حيكون ليا يا غادة ..... خلاص الحكاية خلصت

على كده

غادة : سارة حبيبتني أنا مش قصدي أقلب عليك المواجه بس بجد

خايفة عليك وعايزاكي تنسيه وتنسي التجربة دي وتفكري في نفسك

.....حبيبتى حبه ده بعد اللي حصل حيثبخر مع الأيام بس لازم  
إنتي كمان يكون عندك الرغبة في ده مش تقضيها حزن وذكريات  
.....لازم تدي فرصة للجديد في حياتك إنتي خلاص حرة مش  
ملك لحد ولا ملك لعهد .....عهد إنتي اللي أخذتیه على نفسك ومع  
نفسك يا سارة

سارة : عارفة لما إختفى .....قفل موبايله .....وحتى لما  
كلمته على البيت مامته قالتلي سافر .....مز علتش منه  
.....ز علت من نفسي .....حسيت إنني إتخلت عنه  
ومادفعتش عن حبنا قصاد بابا .....كنت بحلم إنه حير جعلي ماشي  
على رجليه ويشيلني ويقولني وحشتيني وأوقات كنت أحلم إنه راجع  
على كرسيه وفي عينيه نظرة ألم أنا بس اللي أقدر أمحيها  
.....كنت حتجوزه برده .....أتارينني ألفت الفيلم ومثلت على  
نفسى .....خلاص يا غادة .....يوسف من غير ما يشوفني  
نزل تتر النهاية .....والموضوع إتقفل ومش حيثفتح تاني  
غادة : خلاص يبقى لا تبكي على اللبن المسكوب .....صح  
سارة : .....صح

غادة : نروح نشتري لبن تاني من السوبر ماركت خلاص

سارة : إيه !!!!!

غادة : لبن خفيف وظريف وعايزك تشربيه .....

سارة : امممممممم إحنا حنبداً

غادة : أيوه حنبداً .....خلاص قفلنا اللي فات وحنبدأ ونجرب  
نحاول ليه لأ إيه اللي يمنع

سارة : مش فاهمة إنتي عايزاني أعمل إيه

غادة : تبصي للي بيهتم بيكي وتفكري فيه .....هو الأحق لأن هو  
المستقبل وغيره الماضي

سارة : إزاي وأنا لسه بفكر في الثاني وده غصب عني

غادة : سيبني نفسك لتجربه جديدة .....محدث عارف مين  
حينسيكي مين .....حاولي يا سارة .....حاولي

كان حازم في مكتبه يفكر في آخر مقابله له مع سارة .....ماذا  
يفعل هو يقترب منها دون حسابان ولكن لماذا يشعر أنها سعيدة بهذا هل  
يُعقل أنها حقاً بدأت تخرج من ذكرى يوسف .....ذكرى يوسف أم  
حب يوسف .....شعر بالغضب بالغيرة بالحماسة فهو في النهاية  
رجل .....خرج من مكتبه غاضباً يبحث عن من يصب عليه جام  
غضبه .....وكانت عايدة .....

عايدة هي سكرتيرة حازم ومن يعرف حازم يتعجب كل العجب من  
تعيينه لعايدة فهي امرأة في الخامسة والثلاثين من العمر متزوجة  
ولديها أربع أطفال وحامل في الخامس .....منذ فتح حازم  
المكتب ونظراً لحبه الشديد للصنف الآخر توقع الجميع أن سكرتيرة  
حازم ستكون معايير إختيارها تعتمد بشكل أساسي على الجمال الذي  
يليه الدهاء ولكنه خالف كل التوقعات وإختار عايدة التي ربما لا تركز

في العمل بقدر تركيزها في طاجن العكاوي وميزانية البامبرز  
ولا تعرف من مساحيق التجميل سوى أحمر الشفاه السحري !!!!

حازم في غضب : عايدة ..... عايدة

عايدة : أيوه يا بشمهندس

حازم : في الورق بتاع العملية بتاع شركة EMG

عايدة : موجود ..... الأستاذ صلاح جابهولي من ساعة

حازم : ماشي فين هاتيه يلا

عايدة في إرتباك : حاضر ..... حاضر بدور أهو

حازم : ماهو إنتي لو قاعده على مكتب كنتي لقتيه ..... لكن ده

مش مكتب ..... مجلات وجراید ..... إحنا هنا مش حكومة

يا عايدة ..... في إيه

عايدة : حاضر يا بشمهندس

بدأت عايدة في تجميع وترتيب الاوراق على المكتب وفصل الجرائد

وعندها رأى حازم الجريدة ..... نعم تلك الجريدة ..... بداية

المعرفة بسارة ..... الإعلان ..... اخذ حازم الجريدة من على

المكتب وعاد لمكتبه دون أن ينظر نحو عايدة التي كانت ما زالت

تبحث عن الورق المنشود ..... جلس ينظر للجريدة ويقول لنفسه

: إفتحها بقه يا فالح وإقرأ الإعلان تاني خلي كلامه يخرم عينيك علشان

تفوق ..... إحنا في أول الشهر ..... من شهر شفتك يا سارة

..... ومن ساعتها حالي إتقلب

قام حازم بتصفح الجريدة وكانت المفاجئة .....لم يجد الإعلان

....

كان سعيد يستمتع بكوب الشاي مع ساندويتش الفول مثل كل صباح  
بمكتبه عندها دخل عليه عم عبد الحميد الساعي مره أخرى .....

عبد الحميد : إحق يا أستاذ سعيد

سعيد : خير في إيه

عبد الحميد : البيه المدير شايط .....وبيزعق للكل

سعيد : متعرفش ليه

عبد الحميد : واضح كده في مشاكل في الطبعة الأسبوع ده وأخطاء  
تاني

سعيد : يوووووووووه وأنا أعمله إيه ماهو يإما بيسترخص يا بيعين  
بالكوسة .....يشرب بقه

عبد الحميد : أنا قلت أعرفك لأنه شوية وأكيد حبيعتلك

سعيد : ماشي يا سيدي .....متشكرين .....إيه ده إما نشوف  
كمان مين بيتصل بينا .....إستنى إستنى دي نمرة عميل كان  
طفشان إما أرد جايز أدخل عليه بخبر حلو

سعيد : حازم باشا .....بجد الموبايل نور



سعيد : إترفذت على الموظف الغلبان اللي كلمها وقلت له بالحرف  
.....خلاص إياك تعمل كده من نفسك أنا مش عايزة الإعلان ده ينزل  
تاني

حازم : إيه !!!!!

سعيد : اه والله يا بشمهندس زي ما بقولك كده

حازم : طب يا سعيد ظلمتك .....سلام دلوقتي

أغلق حازم الهاتف وهو يفكر : غريبة .....يا ترى إيه السبب  
معقول بدأت تنسى .....معقول

كانت صوفيا تشعر بتعب شديد لم تستطع النوم طوال الليل وفي  
الصباح أيقظت زوجها وهي تتألم : يوسف .....يوسف

يوسف : صباح الخير يا حبيبي

صوفيا : صباح النور .....يوسف انا تعبانة بطني بتوجعني أخذت  
دوا بس بتوجعني

يوسف : يا خبر وماصحتنيش ليه .....إستني حالكم الدكتور يجي  
فوراً

وبالفعل جاء الطبيب بعد وقت قليل وأجرى الكشف ويوسف يقف  
بجانبه قلقاً على زوجته .....





يوسف : هي دكتورة سارة موجوده

موظفة الإستقبال : أيوه يا فندم في العيادات فوق بس أعتقد مش حتاخذ  
كشوفات تاني النهارده

يوسف : اه .....متشكر .....

نظرت له إنجي وهي مصدومة : إنه هو .....لقد عاد  
.....لقد عاد من أجلها إذن تابعته بنظراتها وزادت صدمتها أكثر  
عندما إتجه لإحداهن وامسك بيدها وقال : يلا حبييتي حياخدوا منك  
شوية تحاليل في المعمل بيقولوا كمان النتيجة كمان ساعة

صوفيا : أوكيه حبيبي

إنجي لصديقتها : يا خبر

المرضة الاخرى : في إيه

إنجي : موضوع كده بس تصدقي مليش نفس أحكي .....طيب  
بيسأل على دكتورة سارة ليه ده .....أقولها .....بقه ولا لأ

المرضة : أنا مش فاهمه حاجه

إنجي : ولا أنا .....إستني

إنجي لموظفى الإستقبال : رباب

رباب : نعم يا إنجي

إنجي : هو الأستاذ ده كان بيدفع إيه

رباب : إنتي مالك حشرية كده علطول

إنجي : و حياة أبوكي قولي مش وقته

رباب : فاتورة علشان تحاليل للحمل يا ستي

إنجي : إيه!!!! يعني اللي معاه دي أكيد مراته.....إيه اللي جابه

ده.....جاي يوريها إنه إتجوز يعني

رباب : يوري مين.....إنتي بتقولي إيه

إنجي : مش مهم مش مهم.....إنتي ولا فاهمه حاجه.....مش حاقد

أروح لدكتورة سارة.....حاروح لدكتورة عادة

أما يوسف فقد أوصل زوجته للمعمل وتركها ليتجه نحو العيادات

.....لسارة.....

## الفصل الثامن عشر

كانت سارة قد أنهت لتوها العمل لتخبرها الممرضة بقدم زائر

.....توقعت أن يكون حازم وقررت أن ترسم ملامح الجدية على

وجهها فهي لا تعرف ماذا يريد وهي لا تحبذ هذا النوع من العلاقات

.....كانت تنظر في الأوراق أمامها متعمدة ان لا تبدي أي

إهتمام بالقادم.....

سارة : إتفضل.....دون أن تنظر إليه

يوسف : إزيك يا سارة

شعرت أن جسمها إنتفض كله عندما سمعت الصوت ..... ظلت  
محدقة في الاوراق دون النظر نحوه لم تستطع شعرت أن اللحظات  
تمر كدقائق ..... بل ساعات ..... أخيراً رفعت نظرها إليه في  
تلك المرة تبينت ملامحه أكثر لم يتغير ربما إزداد وسامة عن قبل  
أخذت نفساً عميقاً ثم قالت بعد زمن : يوسف ..... إزيك

يوسف : الحمد لله ..... إنتي إيه أخبارك

سارة : تمام ..... الحمد لله

يوسف : كنت موجود هنا بالصدفة قلت لازم أسلم عليك

سارة : اه طبعاً ميرسي على السؤال

يوسف : مش حتقوليلي مبروك

سارة : مبروك ..... بس على إيه

يوسف : هو إنتي مش ملاحظة إني وقفت تاني ولا إيه

سارة بعد أن تذكرت رؤيتها لها في المرة السابقة ومعرفتها ليس فقط  
بنجاح علاجه بل بزواجه أيضاً : فعلاً ألف مبروك

شعر يوسف بالغیظ الشديد لهذه الدرجة لا تهتم قرر في لحظتها أن  
يفجر لها المفاجئة الأخرى دون أن يعلم أنها تعرفها سلفاً أو على الأقل  
تعرف الجزء الأهم

نظر لها بقوة وكأنه يريد ان يقول أنا هنا لأخبركي ذلك ثم قال : برده

حنقوليلي مبروك على حاجة تانية أهم .....على الجواز

سارة تجاهد أن لا تظهر أي تأثر أو إهتمام : بجد يبقى مبروك تاني

يوسف وقد غضب لعدم إكترائها : وإنتي إتجوزتي

شعرت سارة بالغضب هل يسأل ليطمئن بالطبع لا فلقد تغير ليس هذا  
الرجل من أحببت تغيرت كلماته نظراته كل شئ لم تشعر إلا وهي تقول  
: لأ مخطوبة

يوسف : بجد مبروك .....لم يتفاجئ يوسف فقد ظن دائماً أنه  
سيعود ليجدها ملكاً لآخر

سارة : الله يبارك فيك

يوسف : دكتور بقه معاكي هنا

سارة : لا لا مش دكتور

يوسف : بيشتغل إيه بقه إوعي يكون طيار زيي

سارة بإصرار : لأ مش طيار مهندس

يوسف : اه .....مبروك

سارة : ميرسي

يوسف : خلاص أكيد لازم نتقابل أنا أعرفك بصوفيا وإنتي تعرفيني

ب.....صح هو إسمه إيه

سارة : حازم .....إسمه حازم

دخل شادي المكتب غاضباً على حازم الذي نظر لصديقه وقال على الفور .....

حازم : إيه يا عم داخل بز عابيبك ليه

شادي : حازم .....لازم تشوفلك فرصة في عايدة دي حتجنني

حازم : إيه اللي حصل تاني

شادي : مش مركزة في الشغل .....دي مش عارفه ترد على العملاء كده كثير

حازم : خلاص خلاص حابقي أجيب واحده معاها بس سيبها في حالها دي غلبانه

شادي : نفسي أفهم إنت لما عينتها كان حد خبطك على دماغك

حازم : هههههههه فكرتني بصراحة وقتها ماردتش أجيب سكرتيرة حلوة كنت حابصبصلها والشغل حيبوظ كانت عايدة ساعتها لقطه

شادي : ودلوقتي

حازم : لا خلاص أن عقلت من بكرة أجيبلك أنجلينا جولي ماتز علش نفسك

شادي : مزاجنا رايق النهارده

حازم : مش قوي بقولك عايز أفضفض معاك بحكاية كده

شادي : اخيراً تعال في حضني يا ضنايا

حازم : إتلّم يا ض .....إسمع إسمع بقه بجد لإني محتاج رأيك

وهكذا قص حازم على شادي كل شئ كيف رأى سارة لأول مرة وأين حتى علمه بقصة يوسف وما علمه عن إلغائها نشر الإعلان

شادي : يااااااااااااه داننا بتحكي فيلم

حازم : شفت

شادي : وإنت حتعمل إيه

حازم : منا لو متتيل عارف بسئلك ليه يا أذكى إخوانك

شادي : من غير طول لسان .....شوف إنت بتحبها بجد يا حازم  
ولا مجرد إهتمام وقتي

حازم : لا يا شادي أنا معاها حسيت بمشاعر عمري ما حسيتها قبل كده

شادي : بس حاسس إنها لسه بتحب يوسف ده

حازم : المنطق بيقول كده

شادي : طيب والإعلان لغيته ليه

حازم : مش عارف .....هل مثلاً هو رجع .....معقول  
رجعلها

شادي : أو عرفت إنه إتجوز ونسيها أو مات

حازم : يا ساتر على أفاضك يا أخي ..... في كلا الحالتين شكلي  
بره الحسبه

شادي : بس غنت بتقول إنك حسيت إنها كانت ظريفة معاك آخر مرة

حازم : اه حسيت ..... مش عارف حاجه تقرف

شادي : بص يا حازم لازم تقرب منها لغاية ما تتأكد إنها نسيت حبها  
الأول ده فاتحها بقه وإعترفها بحبك إلا إذا أصلاً كنت مش متقبل فكرة  
إنها حبت قبل كده

حازم : لا لو قصة وإنتهت انا دماغي مش صغيرة ما في ناس بتتخطب  
وتفرکش

شادي : المشكلة انها ممكن تكون لسه مانتهتش وان صاحبك ده الله  
أعلم فين ولسه بيحبها ولا خلاص .....

حازم : مش عارف وصاحبته حاولت تقنعني إنه ماضي وهي حبست  
نفسها فيه وفاء وكده

شادي : خلاص بما إنك مش قادر تبعد لازم تقرب علشان تعرف وتفهم  
وعلى الأساس ده تقرر

حازم : بس هي مش زي البنات اللي بتسمح بده بمعرفة وكده  
وخصوصاً إن مفيش داعي للعلاقة أصلاً لا إحنا زملاء ولا معارف  
أصلاً ..... بص بقه أنا مفياش دماغ مفيش قدامي غير حل  
واحد

شادي : حتعمل إيه

حازم : حاقطع عرق وأسيح دمه .

## الفصل التاسع عشر

خرج تاركها.....غاضبه

هل تعرفون الفرق بين الحزن والغضب.....هل هو فرق كبير أم  
هي مجرد شعرة فاصلة بين الإثنين.....هل يأتي الغضب بعد  
الحزن أم يأتي الحزن بعد الغضب.....هل الحزن يضر  
صاحبه فقط.....والغضب قد يفتك بالجميع!!!!!!!

دخلت غادة على صديقتها بعدما علمت بقدم يوسف من إنجي  
.....كانت غادة في منتهى القلق وزاد قلقها بعد رؤية وجه سارة  
.....فسارة بعد ما رسمت الملامح القوية أمامه يبدو أنها  
إنهارت تماماً بمجرد خروجه وكأن كل ما حدث غير كافي فجاءها  
وهو يحمل بين يديه هدية.....هدية من التشفي  
غادة : سارة.....سارة إنتي كويسه.....إيه اللي  
حصل

سارة : غادة لو سمحتي.....مش قادرة أتكلم

غادة :طيب أفهم.....إيه اللي جابه ده وقالك إيه

ردت سارة بنبرة صوت صارخة لم تسمعها غادة منها قبل ذلك : مش

عايزة اتكلم يا غادة.....أنا ماشية  
وهكذا أخذت حقيبتها مسرعة وتركت المكان غاضبة  
.....غاضبة جداً

نعم كانت حبيته.....كانت.....ولكنه الآن  
يحب أخرى.....أخرى لم تتردد لحظة في الوقوف إلى  
جانبه.....وقفت أمام الجميع من أجل حبه  
.....كان وحيداً.....عاجزاً  
.....خائفاً.....يحيط به هؤلاء من يرتدون  
الأبيض ولكنهم ليسوا ملائكة.....هو إذن لم يمت وهو ليس  
أيضاً بحي.....لم يخرج من هذا الحلم السخيف سوى  
ضحكة عالية سمع أصدائها بقوة داخل هذا المشفى الكبير  
.....فتاة جميلة من أب مصري وأم ألمانية  
.....وحيدة أبويها تدرس إدارة الاعمال  
.....كانت تأتي للمشفى بحكم عملها فقد كانت مسؤولة عن  
إحدى شركات أبيها المتخصصة في الاجهزة الطبية.....كان  
يوسف مريضاً وحيداً أغلب الوقت لا يتصل ولا يتحدث مع أحد  
وقدمها له الطبيب.....فهي عربية لا تعرف من كلماتها إلا  
قليلاً ولكن.....

- ولا أنا منفعش.....مفيش عندك غير أنا

كانت تلك أول كلمة قالتها له.....قالتها بإبتسامه ذكرته  
بإبتسامه سارة التي طالما أخرجته من الأزمات.....من الحزن

.....الحزن الذي طغى على أيامه بعد أن أصبح وحيداً  
.....سارة ..... لا يريد أن يتذكرها فهي ربما  
ستتذكره لأيام ..... لشهور ..... ثم يصبح ذكرى مع  
أول رجل حقيقي يدخل حياتها ..... ليس بقايا رجل  
.....بقايا إنسان .

في البداية كانت علاقة صوفيا بيوسف مجرد تعاطف  
..... تحول لمسؤولية فشعرت أن هذا المصري أخيها فهو  
يتحدث مثل أبيها في بعض الأوقات بل إنه يشبهه نفس الطول  
والوسامة ..... ولكنه حزين ..... أغلب الوقت  
..... خائف ..... قلق من المستقبل ..... هي لم  
تقلق يوماً بشأن المستقبل ..... كانت ملكة متوجه تعمل فقط من  
أجل تحقيق الذات وإثبات جدارتها في إدارة أعمال الأب مثل  
..... مثل

- دادي يقول ..... زي أجدع راجل ..... بعد قالتها صوفيا  
لاحظت ربما أول إبتسامته

صوفيا مرة أخرى : إمممم انت بتضحك زينا

يوسف : شفتي بقه

صوفيا : طيب ممكن مش تكشر تاني ..... شكاك كده أحلى  
كثييبيبيير

يوسف : يعني هو بمزاجي يا صوفيا

صوفيا : yes of course it's all about you

يوسف : أكيد غصب عني

صوفيا : بابي هنا بدأ من زيرو عارف كان يقول لازم واحد يكون عنده إرادة إنت راجل مصري قوي .....عندك إرادة بس أوقات بتنسى .....مش تنسى ده يوسف .....إنت قوي

إبتسم لها يوسف وتذكر أن أول جراحة ستكون بعد أيام لاحظت صوفيا ذلك وقالت : أنا متفائلة يوسف وبكرة تقول صوفيا قالت

يوسف : حاشوفك بعد العملية

صوفيا : sure

يوسف : ميرسي صوفيا مش عارفة إنتي وجودك جنبي بيهون عليا إزاي خصوصاً إن والدتي مش عارفه تكون هنا طول الوقت بتسافر وترجع

صوفيا : تشكرني !!!!!!! إحنا مش صحاب مفيش صحاب يشكروا بعض

يوسف : صحاب أكيد طبعاً

نظر يوسف لزوجته وهو غارق في الذكريات كانت تبدو كالملاك وهي نائمة ملس على شعرها وطبع قبلة حانية على جبهتها تذكر إصرارها على إتمام الزواج قبل أن تظهر ثمار العلاج .....وقفت أمام خوف أبيها ونصائح الاصدقاء صرخت بقوة

أمام الجميع ..... أحبه ولن أتركه سأظل معه للنهاية مهما  
كلفني الأمر ..... وهاهي بين أحضانه تجني ثمرة صبرهما معاً  
إبتسم بسخرية وتوجه نحوالنافذة كأنه أراد أن يشتم رائحة الهواء  
الطلق ..... قال لنفسه وهو ينظر نحو الأفق البعيد : ياه يا سارة  
ماتستهاليش كل لحظة فكرت فيها فيكي .....كنت فاكر إني  
ظالمك اتاري كان عندي حق .....حق في كل اللي عملته  
.....إنت ماتستهاليش حبي .....وعمرك ما كنتي  
تستاهليه .....

كانت سارة قد حاولت أن تخرج من أثر المقابلة مع يوسف  
.....شغلت نفسها بالعمل حتى تتوقف عن التفكير  
.....حتى أنها تجنبت محادثة عادة مرت أيام وأقنعت نفسها  
أنها تتعافى حتى .....

دخل صاحب موعد الكشف ومعه الطفل الصغير .....لم  
تصدق نفسها عندما وجدت حمزة أمامها إبتسمت للطفل الصغير وهي  
تقول : زوكا .....إزيك عامل إيه

حمزة : الحمد لله

حازم : واضح إن زوكا وحشك

سارة : أكيد هو لذيذ قوي أصلاً .....إيه يا حبيبي في إيه  
بيوجعك

حمزة بإصرار : ولا حاجة أنا كويس

نظرت سارة لحازم نظرة عتاب ثم قالت : ثاني

حازم وهو يضع يده على جبهته في خجل : معلش هو فعلاً مش عيان  
بس أنا بتحجج بيه علشان أشوفك

إرتبكت سارة من رده الصريح ثم قالت وهي تحاول تجنب النظر  
نحوه : أستاذ حازم كده مينفعش على فكرة

حازم : هو إيه اللي مينفعش

سارة : إيه اللي بتوقله ده واللي بتعمله و .....

حازم : سارة أنا عايز أتكلم معاكى وهنا مش حينفع .....

أنا  
حستناكي مع زوكا في مطعم البيتزا ..... قبل ما تردي أنا  
معايا زوكا أهو ومستنيكي في قسم العائلات والله وأوعدك يا ستي  
بعدها مش حضايك تاني ..... يا ريت تيجي بجد  
سلام .....

خرج حازم مسرعاً تاركاً سارة في حيرة ..... ولكنها إبتسمت  
نعم فحازم استطاع أن يرسم على وجهها الإبتسامة ..... وأن  
تنسى للحظات يوسف وذكراه .....

في مطعم البيتزا جلس زوكا وحازم في إنتظار سارة .....

زوكا : عايز آيس كريم

حازم : كل البيتزا بتاعتك الأول

زوكا : شبعث .....هات آيس كريم

حازم : يوه يا زوكا مش تاكل الأول .....حاضر

سارة وقد إتجهت نحوهم دون أن يلاحظها حازم : إنت بتهاود الأطفال  
على كل حاجة كده علطول

نظر حازم نحوها وعيناه تشع بالسعادة ظل ينظر نحوها بقوة دون  
كلام مما أربكها بشدة فتابعت : بشمهندس حازم ياريت أسمع منك  
اللي عايز تقوله بسرعة .....لولا زوكا أنا ماكنتش حاجي

حازم : حاضر ممكن تقعدني

سارة : أوكيه

حازم : تاخدي إيه

سارة : لأ ميرسي مش عايزة حاجة

حازم : طيب نسكافيه مش حناخد لمون متخافيش

سارة بإبتسامة : خلاص نسكافيه

حازم : يلا يا زوكا روح إلعب وبعدها حجبيك آيس كريم

زوكا : مش عايز

حازم : يلا يا حبيبي بص صحابك بيلعبوا هناك أهم

زوكا : دول مش صحابي

حازم وقد بدأ صبره ينفد : زوكا .....حجبيك لعبة كمان بس

روح إلعب دلوقتي

إنطلق الصغير فرحاً بالوعد نظرت سارة نحوه وهو يبتعد نحو منطقة ألعاب الأطفال ثم قالت : ليه مشيته متفقااش على كده

حازم : الكلام اللي حقوله مينفعش أقوله قدامه

سارة : بشمهندس إمممممم

حازم : أنا بحبك

نظرت سارة نحوه وهي مصدومة من صراحته .....ربما جراته أم سرعته .....إبتسم حازم لها برقة ثم تابع :

خضيتك مش كده

سارة : يعني أصل .....

حازم : بصي أنا فكرت كتير حتى دماغي ورمت من التفكير بس هي دي الحقيقة مش حينفع ألف وأدور لو مع الناس كلها مش حينفع معاكي إنتي .....خلاص لازم تعرفي .....انا بحبك وعائز أرتبط بيكي .....إنتي بقه إيه رأيك

سارة : إيه !!!!!!!!!!!!!

حازم : يعني موافقة من حيث المبدأ ولا أقوم أروح

سارة : حازم .....إيه

حازم : طيب كويس مادام قلتي حازم حاف كده يبقى خير

سارة وقد إبتسمت لكلمته : أسفة .....بس إنت فاجئتني

حازم : اه واخذ بالي باين على فكرة شكلك مسبهل خالص

سارة : مسبهل !!!!! ميرسي

حازم : سارة أنا مهندس معماري و عندي شركة صغيرة وشفتي  
جاهزة وأهلي نفسهم اتجوز النهارده قبل بكرة وطيب وبحب البيتزا  
.....بشرب سجاير بس برده أحاول أبطل ومن ساعة ما شفتك  
وإنتي شاغله تفكيري .....إتحججت بزوكا علشان أشوفك  
.....ودخلت المستشفى ولبست منظار معدة .....أنا عمري  
ما عملت كده مع حد بصراحة .....شفتي أنا بقولك حاجه كتاب  
مفتوح يعني

سارة : أكيد أنا محترمة صراحتك

حازم : في حاجه تانية مهمه لازم برده أصرحك بيها دلوقتي  
.....يا إما حاكسب كل حاجه يا حاخسر كل حاجه

سارة : حاجة إيه

حازم : أنا عارف إنك كنتي بتحبي واحد إسمه يوسف

تبدلت ملامح سارة على الفور عندما ذكر إسم يوسف تبدلت إشرافتها  
على الفور وشعر حازم أنه ربما بانتظار عاصفة ولكنه تابع الكلام فقد  
بدأ ويجب أن يُنهي ما بدأه

حازم : معرفتي نابعه عن إهتمام وطبعاً أنا مش الراجل اللي ياتر فيه  
قصة حب قديمة انا مش كده لكن أنا يهمني الحاضر .....سارة  
أنا عايز أكون جوزك إذا وافقتي الحاضر والمستقبل ملكي أنا وإذا  
رفضتي حاكون واثق إن ساعتها قلبك مع حد ثاني هو مش ماضي  
بس كمان حاضر

شردت سارة قليلاً بعد كلمات حازم تذكرت مقابلتها الأخيرة مع يوسف وتذكرت ذكرها لحازم كخطيب لها ..... هل هو القدر الذي جعل حازم يطلب منها الزواج في هذا التوقيت لتسترد كرامتها أمام من جاء يستعرض أمامها زواجه ..... هل حازم هو المستقبل السعيد ويوسف الماضي الاليم ..... إستجمعت أفكارها ونظرت لحازم بثقة وقالت : لتاني مرة مقدره صراحتك الموضوع ده كان في الماضي وإنتهى خالص دلوقتي ده شئ أكيد من حقك تعرفه ..... عنئذك

حازم وقد أمسك بيدها دون أن يشعر : رايحه فين زعلتي؟؟؟

سارة : بشمهندس حازم لو سمحت

حازم و قد ترك يدها : آسف

سارة : ممكن تديني وقت أفكر

حازم : حقك ..... بس ممكن متتأخرش عليا في الرد

سارة : ربنا يسهل

حازم : حاستنى منك رسالة ..... حاستنى كلمة موافقة

سارة : عنئذك

حازم : طيب قبل ما تمشي إتفضلي

قالها حازم وهو يعطيها سي دي

سارة : إيه ده

حازم : دي أغنية باسمعها وبفكر فيكي بصراحه

سارة بخجل وغضب : بشمهندس حازم

حازم : إسمعيها بس وإنتي بتسوقي علشان تفتكريني .....ولا  
مش عايزة تفتكريني

سارة : أوكيه متشكرة .....سلام دلوقتي بقه

حازم بإبتسامه : سلام دلوقتي بقه

خرجت سارة مسرعه وهو يتابعها بنظراته وهي تنظر نحوه كلما  
إبتعدت خطوات بتجد نظراته مرتكزة عليها .....ركبت سيارتها  
مسرعه وهربت .....كانت خائفة ومترددة وسعيدة

## الفصل العشرون

كانت تقود سيارته وهي تفكر في كل ما حدث .....أبهرتها  
صراحته وجرأته .....نظرت للسي دي الملقى على المقعد  
بجانبا قامت بتشغيله وهي تفكر في تلك الأغنية الرومانسية التي  
أهداها إياها

بتعدي في حته أنا قلبي بيتقطع مية حته أفضل في مكاني إنشا الله  
لسة الصبح بفكر فيك

تقابلني في سكة قصادي تفوت ببقى أنا على تكة ومش مضبوط حد  
يقولي أعمل إيه يحكمني عليك



.....بطلت أسئل

محمود : معلش يا دودو أعذريها

غادة : عاذراها وخايفة عليها نفسي تفوق لنفسها بقه كفاية اللي ضاع  
من عمرها ورا وهم

محمود : عندك حق .....عموما دي تجربة صعبة زمانها علمت  
فيها حتغير فيها كتيبيري

غادة : تفتكر

محمود : المهم للأحسن مش الأسوء

غادة : سارة طيبة أسوء إيه

محمود : مش قصدي إنها تقلب شريرة بس غالباً لما حد بيمر بتجربة  
حب فاشلة بي فقد إيمانه بالحب

غادة : مش مهم يعني كانت خدت إيه من الحب تفكر بعقلها أحسن

محمود : بس لازم تفهم إنها ممكن تحب تاني .....الحب مش  
حكر على حد

غادة : عندك حق .....ربنا يسهل

محمود : طب يا حبيبي أنا حاقوم بقه .....سلام

غادة : سلام يا حبيبي

خرج محمود وبدأت غادة في تنظيف السفارة وغسل المواعين وبمجرد  
أن إنتهت وقررت الإستمتاع بقليلة خفيفة دق جرس الباب .....

تفاجئت غادة عندما وجدت سارة أمامها

غادة : سارة !!!!

سارة : زعلانه مني ؟

غادة : أدخلي يا سارة

دخلت سارة وبمجرد أن جلسوا بادرت بتففس السؤال : زعلانه ؟  
غادة : سارة أنا مش زعلانه منك .....انا بس قلقانه عليكي  
سارة : عارفه .....وأسفة إذا كنت إتعصبت عليكي أكيد إنتي  
عاذراني صح  
غادة : طبعاً

سارة : أصالك متعرفيش كان جاي يقولي إنه إتجوز يا غادة  
.....تخلي لي لما تحبي واحد الحب ده كله وتفضلي قافلة على  
نفسك سنين ومستنياه وفي الآخر .....أقول إيه بس  
.....يوسف مستحيل يكون حبي لو ده الحب يغور الحب  
واللي عايز يتحب يا شيخة  
غادة : وإنتي عملتي إيه

سارة : عمري ما كدبت قبل كده ..... قتلته إني إتخطبت  
غادة : جدعة .....ده طبيعي على فكرة

سارة : المشكلة إنه لما سألني عن إسم اللي إتخطبت ليه قتلته حازم  
غاده : إيه ده بجد

سارة : إسمعي الثانية .....حازم طلب مني الجواز  
غادة : إيه !!!!! معقول إمتي وفين بسرعة كده

سارة : تخيلي

غادة : وغنتي قلتي ليه إيه .....غوعي تكوني طفشتيه بدري  
بدري

سارة : زي زمان يعني .....لأ طبعاً .....قتلته حفر

غادة : بصراحة الواد لذيذ لو حصل حفر حلك قوي

سارة : يعني إنتي شايفاه حد كويس

غادة : المهم إني شايفاه إيه

سارة : أنا عايزة أنسى يوسف يا غادة  
غادة : تنسيه !!!! سارة إنتي لسه بتفكري فيه  
سارة : غصب عني .....إنتي إن حازم طلع عارف حكايته  
وسألني عنه  
غادة : إيه سألك عنه !!!! وقلتي ليه إيه  
سارة : في الأول إتضايقت وبعدين بيني وبينك إحترمت صراحتة  
وقلته إن موضوع وخلص خلاص .....ماضي  
غادة : ما هو فعلاً ماضي يا سارة وزيارة يوسف بقه بعيوبها تأكدك  
ده  
سارة : عندك حق  
غادة : يعني أنا مش فاهمه لسه بتحبي يوسف  
سارة : أنا عايزة أنسى يوسف والوقت الوحيد اللي بحس إنني مش  
بفكر فيه وأنا مع حازم مع إن السبب الرئيسي إنني وافقت على حازم  
يوسف .....عك صح  
غادة : بس أنا واثقة إنك لما تقربي من حازم لما تشوفي يوسف ده بعد  
كده مش حتعرفيه  
سارة : ياه ومنين الثقة دي  
غادة : معرفش .....إحساسي  
سارة : عموماً أنا حافكر مع نفسي كده كام يوم وبعدين أرد عليه  
غادة : إن شاء الله أحضر فرح قريب .....يارب

كان حازم قد بدأ القلق يستأثر به عندما تأخر رد سارة  
.....أصبح يتعامل بعصبية مع الجميع .....كان قد إنتهى  
لتوه من الإستحمام عندما سمع رنة الموبايل .....كانت رسالة إنتظرها

لأيام .....موافقه

بادر حازم بالإتصال بها على الفور لدرجة أنه لم يكن قد إرتدى  
ملابسه أو حتى جفف كل جسده .....فقط إلتف ببشكير حول  
خصره وجلس على الفراش .....

سارة : الو

حازم : أخيراً .....كنت حتجنن وانا مستتي الرد ماكنتش  
أعرف إني بحبك قوي كده

سارة : إممممممم.....

حازم : أنا حاكلم بابا النهارده علشان اتفق معاه .....تحبي  
أكلمه على الموبايل ولا أطب عليه في المستشفى على طول

سارة : لأ كلمه على الموبايل الأول

حازم : تمام .....سارة

سارة : أيوه

حازم : بحبك قوي

صمتت سارة قليلاً وشعرت أنه لا تجد ما تقوله من الكلمات كانت  
تشعر بالخلج الشديد من كلمات حازم الصريحة عن حبه

تابع حازم : بتلخبطك كلمة بحبك .....طيب بحبك بحبك بحبك

سارة : إنت مجنون

حازم : ااااااااااااااااااااااااااااااااااا شكلك سمعتي الاغنية

سارة : أيوه سمعتها

حازم : طيب ماهو أنا فعلا مجنون بيك يا حبيبي

سارة : اممممم خلاص بقه روح كلم بابا

حازم : اه دانتي مستعجله بقه .....زولا مكسوفه

سارة : حازم  
حازم : مكسوف من إيه دنا حابقي جوزك يا إسماعيل بيه  
سارة : زوكا عامل إيه  
حازم : زوكا مين إنتي متسألش غير على زوما  
سارة : زوما !!!  
حازم : اه زوما حبيبك ..... إنتي بتاعتي أنا ..... بلا زوكا  
بلا بتاع بقه ..... شفتي عملتي فيا إيه  
سارة : إيه ؟  
حازم : شففت رسالتك نسيت نفسي أصلاً حتى لسه طالع من الدش  
ومكملتش لبس  
سارة وقد إرتبكت : خلاص خلاص سلام بقه دلوقتي  
حازم وهو يضحك : سلام بقه دلوقتي ..... إسنني  
سارة : إيه  
حازم : نمره باباكي  
سارة : حابعتهاك  
حازم : خلاص سلام يا حبيبي  
سارة : سلام .....

## الفصل الحادي والعشرون

بعد مرور عدة أيام كانت سارة وأسرتها في إنتظار زيارة في المنزل  
من حازم وأسرته ..... إستطاع حازم بلباقته أن يحدد موعداً  
سريعاً لمقابلة الأسرتين بعد أن تعرف على الدكتور ممدوح ونال منه  
مواقفة مبدئية ..... كانت ليلي والدة سارة تشرف على

اللمسات الاخيرة على المنزل قبل أن يصل الضيوف  
ممدوح : سارة جهزت .....الناس زمانها على وصول  
ليلي : بتلبس فوق

ممدوح : أنا مش مصدق إن البنت دي أخيراً وافقت على حد  
ليلي : على رأيك .....بس الولد كويس يا ممدوح صح؟؟  
ممدوح : أنا سألت عليه لقبته فعلاً ولد كويس وأهله ناس محترمين  
قوي

ليلي : ربنا يكرمك يا سارة  
ممدوح : الجرس بيضرب الناس وصلت

كانت تلك هي المرة الالى التي رأت فيها ليلي حازم .....لاحظت  
أنه شاباً وسيماً ولبقاً أيضاً .....ناولها باقة من الورد وهو يقول  
: إتفضلي يا طنط .....

ليلي : ميرسي يا بشمهندس سارة فعلا بتحب الورد  
حازم : لا يا طنط ده علشان حضرتك  
ليلي : علشاني أنا .....متشكرة قوي

حازم : الورد بتاع سارة .....زوكا مصمم يشيل هو  
البوكيه

عندها رأت ليلي طفلاً صغيراً يحمل بوكيه الورد الذي يخفيه كله  
تقريباً حيث انه يوازيه في الحجم  
ليلي بابتسامه : يا ربي على السكر مين ده

حازم : ده حمزة ابن أختي .....صمم يجي معانا  
وهكذا بدأ حازم بتقديم أفراد الأسرتين لبعضهما البعض وبعدها إتجه  
الجميع لغرفة الصالون .....جلست شيماء بجانب حازم

وهمست قائلة : مامتها حلوة .....يبقى أكيد هي حلوة زى مامتها

حازم بثقة ودون أن ينظر إليها : أحلى

شيماء : يا واد يا جامد

حازم : إبنك ده كان لازم يشببط فينا مقعدش ليه مع إخوانه وأبوهم

شيماء : إنت خايف يفضحك ويقول إنك رحتم كسفتله عندها

حازم : لا يا فالحه أصلاً باباها عارف إنى شفتها لما كسفت لإبن  
أختي عندها

شيماء : بيعجبني فيك إن ردك جاهز

لم تمر دقائق حتى سأل الجميع عن العروس وعندها ذهبت والدتها  
لإحضارها .....كانت سارة تبدو جميلة جداً إرتدت ثياباً

بسيطة ولكنها كانت تتميز بالاناقة .....إختارت حجاباً بلون  
فاتح أظهر جمال بشرتها .....قام حازم على الفور لإستقبالها

بمجرد دخولها وعندما رأتها فريدة قالت لنفسها : ماشاء الله عرفت  
تختار يا حازم

دخلت سارة وصافحت الحاضرين في خجل نظر نحوها والد حازم ثم  
قال : ماشاء الله تعالى بقه أقعدي جنبى

جلست سارة بجانبه وحازم نظراته مرتكزه عليها .....تابع  
الأب

محمد والد حازم : دكتور ممدوح أنا يشرفني إنى أطلب إيد سارة بنتك  
لحازم إبنى

ممدوح : الله يخليك يا فندم وأنا يشرفني نسبكم أكيد

محمد : وطبعاً طلبات العروسة أوامر إحنا يهمننا سعادتهم فى الأول  
والآخر

كان الحديث بين الأباء فاصل من عبارات الكياسة والمجاملة ولكن  
حازم لم يشارك ظل فقط ينظر نحو سارة التي تعمدت عدم النظر

نحوه فقد شعرت أن كل العيون تراقبها.....لاحظت شيماء أن أخيها لم ينطق ولم يفعل شيئاً سوى النظر نحو سارة فضربته ضربه خفيفة بذراعها وهمست قائلة : إيه يا إبنى أبوها قاعد.....ناخذها معنا وإحنا مروحين

حازم : عايز إيه يا ظريفة

شيماء : قول حاجه أي حاجه

حازم : طيب يا عمي ممكن نحدد النهارده معاد الشبكة

ممدوح : مستعجل كده ليه يا بشمهندس براحتنا محدش بيجري ورانا

حازم : لأ أكيد أنا مستعجل طبعاً اللي يلاقي عيلة زي عيلة حضرتك وعروسة زي الدكتور سارة لازم يكون مستعجل

ممدوح : متشكر يا إبنى كلك ذوق

حازم : طيب نقرأ الفاتحه

ممدوح : على بركة الله

حازم : ها يا سارة حتقري معنا ولا مش حافظاها ولا إيه

نظرت سارة لحازم سريعاً وهي مبتسمة ثم أدارت بصرها عنه وبدأت في قراءة الفاتحه وبعد ذلك قامت فريدة إحتضنتها وقبلتها وهي تقول : مبروك يا بنتي.....ربنا يتم ليكوا بخير

وقتها كان حمزة صغيرة يشعر بالملل ولاحظت سارة ذلك نظرت

نحوه مبتسمة وقالت : الجميل زهئان ليه

حمزة : عايز أعب

سارة : تيجي أشغلك سبيس تون

حمزة بفرح : اه اه

سارة : طيب تعال

أخذت سارة الصغير وإنسحبت معه لغرفة المعيشة وحازم ينظر

نحوهما في غيظ.....ضحكت شيماء وقالت له : أكيد طبعاً نفسك  
تروح تتفرج على سبيس تون

حازم : ماشي ماشي .....انا بس دلوقتي مش فاضي للعب  
العيال بتاعك إنتي وإبنك

نظر حازم بعدها لوالده ليقول ما إتفقوا عليه فنظر محمد لممدوح والد  
سارة وقال : دكتور ممدوح .....حازم إبنني الحمد لله ظروفه  
ممتازة وجاهز حتى بالنسبة للشقة هو واخذ الدور اللي فوق في الفيلا  
كله بتاعه بس العروسة تشوفه وتقرر عايزة تعدل إيه

فريدة : ومتقلتش خالص .....حياتها حتكون مستقلة حتى الدور  
اللي فوق ليه كمان مدخل منفصل أكنها قاعدة في شقة بالضبط  
ممدوح : والله انا معنديش مشكلة وأعتقد سارة زيي إحنا مش بنفكر  
بالطريقة دي

حازم : الله يخليك يا عمي وبصراحه انا بقول مادام كل حاجة متوفرة  
والحمد لله نخلي الشبكة والجواز مع بعض .....بعد شهرين

ممدوح : شهرين .....إنت ياإبني علطول مستعجل كده

حازم : خير البر عاجله والحمد لله ربنا ميسرها وأنا مش حلاقي  
أحسن من سارة

ممدوح : برده الخطوبة فترة تعرفوا بعض

حازم : أكيد وأنا قدامها كتاب مفتوح وفي خلال الشهرين تكون  
عرفت كل حاجه

ممدوح : والله طيب أقولها ونفكر

حازم : طبعاً أكيد وأنا مستني ردكم إذا وافقتم حننتظر منكم زيارة  
تشوفوا الفيلا وسارة تقرر اللي هي عايزاه وأنا حخلي العمال يشتغلوا  
ليل ونهار

ممدوح : خلاص يا حازم ربنا يقدم اللي فيه الخير .

نظرت ليلي لزوجها الذي مدد جسده على الفراش إستعداداً للنوم  
وقالت : إنت بجد موافق على موضوع جواز بعد شهرين ده

ممدوح : طيب وإيه المشكلة

ليلى : ليه الإستعجال ناخذ وقتنا

ممدوح : ما الراجل قدامك جاهز من مجاميعه والناس فعلا محترمين  
يبقى لازمته إيه التأجيل

ليلى : نعرفه ونعرف طباعه ..... ناخذ وقتنا

ممدوح : شكلك مش عايزاها تتجوز وتسيبك

ليلى : مش الفكرة أنا بس شايفه إن كان المفروض تكون المدة أطول

ممدوح : وأنا عايزها تتجوز النهارده قبل بكرة

ليلى : للدرجة دي

ممدوح : إنتي عارفه بنتك رفضت كام عريس من غير حتى ماتشوفه  
من ساعة الموضوع إياه ..... إنتي نسيتي ولا إيه

ليلى : على رأيك دنا إستغربت لما وافقت

ممدوح : وأنا ماصدقت إنها وافقت ..... خليها تتجوز ونظمن

عليها وأنا شايف الولد كويس وراجل ومتحمل المسؤولية من الآخر

أنا مش قلقان منه ..... مش قالفني غير بنتك

ليلى : ليه بس ماهي وافقت وقالتلك اللي تشوفه يا بابا

ممدوح : خلاص خير البر عاجله ..... يومين كده وحابلغه

بموافقتنا ونحدد معاد نزورهم ونشوف الفيلا

ليلى : خلاص اللي تشوفه

وبالفعل بعدها بأيام إستقبل حازم وأسرته عائلة سارة بالفيلا

صممت أسرة حازم أن تكون عزومة على الغداء  
وأعدت فريدة يومها وليمة كبيرة ولقد كانت فريدة بارعة  
في إعداد الكثير من أصناف الطعام.....جلس والد حازم على  
رأس المائدة وعلى جانبه فريدة وعلى الجانب الآخر جلس والد سارة  
ووالدتها ثم بعد ذلك جلست شيماء ووائل والاطفال الثلاثة وتعهد  
حازم أن يجلس هو وسارة في الطرف الآخر ليجلس بجانبها بعيداً عن  
الجميع.....إقترب حازم بمقعده منها فشعرت بالإرتباك  
وقالت على الفور : أنا حاسه إننا بعيد عنهم أكننا لوحدينا  
حازم : كده أحسن وبعدين ما الأخ زوكا لازق جنبك اهو عايزة إيه  
سارة : زوكا ده عسل  
حازم : وخال زوكا ملوش نصيب في كلمتين حلويين  
إبتسمت سارة وشغلت نفسها بتقطيع طعام الطفل الصغير نظرت  
فريدة نحوهم وقالت : إيه يا حازم .....إعزم على خطيبتك  
علشان أشوف رأيها في أكلي  
سارة : يا خبر يا طنط حضرتك مش محتاجه رأيي يعني واضح بجد  
إن الاكل جميل بس حضرتك تعبتى نفسك قوي  
فريدة : مش حاتعب لأغلى منكم يا حبيبتي  
حازم وهو يضع زوجاً من الحمام في طبق سارة : إتفضلي  
سارة : يا خبر إيه ده كله  
حازم : حمام وخدي بالك ده وجبتي المفضلة يعني حتعملهولي على  
الأقل مرة في الأسبوع  
سارة : إيه ده بتتكلم جد  
حازم : اه يا حبيبي بتكلم جد .....شكالك مابتعرفيش تعمليه  
.....قلبي كان حاسس  
سارة : خلاص حاتعلم

حازم : مش يا حبيبي حتتعلمي مع الوقت .....أهم حاجه  
أتجوزك وتبقي معايا في بيتنا اللي فوق ده  
شعرت سارة بالخجل من تطرقه لهذا الحديث وشغلت نفسها مرة  
أخرى بتقطيع طعام حمزة

وهكذا مر اليوم بهدوء بعد أن شاهدت سارة وأبويها الفيلا وبالطبع نال  
المكان قبولهم وقال حازم لسارة في نهاية الزيارة : خلاص بس  
حضرتك بقه حتيجي المكتب كعميلة علشان تحددى عايزة تغيري إيه  
في الديكور حفرجك على نماذج حلوة وأقولك أفكارى وبمجرد ما  
نتفق نبدأ علطول .....تمام  
سارة : تمام

وهكذا وجدت سارة نفسها دخلت سريعاً في دوام الخطبة والزفاف  
والتجهيزات وكان هذا شئ مطلوب بالنسبة لها فقد إنشغل عقلها تماماً  
ولم تعد تفكر بالماضي وبطله .....

حازم أيضاً بحبه ورومانسيته التي أغرقها بها بدأ يحتل مكاناً داخل  
قلبها فكانت سعيدة بكلماته قال لها عندما حدثها على الهاتف في  
المساء : ها الجميل حيعمل إيه بكرة

سارة : العادي .....عندي شغل الصبح في المستشفى وبعدين راحة  
الظهر كده ثلاث ساعات وبالليل شغل في العيادات

حازم : خلاص الظهر ماتروحيش على البيت نتغدى سوا وبعدين  
تيجي المكتب عايز اخلص موضوع الديكورات  
سارة : طيب ما نخليها بالليل وماما تيجي معايا

حازم : سارة ده بيتنا رأينا إحنا .....بحبذ لا تيجي لا مامتي ولا  
مامتك مش طالبه وبعدين يا ستي عايز أقعد معاكي لوحدنا بتحجج

سارة : كده .....ماشي

حازم : وبعدين إحنا بكرة حنزل نشترى الشبكة وغالباً حتبقى  
ببصمتهم هما فريدة وليلى .....بس حبيبي نقي اللي على  
مزاجك متكسفيش

سارة : ميرسي يا حازم وبعدين دي هديتك وأكد حتكون حلوة  
حازم :إيه ده انا مش قد الكلام الحلو

سارة : خلاص بقه

حازم : خلاص يا حبي حعدي عليكى بالعربية بتخلصي الساعة كام  
سارة : الساعة إثنين

حازم : يبقى معادنا الساعة إثنين حغديكي في مكان .....تحفة

سارة : بدأت أفلق .....إوعى نعمل غسل معدة إحنا الإثنين

حازم : ههههههههههههههههههههه لا متخافيش وبعدين أنا بخاف عليكى يا  
سارة .....حتى من نسمة الهوا اللي بتعدي جنبك  
.....شفتي بقه

سارة بعد فترة صمت : خلاص حسنتاك بكرة

حازم : تمام نقول إيه .....سلام بقة دلوقتي

ضحكت سارة وقالت : سلام بقة دلوقتي

وهكذا أغمضت سارة عيناها وهي تفكر في حازم هذا الفارس الجديد  
الذي دخل حياتها بقوة وشغل عالمها في أيام معدودة وسيصبح بعد  
شهرين .....زوجها .

## الفصل الثاني والعشرون



قوي وحتيجي بكرة تتفق معاك

حازم : تمام منتظر كم

داليا : لا لا أنا مش فاضية عملت اللي عليا وعرفتكم على بعض

حازم : حتوحشينا ..... عموماً خليها تكلمني الصبح على المكتب  
نحدد معاد

داليا : أوكيه ..... باي

حازم وهو بيتسم بسخرية : باي ..... مش فايق بقه للي  
زيك دلوقتي أنا راجل ناوي إستقر ..... قال تلك الكلمات لنفسه  
وهو يفكر بسارة .....

إقترب يوسف من زوجته التي كانت تعاني من غثيان الصباح

يوسف : حبيبي ..... عاملة إيه دلوقتي

صوفيا : أخذت علاج ..... حاكون أحسن مش تقلق حبيبي

يوسف : طيب إرتاحي وعندك مار جريت حتقوم بكل خدماتك

كان يوسف يقصد الخادمة الفلبينية التي أحضرها لزوجته بعد أن  
انتقلوا للشقة المفروش التي سيقيمون بها مؤقتاً حتى بناء الفيلا

فقد قرر يوسف وصوفيا الإقامة بالإسكندرية بعد وفاة والدة يوسف  
وقراره متابعة أعمال العائلة نظراً لأنه كان الولد الوحيد على ثلاث  
فتيات جميعهن تزوجن .

نظرت صوفيا لزوجها وقالت : خايف عليا حبيبي

يوسف : أكيد

صوفيا : طيب عايزاك بقه تيجي معايا مشوار كده على الساعة خمسة

يوسف : فين

صوفيا : المكتب الهندسي حبيبي اللي حينفذلنا الفيلا  
يوسف : صوفيا قلتك إعملي كل حاجه على مزاجك أنا مليش في  
المشاوير دي  
صوفيا : بس داليا مش حتروح معايا وأنا مش حابه أروح لوحدي ده  
غير إني محتاجه رأيك  
يوسف : خلاص يا ستي حاخلص شغلي بدري ونروح سوا  
صوفيا : أوكيه  
يوسف : أنا نازل بقه علشان إتأخرت  
طبع يوسف قبله على وجنتها وإنطلق لعمله وهو لا يعلم أنه ربما بعد  
ساعات سيقابل خطيب سارة .....

نظرت سارة للساعة لتجدها قد قاربت على الثانية.....نظرت  
لنفسها في المرآه قبل أن يأتي حازم ثم إبتسمت ساخرة من نفسها  
.....وصل حازم بالفعل إستقرت سارة بجانبه في السيارة أمسك  
حازم بيدها ونظر لها نظرة قوية وهو يقول : وحشتيني  
شعرت سارة بالإرتباك فسحبت يدها على الفور وقالت معاتبة : حازم  
حازم : متسيبيه يمسكها يا فوزية  
إبتسمت سارة وقالت : ها حنروح فين  
حازم : تحبي تاكلي إيه بس بلاش بيتزا أنا جعان  
سارة : خلاص إي حاجه على ذوقك  
حازم : أحبك وإنتي مطيعة .....حأكلك بقه أكله دمار  
.....متخافيش متخافيش مطعم نضيف  
سارة : خلاص أوكيه



خصيصاً ومنهم شادي الذي ظل جالساً معهم أغلب الوقت وكأنه يريد أن يثير غضب حازم الذي لم يحتمل وبادره في النهاية بقوله : إيه النظام

شادي : إيه

حازم : قاعد للعشا ولا إيه ..... هويينا بقه

شادي : كده ماشي يا حازم ياريتك ذوق زي خطيبتك

حازم : انا قليل الادب يا سيدي ..... إمشي بقه

شادي : حاضر ..... نورتينا يا سارة وياريت كده تيجي دائماً

خرج شادي وعندها وجه حازم حديثه نحو سارة وقال : أنا مش حجيبك هنا تاني

سارة : ليه بس

حازم : أنا غلطان أصلاً إني جببتك ..... مغفل ..... أنا النهارده عرفت أد إيه أنا بغير عليكي

سارة : حازم بتغير عليا من مين بس مفيش حاجه تستاهل

حازم : خدي بالك أنا راجل حمش وغيور جداً

سارة : كده

حازم : زعلانه من الغيرة

سارة : بخاف من الغيرة

حازم : بس الغيرة حب

سارة : عارفه بس ..... لما بتكون زيادة عن اللزوم بتبوظ

معاني كثير جميلة ..... إنت بتضحك على إيه

حازم : مبسوط أصل بصراحه كا ما باتكلم معاكي بحس أوقات كثير

بتتكسفي ومترديش النهارده بقه خرجت منك الكلام ..... بس

برده بغير عليكي

سارة : مش حتوريني بقه أفكارك .....حنوضب إيه وإزاي

حازم : ماتقلقيش حابهرك

وبالفعل إنبهرت سارة بما عرضه حازم عليها وإختارت ما راق لها  
من التصاميم والألوان ليبدأ بعدها حازم على الفور في التنفيذ كانت  
الساعة قد إقتربت من الخامسة وسرقهم الوقت فقالت سارة : الساعة  
خمسة لازم أمشي بقه علشان الشغل

حازم : خلاص يلا بينا

سارة : عادي خليك لو وراك أخذ تاكسي

حازم : يا سلام كيس جوافة أنا تاخدي تاكسي وانا قاعد هنا  
.....يلا حاوصلك .....ثم وجه حديثه لعابدة سكرتيرته  
قائلاً : عابدة .....في مدام عندها معاد الساعة خمسة خليها  
تنتظرنى مشوار سريع وراجع

عابدة : حاضر يا بشمهندس

سارة وهي تبتسم وتتحدث دون أن تنظر نحوه : إم مدام ليك شغل مع  
ستات أهو

حازم : إيه ده بتغيري

سارة : لا بغلس عليك

حازم : يا ستي غيري غلسي إعملي اللي إنتي عايزاه أنا موافق

سارة : طيب يلا بقه علشان متأخرش

حازم : ماشي

وهكذا إنطلقت السيارة بهما من أمام المكتب لتصل بعدها بثوانٍ  
معدودة سيارة أخرى تُقل يوسف وصوفيا .....

## الفصل الثالث والعشرون

عاد حازم للمكتب ليجد صوفيا ويوسف في إنتظاره رحب بهم وجلس وهو يقول : نورتنا يا فندم تشرب

يوسف : لأ مفيش داعي

حازم : لا مينفعش .....انا عن نفسي حاخذ قهوة تشرب معايا

يوسف : خلاص يبقى قهوة مضبوط

حازم : والمدام

يوسف : صوفيا تاخدي أورانج

صوفيا : أوكيه

حازم في التليفون : إبعثولي إثنين قهوة مضبوط وواحد عصير برتقال .....ها طلباتكم

صوفيا : الحقيقة يا بشمهندس أنا عجبني اللي عرضته عليا وحابه تكون إنتم اللي حتصمموا وتنفذوا الفيلا

حازم : الحمد لله وأوعدك بشغل يعجبك

وهكذا بدأ العمل بين حازم ويوسف ولا يوجد أي منهم لديه فكرة عن مدى قربه من الآخر .....

مضت الأيام وسارة منشغلة كأى عروس بترتيبات الزواج كان لا يورقها شئ سوى تلك الاحلام التى تقتحم عقلها رغماً عنها فمئذ إرتببت بحازم أخذت عهداً على نفسها ألا تفكر بيوسف مرة أخرى ولكن عقلها الباطن كان يأبى ذلك فمجرد أن تستسلم للنوم يغزو يوسف أحلامها رغماً عنها فيورق سعادتها .....شعرت ان قرار الزواج السريع كان أسلم حل .....فيصبح حازم زوجها وسيشغل ليس فقط عالمها بل أحلامها أيضاً .....نعم

سيصبح حازم زوجها وسيكون إطلالة يوسف في أحلامها خطيئة  
.....خطيئة لن تقبلها ولن تسمح بها وسيختفي يوسف إلى الأبد  
.....إحتفظت بما يكدرها لنفسها فكان السر الذي لا تستطيع  
الروح به لأحد أياً كان .....

كانت الساعة قد قاربت على التاسعة مساءً أنهت عملها وظلت تنظر  
إلى يدها وتلك الدبلة الأنيقة المرصعة بالألماس ابتسمت عندما تذكرت  
إصرار حازم أن يلبسوا الدبل في محل المجوهرات

حازم : يلا البسيها .....يا فوزى فوزى

العامل : أيوه يا باشا

حازم : خد يلا هات جاتوه وحاجة ساعة لينا كلنا

فريدة : يا بني طيب ما كنا احتفلنا في البيت

حازم : خلاص بقه هي طقت في دماغي وبعدين علشان الناس الحلوة  
دي تفرح معانا ولا إيه

وهكذا إرتدت سارة دبلتها التي تزينت بإسم حازم بمجرد شرائها لم  
يتبقى سوى أن تنقلها من اليد اليمنى لليد اليسرى وقد إقترب الموعد  
فغداً سيكتب كتابها وستصبح زوجته لتتم الدخلة بعدها بأيام .....

هاتفها حازم قبل ان تترك العيادة كعادته كل يوم .....

حازم : حبيبي خلصتي شغل

سارة : اه من شوية وحاروح دلوقتي

حازم : طمني عليكي لما توصلي البيت

سارة : حاضر

حازم : إوعي تكوني ناوية تنزلي الشغل بكرة

سارة : بكرة الجمعة



وقت واحد .....بتطريز بسيط في الجزء العلوي  
وإنسياب رائع من قماش الساتان والتل بدت كالأميرة خطفت نظر  
حازم بمجرد رؤيتها حتى وهو يقول كلماته وراء المأذون لم يحيد  
نظراته عنها .....كان يشعر أنه في عالم منفصل عن كل  
من حوله لم يعد إليه إلا على صوت الزغاريط وتهنئة الأقارب  
.....جلست العروس بجانبه وبدأت الموسيقى وأغاني  
الزفاف تغطي على صوت الجميع .....أمسك بيدها وقربها إلى  
فمه ليقبلها غير مبالياً بأحد فهي زوجته الآن نظرت له سارة في خجل  
وعتاب .....ابتسم لها وقال بصوت هادئ : مبروك يا  
حبيبتى

سارة : الله يبارك فيك

حازم : لا ماينفعنيش الكلام ده .....الله يبارك فيك يا حبيبي

سارة : خلاص بقة يا حازم

حازم : كده طيب لو مقولتيهاش دلوقتي حاقوم أبوسك وقدامهم كلهم

سارة : حازم مينفمش كده

حازم : ها حتقولي ولا أبوس إنتي عارفاني مجنون وأعملها

سارة : خلاص خلاص .....الله يبارك فيك يا حبيبي

حازم : أيوه كده عالم ماتجيش إلا بال.....مع إن كان نفسي

ماتقوليهاش

إبتسمت سارة ثم إنشغلت بتلقى التهاني من الأقارب والأصحاب همس

حازم في أذنها بعد فترة وقال : بقولك إيه أنا زهنت من الجو ده

سارة : مش فاهمه حنعمل ايه

حازم : عمي ممكن أطلب منك طلب

ممدوح : إتفضل يا حازم

حازم : أنا بصراحة عامل لسارة مفاجئة بسيطة كده وعازمها على

العشا في مكان ده بعد إذنك طبعاً

ممدوح : اه دننا مش بتضيع وقت كتبت الكتاب وخلاص بقه عايز  
تخرج براحتك ..... ههههههههههههه متقلش موافق طبعاً بس  
متأخروش

حازم : لا لا متقلش خالص حرجعها النهارده

فريدة في لوم : حازم

حازم : يا ماما بهظر ولا عايزة تيجي معانا

شيماء : أنا عايزة أجي ولا أديك زوما

حازم : يلا يا سارة علشان لو إستئينا أكثر من كده مصر كلها حتيجي  
معانا

إستقرت سارة في السيارة بجانب حازم الذي كان يبدو هو أيضاً في  
قمة وسامته وأناقتة نظر له نظرة قوية زادت من نبضات قلبها ثم قال  
: عاملك مفاجئة قمر زيك

سارة : بجد إيه هي بقه

حازم : اصبري كلها شوية وتعرفي

بعد حوالي نصف ساعة وصلت سارة وحازم إلى أحد الفنادق الشهيرة  
على البحر ..... إستقبلوه في الفندق بحفاوة بعبارة : كل حاجه  
جاهزة يا فندم

كان يمسك بيدها وهي تتحرك معه لا تعرف أين هي ذاهبة حتى  
وصلوا إلى الشاطئ وهناك وجدت مائدة صغيرة تزينت بضوء بسيط  
من مصباح رقيق الشكل في منتصفها ..... سحب حازم المقعد  
لأميرته بلباقه وجلست وهي منبهرة ..... فلم يكن هناك أحد  
على الشاطئ سواهم وكان هذا المكان أعد خصيصاً لهم



!!!! رقصة إيه

حازم : النهارده بقيتي مراتي وأنا عايو أرقص معاكي وأحتفل بده  
سارة : كده من غير موسيقى

حازم : إنتي مش سامعه صوت البحر ولا إيه ده أحلى موسيقى  
قامت سارة ووضعت ذراعها على كتف حازم بخجل ..... أما هو  
فأمسك خصرها بكلتا يديه ثم ابتسم لها وقال : مكنتش أعرف إنك  
عصفورة قوي كده أنا حاسس إنني لو شديت عليكى حتتكسري مني  
نظرت سارة للأرض ولم تجبه ولكنه إستمر بالرقص معها على أنغام  
أمواج البحر ونظراته لا تحيد عنها ..... كانت تشعر أن  
قلبها كقطار مصرع وكان دقاته طبول سيسمعها الجميع إقترب منها  
في ثقة فحاولت الإبتعاد عنه ولكنه قربها إليه بقوة إصرار ليسرق  
منها أول قبلة ..... علم منها مدى خجل زوجته وعلمت هي أنها  
ليست أول قبلة له بالتأكيد .....

ويشاء القدر أن يكون يوسف في نفس الوقت جالساً بشقة العائلة  
القديمة التي أغلقت بعد وفاة والدته ..... نظر يوسف لصورة  
أمه وتذكر وفاتها قبل نزوله هو وصوفيا لمصر بشهر واحد قال وهو  
يحدث صورتها : كان زمانك يا ماما فرحانه بحفيدك اللي جاي في  
السكة .....

نظر حوله وبدأ في ترتيب الأوراق بالمكتب حيث يحتاج لبعض  
العقود القديمة وفي الظلام لفتت نظرة رزمة من الجرائد كانت تبدو  
كالجديدة بمجرد رؤيتها تذكر على الفور الجريدة التي كان قد إعتاد  
شراءها قبل ذلك ..... يبدو أن أمه حافظت على عادته وكانت  
تواظب على شرائها أيضاً ولكن يبدو أنها لم تكن له طاقة لقراءتها  
فقط إحتفظت بها ..... بدأ يوسف يتصفح إحدى الجرائد  
المكدسة وهو يتذكر والده الذي كان مواظباً على قراءتها كلها

..... كان ينظر للعناوين سريعاً حتى وجد ما جعل عيناه تبرقان  
من الصدمة وهاهو يتكرر في كل الأعداد.....إعلان يُنشر منذ  
خمس سنوات .....إرجعلي .....سارة .

## الفصل الرابع والعشرون

كانت سارة قد أنهت عملها لتوها ثم إتصلت بحازم على هاتفه .....  
سارة : ها خلصت شغلك

حازم : اه ناقص حاجه بسيطة .....خلصتي ؟

سارة : لسه حالاً .....حتعدي عليا ولا أروح

حازم : تروحي فين .....جاي هو أنا بكرة حاعرف أشوفك

سارة : يعني هو إنت حتبقى فاضي مش حتعمل حنة

حازم : لا هما طبعاً عايزين يعملوا

سارة : وإنت مش عايز

حازم : لو عليا أنا عايز أجي الحنة بتاعتك

سارة : لا خلاص تعال دلوقتي بقه

حازم : خلاص مسافة السكة وحاكون عندك

أغلقت سارة الخط وإبتسمت وهي تنظر للدبلة في أصبعها فبعد يوم

من الآن ستنقل الدبلة لليد الأخرى وستصبح زوجة لحازم

.....دخلت عليها الممرضة في هذا الوقت وهي تقول : خلاص

يا دكتورة مفيش كشوفات تانية

سارة : طيب خلاص روعي إنتي

الممرضة : حضرتك مش محتاجاني في حاجه

سارة : لأ يا نهى روعي أنا شوية وهامشي

وهكذا شغلت سارة نفسها ببعض الكتب أمامها وهي في إنتظار حازم  
.....سمعت وقع خطوات تقترب من الغرفة فنظرت نحو الباب  
بإبتسامة منتظرة طلته .....إبتسامة هربت من وجهها بمجرد  
رؤيتها للقادم .....يوسف  
أصابها الوجود عندما رآته .....ما الذي جاء به الآن  
.....ماذا يريد .....

نظرت له وعلى وجهها علامات من الدهشة والغضب أما هو فدخل  
وأغلق باب الغرفة خلفه مما جعلها تقوم على الفور من على مكتبها  
ولكنه قام بإلقاء بضعة جرائد على المكتب فنظرت لها وهي تقول :  
في إيه

يوسف : ليه مقولتيش

سارة : نعم !!!!!

يوسف : ليه مقولتيش إنك كنتي مستنياني يا سارة

سارة : إنت جاي دلوقتي علشان تقولي ليه ماقلتليش إنك كنتي  
مستنياني يا سارة !!!!! ههههههههههه لا بجد

يوسف : للدرجة دي كلامي بيضحك

سارة : للأسف مابيضحكش .....إفرض إني كنت مستنياك  
كان إيه الفرق يعني كنت حتلغي إنك إتجوزت .....خفيت وكملت  
حياتك ولا أكني كنت موجودة أصلاً

يوسف : لأ بالنسبة ليا يفرق يا سارة

سارة : وبالنسبة ليا ميفرقش لإني دلوقتي مكتوب كتابي وفرحي بعد  
بكرة

كانت كلمات سارة كوقع الصدمة على يوسف كان يعرف أنها  
مخطوبة كما أخبرته ولكنه لم يتوقع أن تتزوج بتلك السرعة

.....وفي تلك اللحظات كان حازم قد وصل للعيادة وإقتررب  
من المكتب ليفتح الباب إلا أنه إستوقفه سماع صوت قوي  
.....صوت رجل وهو يقول .....

يوسف : إتجوزتية ليه يا سارة .....ليه بسرعة كده  
سارة : ده شيء ما يخصكش

يوسف : إتجوزتية لما عرفتي إني إتجوزت .....صح  
سارة : لغاية كده ومعديش كلام أقوله

يوسف : سارة أنا عارف لأ أنا متأكد إنك لسه بتحبيني .....لو  
لسه بتحبيني متكمليش الجوازة دي .....أنا مستحيل أتخلي عن  
حد حبي الحب ده كله

سارة : إيه إنت بتقول إيه !!!!  
يوسف : اللي سمعته

سارة : يا سلام إنت مش واخد بالك إن كل قراراتك بتأخذها لوحدك  
.....لوحدك قررت إنك تسافر ولوحدك حملتني ذنب وعاقبتني  
عليه ولوحدك قررت إني مش مذنبه ولوحدك قررت إن متستغناش  
عن حد بيحبك كده .....كل خاصة خاصة بيك إنت .....إنت  
وبس

يوسف : سارة أنا لسه بحبك وإنتي لسه بتحبيني .....سارة انا  
عرفت كل حاجه  
سارة : وعرفت إيه بقه

يوسف : عرفت إنك إتصلتي ولغيتي تنزيل الإعلان بس قبل ما  
أشوفك بأسبوع .....واضح إنك وصلت وقتها معلومة جوازي  
وعرفت إنك إتخطبتي رسمي بعد ما جيتك هنا مش قبل يا سارة  
.....سارة متضحكيش على نفسك تصرفاتك كانت رد فعل  
مش فعل

سارة : وبعدين تفكر الحل من وجهة نظر سيادتك إيه بعد المعلومات  
الجامدة اللي إنت وصلتها دي

يوسف : تختاري يا سارة .....ياختاري الحب يا تختاري العند

سارة : خلاص وقت الإختيار فات يا يوسف واللي إختار إنت مش أنا

يوسف : يعني ده آخر كلام عندك

سارة : معنديش غيره وياريت حضرتك تمشي دلوقتي لإن جوزي

زمانه جاي

يوسف : ماشي يا سارة .....بس أنا متأكد إننا حنتقابل تاني

وكان هذا ما استمع إليه حازم من الحوار ثم إنزوى بجانب الغرفة  
وإختفى في الظلام ليرى وجه يوسف ويصاب بالدهشة عندما يكتشف  
أنه زوج صوفيا .....

لم يشعر حازم بنفسه إلا وهو يقود سيارته بأقصى سرعة مبتعداً عن  
المكان .....كان عقله مشلولاً لا يستطيع التفكير لا يتذكر سوى  
الكلمات بينها وبين يوسف كلمات من نار ..... "خلاص وقت  
الإختيار فات يا يوسف واللي إختار إنت مش أنا "

إذن فقط تزوجته لأن حبيبها تزوج .....حبيبها ليس زوجها  
.....شعر بالغضب منها ومن نفسه رأى نفسه ضعيفاً ربما  
لأول مرة يشعر بهذا الضعف .....نظر لهاتفه فوجدها تتصل  
مرة وإثنان .....استجمع قواه ورد عليها في النهاية .....

حازم : الو

سارة : ايه يا حازم إتأخرت ليه

حازم : مش حاعرف أعدي عليكى جالي عميل أخرني

سارة : خلاص أوكيه مش مشكلة حابقى أكلمك بالليل

حازم : أوكيه .....سلام

سارة : حازم صوتك ماله في حاجه  
حازم : مفيش تعبان بس شوية لازم أروح أنام  
سارة : خلاص يا حبيبي ألف سلامة عليك  
حازم : الله يسلمك

أغلقت سارة الهاتف كانت تشعر حقاً من الغضب من ظهور يوسف  
وتمنت لو أنها رأت حازم في هذا الوقت .....حاولت أن لا  
تفكر وعادت للمنزل سريعاً .....

في المساء حاولت سارة الإتصال بحازم ولكنه لم يجب فظنت انه خلد  
للنوم لم تكن تعلم أنه كان ينظر لإسمها على الهاتف ولكنه لم يجب  
.....كان لا يستطيع محادثتها .....لم يستطع النوم أيضاً  
فمحادثة سارة ويوسف بين كلمات الحب من يوسف واللوم من سارة  
والباب المغلق على زوجته مع غريب كان كل ذلك كالنار الحارقة في  
قلبه .....قضى ليلة سيئة مليئة بالأفكار وكان أول شيء فعله  
في الصباح الباكر الإتصال بالمكتب .....

حازم : الو

عايدة : ايوه يا بشمهندس

حازم : عايدة ادخلي مكنتي اول درج حتلاقي كارت بإسم واحد إسمه  
يوسف مش فاكر يوسف إيه تاخدي الكارت وتبعتي دعوة فرح على  
العنوان اللي فيه تمام

عايدة : حاضر يا بشمهندس

حازم : حالاً يا عايدة الدعوة دي لو موصلتش حار فذك تبعنيها مع  
الفراش فاهمه

عايدة : حاضر .....حاضر يا بشمهندس

أغلق حازم الخط ثم خلد للنوم فقد ظل مستيقظاً طوال الليل  
.....وفي منزل سارة إحتفلت سارة بحتنها مع الأصدقاء  
والأقارب .....رسمت الإبتسامة على وجهها محاولة نسيان  
تلك المقابلة مع يوسف لم يكن يورقها سوى إختفاء حازم فلم تعتاد  
على بعده فدائماً ومر اليوم سريعاً وانتظرت مكالمة من حازم في  
المساء ولكنه لم يتصل شعرت بالقلق لهذا التغير وزاد قلقها عندما لم  
يجب على هاتفها فهرب النوم من عيناها وظلت تفكر في سبب هذا  
التغيير ولكنها لم تكن تتوقع الذي حدث من إستماع حازم لحديثها مع  
يوسف .....رن هاتفها أخيراً وعلى الرغم من أن الوقت كان  
متأخراً إلا أنها كانت مستيقظة وردت على الفور ....

سارة : أيوه يا حازم

حازم : إيه ده لسه صاحبة لدلوقتي

سارة : مش جالي نوم وقلت خليني صاحبة جايز تتصل

حازم : يا سلام كنتي مستنياني

سارة : اه مش متعوده نقعد فترة كده منتكلمش

حازم : معلىش .....بتحصل

سارة : لسه تعبان

حازم : لا لا بقيت كويس حتى خرجت سهرت مع صحابي

سارة : تمام .....أنام بقه لحسن بكرة أبقى عروسه بهالات سودا  
من قلة النوم

حازم : عندك حق .....خلاص تصبحي على خير

سارة : وإنت من أهله يا حبيبي

أغلق حازم الهاتف ثم نظر لدبالتها في يده وهو يفكر فيما ينوي فعله

.....هل أصبح يكرهها الآن .....أم أنه في تلك الحالة

لأنه ما زال يحبها .....

جاءت ليلة الزفاف ..... كان سارة تبدو في قمة جمالها  
وهي تطل بفستانها الأبيض ..... تمسك بذراع والدها منتظرة أن  
يُسلمها لزوجها ..... وقف حازم ينظر لزوجته وهي تتقدم نحو  
على أنغام موسيقى الزفاف وعلى وجهها ابتسامة لا يعد يعلم هل هي  
صادقة أم مجرد واجهة أمامه وأمام الناس تخفى بها محتوى قلبها  
الحقيقي ..... تأبطت ذراعه ودخلوا سوياً القاعة وسط  
تحية المعازيم ..... وكان هو يجلس بينهم يحيط زوجته  
بذراعيه وينظر نحوها في دهشة ..... يبدو أن الأيام ستقرب  
بينهما بأسرع مما كان يتخيل .....

كان لم يزرح نظره عنهما في البداية لم تلاحظه سارة لكن حازم رآه  
..... كان ينظر نحوه بنظرات نارية ربما لو خلت القاعة من  
الناس لقتله على الفور ..... حاول حازم التحكم بنفسه  
ومشاعره أمام الناس ولكن عندما إقترب يوسف وصوفيا من  
العروسين للمباركة ..... عندها من كان ينظر لحازم  
ونظراته المرتكزة على سارة لمراقبة ردة فعلها سيعلم على الفور أن  
هناك حملاً ثقيلاً يحمله هذا الرجل ولا يستطيع البوح به  
لأحد ..... هناك غضباً شديداً ربما لو أطلق له العنان لإحترق  
الجميع بناره .....

صوفيا : مبروك

حازم : الله يبارك فيكي ..... أعرفك يا سارة مدام صوفيا  
عميلة عندي في المكتب

سارة : الله يبارك فيكي ..... فرصة سعيدة

يوسف وقد إقترب منهم هو أيضاً : مد يده وصافح حازم ثم مد يده  
ليصافح سارة التي لجمتها المفاجئة فمرت لحظات قبل أن تمد يدها

لمصافحته وهو ينظر لها في تحدي ويقول : مبروك  
حازم : أعرفك يا سارة .....أستاذ يوسف جوز مدام صوفيا  
سارة وقد خرجت الكلمات من فمها بصعوبة بالغة : أهلاً  
.....فرصة سعيدة

إنسحب يوسف وصوفيا وحازم نظراته مرتكزة على زوجته ولكنها لم  
تكن نظرات عشق تلك المرة كانت نظرات زوج غاضب  
.....غاضب جداً

وهكذا مرت ليلة الزفاف وصعد العروسين لغرفتهما بالفندق لقضاء  
ليلة العمر كما يقال .....ولكن هل ستكون حقاً ليلة العمر  
فسارة بعد رؤية يوسف شارده يدور بعقلها مئات الأفكار وتقلقها  
المخاوف من القادم .....

جلست ساره على الفراش في توتر .....جلس حازم بلامبالاه  
جانبها وخلع حذائه ثم قام بخلع ربطة عنقه التي كادت أن تُشعره  
بالإختناق نظر نحوها بقوة فنظرت له مبتسمة وقالت : مبروك يا  
حبيبي

ظل حازم ينظر نحوها دون أن يتحدث في البداية شعرت سارة  
بالخجل توقعت منه أن يبادر على الفور بالإقتراب منها ولكن نظرتة  
كانت مختلفه نظرت نحوه في دهشة وتابعت : مالك يا حازم  
إبتسم .....إبتسامه ساخرة ثم ضحك وهو ينظر للأرض لينظر  
لها بعدها بغضب شديد وملامح ربما لأول مرة تراها على وجهه كان  
الغضب يتطاير من عينه وقف ليباعد عنها ثم قال : مالي  
.....بتسأليني مالي .....اقولك يا عروسة  
.....معلش أصلي مش متعود على وجود مراتي وحب عمرها في  
مكان واحد .....قدامي

سارة وما زالت لم تستوعب بعد : إيه !!!!

حازم : يوسف حبيب القلب نسيتيه ولا إيه

سارة وقد وضعت يدها على قلبها من شدة الصدمة : إنت تعرف  
يوسف

حازم : الحقيقة محصليش الشرف كان مجرد عميل عندي هو والمزة  
اللي معاه ..... حلوه على فكرة ..... أحلى منك

قال ذلك ليغضبها ..... ليجرح الأنثى بداخلها ولم لا فقد جرحت  
الرجل بداخله بل مزقته بسكين .....

تابع حازم : بس لفضلك بقه عرفته وعرفته كويس

سارة وهي غاضبة : في إيه يا حازم إنت عارف حكاية يوسف  
وسألتني عنها مادام مش ناسيها وعاملالك مشكلة إتجوزتني إيه

حازم : صح بس سألتك وقتي ماضي وقتلك ميهمنيش يهمني  
الحاضر والمستقبل أكون انا الراجل الوحيد في حياتك مش زوج على  
الهامش تنسي بيه حب البيه ولا تغيظي بيه البيه نفسه

سارة : إنت بتقول إيه

حازم وقد علت نبرة صوته وبدت عينيه جاحظة من الغضب : بقول  
اللي سمعته يا هانم ..... لما مراتي كان مقفول عليها باب  
الأوضة مع راجل بيقولها كلام حب وغرام وبدا ما تطرده وقفت تلوم  
وتعاتب وتقوله إنت اللي إخترت مش أنا صح يا سارة هو اللي إختار  
مش كده

شعرت سارة بصدمة شديدة مما سمعته شعرت أن لسانها يعجز عن  
النطق وإن نطق فماذا يقول ..... تابع حازم وقد إستبد به  
الغضب وضغط بقبضة يديه على مقبض النافذة بقوة : قالك الحقيقة  
وماقدرتيش تنكريها ..... أبقى راجل ..... لأ مابقاش راجل  
لو خايتك على ذمتي ولا إيه ..... إنطقي

سارة وقد عاد لها نطقها اخيراً : وليه كملنا ليه عملت الفرحة  
..... ليه ماواجهتنيش ..... مدام شايفني شيطان كده ليه  
كملنا ..... ليه

حازم : علشان يا هانم مش أنا الراجل اللي يسبب مراته قبل الفرحة  
بيوم ..... فاهمة يعني أطلقك قبل الفرحة بيوم وماقدرش أطلقك  
دلوقتي ..... مش علشانك علشان أبوكي الراجل المحترم لكن  
إنتي بالنسبة ليا خلاص إنتهيتي ..... خليك بقه قضي بقيت  
عمرك تجري ورا البيه جايز يتعطف ويتجوزك على مراته  
.....

قال حازم جملته الاخيرة وترك الغرفة ليغلق الباب خلفه بقوة ويقضى  
ليلته على الأريكة في الغرفة الأخرى داخل الجناح .

## الفصل الخامس والعشرون

وجدت نفسها وحيدة في الغرفة ترتدي فستان زفافها بعد خروجه  
غاضباً ..... خلعت طرحتها في غضب ..... نظرت  
لنفسها في المرآة وهي تردد كلمة واحدة ..... غبية  
.....

حاولت التماسك ولكنها لم تستطع جلست على الأرض وبكت بحرقة  
كانت تضع يدها على فمها حتى لا يخرج صوتها ..... كان  
تبكي بحرقة حتى عندما سافر يوسف لم تبكي بتلك الطريقة

لا تعرف كم مر من الوقت فلم تدر إلا وهي تستمع لأذان الفجر قامت وهي تجر فستانها الثقيل بصعوبة ثم خلعتة وإستسلمت لدش دافئ ثم توضئت وبدأت تصلي ودموعها ما زالت تنهمر وهي تدعو الله أن يفرج كربها ..... شعرت بالهدوء والسكينة وهي تجلس على سجادة الصلاة ..... كانت تتذكر المقابلة بينها وبين يوسف ..... كانت غاضبة من ظن حازم بها ..... كانت غاضبه من نفسها لأنه ربما له كل الحق في هذا الظن ..... كانت تشعر بالألم والحيرة والغضب والخجل مشاعر متعددة ومتناقضة كانت تعبث بعقلها وقلبها ..... هل تخدع حازم حقاً أم تخدع نفسها ..... هل ما زالت تحب يوسف ولم تعشق حازم يوماً أم أنها تقف كالحمقاء في منتصف الطريق ..... فلقد توقف الزمن عندما مر يوسف ليخرج من الباب ودخل حازم فأصبحت تقف أمام كلاهما ..... ويبدو أنها ستفقد كل شيء .

إستسلمت للنوم على سجادة الصلاة لم تقترب من الفراش ظل مرتباً بوروده الحمراء والعروس نائمة على الأرض والعريس إستلقى بجسده على الأريكة وقد خلع قميصه فأصبح عاري الصدر ونام على هذا الوضع .....

إستيقظت سارة وقد وجد شعاع الشمس للغرفة طريفاً ..... نظرت حولها وكأنها تسترجع ما حدث بالأمس ..... كان السكون هو سيد الموقف ..... فكرت أن حازم ربما مازال نائماً بالخارج أو خرج وترك لها المكان ..... إتجهت لدولاب ملابسها ونظرت نحو الملابس المصفوفة حيث كان أغلبها من قمصان النوم التي ربما تكشف أكثر مما تخفي ..... إختارت سروالاً أنيقاً باللون البيج وقميصاً حريراً أبيض اللون وإرتدهم ثم قامت برفع شعرها ..... كانت سارة جميلة ذات شعر كستنائي اللون يتميز بنعومة

فائقه ويعطي رونقاً جميلاً على مظهرها خاصةً مع عيونها ذات اللون العسلي.....فضلت أن تجمع خصلات شعرها برباط أنيق بدلاً من أن تطلق له العنان.....خرجت من الغرفة فوجدت حازم ينام على الأريكة على ظهره بطريقة عفوية كالأطفال.....شعرت بالخلج عندما وجدته ينام نصف عارياً وهمت للعودة للغرفة مرة أخرى ولكنه تحرك وفتح عينيها ليجدها أمامه.....نظر لها بدهشة في البداية ثم أشاح بوجهه عنها وقال بلامبالاة : صباح الخير سارة : صباح النور

حازم : صاحبة بقالك كثير

سارة : نص ساعة

حازم : طيب أنا حاقوم آخذ دش على بال ما تطابي الفطار

سارة : أوكيه

قام حازم متثاقلاً ليدخل للغرفة حتى يغير ملابسه ويأخذ حماماً سريعاً.....كانت ما زالت واقفة عند باب الغرفة تحركت من مكانها حتى يستطيع المرور ولكنه وضع يده أمامها لتعترض طريقها قبل أن تمر وقال : أنا حاكم شركة السياحة ألغي الحجز.....أعتقد ملوش لازم شهر العسل دلوقتي

نظرت سارة نحوه بغضب ثم قالت : اللي إنت عايزه إعمله

تركها ودخل للغرفة وعندها لاحظ أن الفراش ما زال كما هو ففهم أن ربما ليلتها كانت أسوء من ليلته ولكنه لم يتعاطف معها فهي في نظره ربما تستحق ما هو أسوء.....

خرج حازم من الغرفة وقد إرتدى سروالاً من الجينز وقميصاً فاتحاً ليجد سارة تتصفح الجريدة بلامبالاه على مائدة الإفطار وجلس وقال لها وهو يسكب لنفسه القهوة : إحنا حنبات الليلة دي كمان وبعدين نرجع على البيت حتحجج إني عندي شغل مهم وعلشان كده لغيت

شهر العسل وإهي تبقى حجة تتحجج لباباكي بيها بعد كده لما يتم  
الطلاق

لم تجبه سارة ظلت تتصفح الجريدة دون أن تلمس الطعام أما هو  
فتناول إفطاره بشهية فقد شعر بالجوع فمذد الأمس لم يتهنى بوجبة  
.....أنهى إفطاره ثم قال لها : أنا خارج حاكلم الشركة وأنا بره  
.....أغلق الباب خلفه وعندها تركت سارة لدموعها العنان فهي  
لم تشأ أن تظهرها أمامه حتى لا يظن أنها تستدير عطفه  
.....نظرت للطعام أمامها فلم تستطع الإقتراب منه  
.....اخرجت الطاولة خارج الغرفة في غضب وفكرت جدياً في  
الرحيل .....

ظل حازم يقود سيارته دون هدف .....إتصل بشركة السياحة  
لإلغاء الحجز ثم إنطلق بأقصى سرعة لا يرى أمامه سوى البحر حتى  
وصل لشاطئ بعيد يكاد يكون مهجوراً لا يوجد عليه من البشر سوى  
بعض الصيادين البسطاء وبائع فقير يشوي القليل من السمك  
.....جلس بملاسة على الرمال ثم أسند ظهره عليها وظل ينظر  
نحو السماء الصافية لا يستمع سوى لصوت أمواج البحر  
.....كانت عنيفة وكأنها تعبر بقوة عما بداخله .....ظل بتلك  
الحالة لساعات يفكر في كل شئ منذ قابلها .....شعر وكأن رأسه  
سينفجر من كثرة التفكير لم يخرج من أفكاره سوى صوت البائع  
البسيط الذي إتجه نحوه وهو يحمل ورقة عليها بعض السمك المشوي  
الطازج ويقول : بسم الله يا باشا

حازم : متشكر يا حاج انا مطلبتش سمك

البائع : عارف يابني ومش عايز منك فلوس والله انا عازمك

حازم : عازمني !!!!

البائع : اه عازمك ايه مش قد المقام

حازم : لا يا حاج مش قصدي والله

البائع : هو فيها حاجه لما أشوفك من ساعات قاعد البحر ومكلتش حاجه واعزمك على لقمة

حازم وهو ينظر للرجل متعجباً : انا متشكر ليك يا حاج إنك فكرت فيا

البائع : ماتستغريش يا بني أصلك فكرتني بالغالي آخر مره شفته كان قاعد نفس قعدتك دي

حازم : الغالي !!!!!

البائع : إبني حسام ..... الدنيا إنفقلت في وشه وهج زي اللي هجوا ومن ساعتها مارجعش

حازم : راح فين

البائع : مش عارف بيقول إيطاليا

حازم : ربنا يجيبهولك بالسلامة يا حاج

البائع : كل يا بني السمك ده وبعدين تغسل إيدك في مية البحر وتروح الجامع اللي هناك ده شايفه

حازم : شايفه

البائع : تصلي ده الظهر أذن والعصر أذن وأنت قاعد قعدتك دي ..... صلي يا بني وإدعي ربك حتى لو مشكالك متحلتش صدقني  
حترتاح

إبتسم حازم للعجوز الطيب وأخذ منه ورقة السمك وقال : حاكل بس بشرط تقعد معايا تفتح نفسي مش إنت عازمني يبقى لازم تاكل معايا  
إبتسم له البائع العجوز وجلسوا سوياً وشعر حازم أن هذا السمك ربما أذ سمك تذوقه في حياته ثم إتجه بعدها للمسجد وصلى فرضه وجلس يقرأ القرآن لينعم بفترة من الهدوء كان يحتاجها عقله وقلبه وجسده

.....

عاد للفندق وقد أصبح أهدى من السابق وصل للغرفة فوجد سارة قد  
إستغرقت في النوم أمام التلفاز .....كانت تبدو جميلة حتى وهي  
نائمة .....رأسها مستند على الأريكة وقد غضت بعض  
الخصلات من شعرها الكستنائي وجهها .....ظل ينظر نحوها ملياً  
.....فهي عروسه التي لم يقترب منها .....كرجل يود أن  
يحملها إلى فراشه في الحال إلى فراشه ورجولته أيضاً هي التي تمنعه  
من فعل ذلك !!!!!!!

نادى عليها بهدوء لتستيقظ : سارة .....سارة  
فتحت سارة عيناها فوجدته يقف أمامها قامت على الفور وسألته : هي  
الساعة كام ؟

حازم : حوالي تسعة

سارة : ياه

حازم : نائمة بقالك كثير

سارة : ممكن ساعتين .....عندئذك

حازم : إتفضلي

وقفت سارة لتدخل لغرفتها أوقفها قبل أن تذهب وقال : إتعديتي .....

سارة بعد تردد : اه كلت طلبت روم سيرفيس

حازم : أوكيه

هربت سريعاً للغرفة ولكن ملامح وجهها جعلته يشعر أنها لم تذق  
شيئاً منذ الصباح .....إتصل حازم بخدمة الغرف ليتأكد من من  
أنها طلبت طعاماً

حازم : الو .....لوسمحتي ايه هنا في غرفة ٣٠٣ طلبنا أكل بس

ماجاش مش عارف الأوردر كان في غلط ولا ايه

الموظفة : إمتى يا فندم

حازم : مش عارف مراتي هي اللي طلبت بس أكيد النهارده يعني

الموظفة : لا يا فندم محدش عمل أوردر النهارده خالص من الغرفة دي

حازم : طيب ممكن أطلب دلوقتي

الموظفة : طبعاً يا فندم

حازم : عايز واحد ميكس جريل وعصير برتقال

موظفة : حاضر يا فندم عشرين دقيقة ويكون عند حضرتك

وبالفعل كانت سارة قد بدأت تشعر بفقدان القوة فهي لم تذق شيئاً منذ الصباح.....زلم ينقذها سوى طرقات الخفيفة على الباب فتحت لتجده يقف أمام طاولة الطعام ويناولها طبقاً من المشويات وكوباً من العصير ويقول : طلبت ليكي عشا.....حاولي تاكي حاجه شكلك تعبنا واحنا بكرة راجعين على البيت ومش عايز حد ياخذ باله لو سمحتي.....كفاية الفضول اللي حنشوفه في عينيهم والأسئلة اللي حنسمعها منهم علشان لغينا شهر العسل

سارة : عندك حق.....أخذت سارة منه الطعام وحاولت ان تبتلع بعضاً منه حتى لا تسقط مغشياً عليها في النهاية.....

## الفصل السادس والعشرون

حدث ما توقعه حازم.....إستقبلتهم فريدة بنظرات الدهشة والأسئلة التي لا نهاية لها عن سبب التأجيل

حازم : خلاص يا ماما قلتك إترنقت في الشغل

فريدة : يا بني شغل إيه اللي يخليك تلغي شهر العسل

حازم : عملية كبيرة أنا إتشغلت بالجواز ونسيت المواعيد ولازم أكون موجود وأتابع بنفسي

فريدة : حاقول إيه معلش يا سارة  
سارة : يا طنط عادي مفيش حاجة.....ماهو برده في اولويات  
حازم : طيب يا ماما إحنا طالعين فوق بقة نرتاح شوية  
فريدة : ماشي يا حبايبي إرتاحوا لغاية ما أحضرلكم الغدا  
حازم : متتعيش نفسك إحنا حنتصرف  
فريدة : يابني دي عروسة يعني مفيش شهر غسل وكمان حتخليها  
تطبخ.....ايه يا واد مالك  
حازم : خلاص خلاص مش حاخلص انا  
فريدة : سارة حبيبتى أنا زي ماما يعني تيجي تشتيكيلى منه  
سارة : طبعاً يا طنط حضرتك زي يا ماما انا حاغير هدومي وانزل  
اساعد حضرتك  
فريدة : لا ياستي مش محتاجه مساعدتك النهارده خليكى مع جوزك  
ولا إنتي بقة زعلانه منه ومصدقني  
عندها فهم حازم قصد أمه وتوقعه لحدوث بعض المشاكل وخطتها  
لمعرفة ماذا حدث فأمسك بيد سارة وإتجه للأعلى وهو يقول : سلام يا  
ماما.....نشوفك على الغدا

كانت الشقة تحتوي بالطبع على غرفة نوم واحده عندها دخل حازم ثم  
نظر لها وقال : انا مش عايز حد يلاحظ حاجة هدومي وكل  
احتياجاتي في الاوضة هنا لكن ساعة النوم حنام في الليفنج  
سارة : على فكرة ممكن تنام في أوضتك براحتك وانا حنام في الليفنج  
نظر لها بحنق دون أن يجيب ثم إستلقى على الفراش بملابسه وقال :  
أنا فعلا حنام على السرير دلوقتي لإن ضهري وجعني بس بالليل  
الاوضة بتاعتك

سارة بغضب : أوكيه

حازم : طيب إظفي النور بقه وإقفلني الباب وراكي

خرجت سارة وأغلقت باب الغرفة خلفها ..... ظلت تنظر

لمحتويات شقتها لقد إختارت هذا الاثاث بعناية مع حازم

.....ماذا حدث .....ماذا تريد .....هل أحبته

أم عشقت حبه وأدمنت إهتمامه .....شعرت أنها بمعضلة

.....ربما هي إذن زيجة خاطئة .....سريعة

.....والإ ماذا هل ستحاول إسترجاع حبه .....هل

يستحق الامر هذا العناء .....ربما لا فقلبها لم يعد يحتمل الآلام

.....ببساطة لم يعد يحتمل .....هي مضطرة للإنتظار

.....مثله تماما

أسندت ظهرها للأريكة وهاتفت أمها لتخبرها بعودتها

.....حاولت أن لا تجعلها تشك بشئ .....زهو مجرد

شهر غسل مؤجل ليس أكثر .

على الغداء جلس كل من حازم وسارة وفريدة ومحمد

.....اعدت فريدة طعاماً شهية ولم تنسى بالطبع الحمام وجبة

إبنها المفضلة .....نظر حازم لزوج الحمام أمامه وإبتسم

بسخرية ولسان حاله يقول .....فاهمة غلط يا فريدة معذورة

متعرفيش حاجه ثم نظر لأمه وقال بصوت عالٍ بعض الشئ : لحقتي

تعمليه إمتى ده

فريدة : كل وإنت ساكت هو اكل وبحلقة

حازم : حاضر حاكل وأنا ساكت

فريدة : كلي يا سارة ولا مابتحبيش الحمام

سارة : لا باكله يا طنط بس بصراحه عمري ماكلته بالطعم ده في حته

.....يعني بجد فوق الوصف

فريدة : خلاص مادام عجبك كده حابقة أقولك على طريقته  
سارة : هو الحمام بس انا عايزة طريقة كل حاجه أنا لو عرفت أطبخ  
زي حضرتك حاسيب الطب وابقى شيف محترف

فريدة : ههههههههههه لا مش للدرجة دي

سارة : لا لا حضرتك مش عارفه قيمة نفسك

كان حازم ينظر لهما بحنق فهاهي سارة وأمه يتقربون من بعضهما البعض وهو يعرف أن أمه لن تهذا حتى تعرف عن سر إلغاء السفر هي مازالت غير مقتنعه ولكن كان يبدو عليها أنها حقاً أحببت سارة وتلك إذن مشكلة ستواجهه عند إتمام الطلاق .

عاد حازم للعمل بداية من اليوم التالي.....كانت سارة تشعر بالملل فهي لم تعد لعملها بعد فكرت أن تعود وتشغل نفسها ولكنها كانت غير مستعدة لنظرات الفضول والتساؤلات عن عودة العروس للعمل بتلك السرعة.....فكانت تقضي أغلب النهار مع فريدة تصنع السعادة والإستقرار أما تساؤلنها حتى شعرت فريدة بالنهاية بالشفقة نحوها عندما إستشعرت إهتمام ابنها بالعمل على حساب زوجته وقررت أن توجد حلاً لهذا الموضوع .....أيضاً بتلك الفترة عرفت سارة الكثير عن حازم منذ طفولته حتى الآن شعرت أنها أصبحت تعرفه أكثر وتمنت لو أنها عرفت ما يضايقها ولكن كان كل ما تستمع إليه يثير إعجابها حتى وإن كان شكوى .....كان رجلاً بمعنى الكلمة .....لا يتخلى عن المسؤولية مهما كانت الظروف كيف لها أن لا تحب مثل هذا الرجل .....ماذا كانت ستفعل لو كانت بمكانه ربما لو كانت بمكانه وسمعت حواراه مع حبيبة قديمة لتركته في الحال .....حبيبة قديمة !!!! هل يمكن أن يكون لحازم معشوقة غيرها .....أن تكون زوجته أخرى

..... شعرت .....

في تلك الليلة عاد حازم كعادته في الخامسة تناولوا طعام الغداء مع العائلة ثم صعدوا لشقتهم نظر لها وهي تجلس أمام التلفاز تقلب في قنواته وقال : هو إحنا مش حناكل في بيتنا بقه ولا إيه

سارة : براحتك من بكرة لو عايز

حازم : خلاص أنا حابلق ماما

سارة : تحب أعملك شاي

حازم : لأ تعبان وحنام ..... اه ..... اه

سارة : مالك يا حازم

لم يجيبها هرع لدورة المياه ليفرغ ما في معدته ليعود وبوجه يبدو عليه الشحوب فزعت سارة لرؤيته هكذا إقتربت منه وهو يمدد جسده على الفراش وقالت : حازم مالك حاسس بايه

حازم : عادي وجع بس عند معدتي من فوق تقريبا حموضه محاول أنام شوية

شعرت قلق بالقلق فكان يبدو عليه التعب الشديد دخلت دورة المياه لتكتشف أن قى حازم دموي !!!

هرعت له مره اخرى وكان ما زال يتألم فقام يبيحث عن أدوية مضادة للحموضه إقتربت منه وقالت على الفور : حازم لازم نروح المستشفى

حازم : مستشفى !!!!

سارة : يلا يا حازم متقارحش واضح إن قرحة المعدة تعبتك تاني والمره دي الاعراض أشد أهو يلا

حازم : سارة انا حنام وحاصحي أبقى كويس ..... قال جملته ثم قام بوضع يده على معدته من شدة الألم تركته وإرتدت ملابسها سريعاً ثم



بغضب ثم تركهم وخرج

حازم : إيه ده كان ناقص يضربني

فريدة : انا اللي حضربك لو شفتك ماسك سجارة يا حازم

حازم : خلاص يا ماما في إيه

فريدة : لو إنت مش خايف على نفسك إحنا خايفين عليك ولا مراتك

الغلبانه دي كان وشها مخطوف من القلق عليك

شعرت سارة بالخجل بعد ذكر جملة فريدة وخاصةً بعد نظر نحوها

حازم نظرة قوية فتحجبت بعمل أمر هام وتركت الغرفة على الفور .

مكث حازم بعدها في المنزل عدة أيام للعلاج.....كانت سارة

تعتني به أغلب الوقت .....

إقتربت منه اكثر وإقترب منها.....شعر بالغضب من هذا

التقارب فلن يحن قلبه مره أخرى لها بعدما حدث.....أما هي

فعلت بقوة أنها تحب.....نعم تحبه فهو زوجها وحببيها

.....تتمنى الآن لو لم يظهر هذا ال"يوسف" في حياتها وكان

فقط هناك حازم ليته يعود إليها.....ليتها تمسح تلك المقابلة

بمحماء من حياتها للأبد.....ليت حازم يمحي تلك المقابلة من

ذهنه ويعود إليها عاشقاً كما كان .

عاد لطبيعته وبدأ يتعافى.....كانت الساعة قد قاربت على

التاسعة مساءً.....كان قد إستيقظ لتوه من النوم وجلس أمام

التلفاز وقرر أن يدخل سيجاره بعد طول غياب نظرت له في دهشه

وقالت : إيه ده

حازم : إيه في إيه

تقدمت سارة بجراه لتخطف السيجاره من يده وقالت : إنت بتهرج

سجاير تاني.....حرام عليك نفسك

نظر نحوها بغضب شديد وقام محاولاً أن يأخذ السجائر من يدها بعنف فقالت بغضب : مش حديها لك يا حازم مش حسبيك تأذي نفسك حازم : إنتي صدقتي نفسك ولا إيه ..... إنتي عارفه أنا سايبك على ذمتي ليه ..... لكن في الفتره مالكيش أي حقوق ولا حتى ليكي تقولي أعمل إيه ومعملش إيه ..... فاهمه

كانت كلماته جارحه جعلت دموعها تظهر رغماً عنها وفكت قبضة يداها عن سجائره ..... اخذها من يديها بعنف ثم دخل الغرفة ليغلق الباب بقوة فبكلماته تلك كان يريد أن يوقظ نفسه قبل أن يغرق في الحب مرة أخرى .....

## الفصل السابع والعشرون

لم يخرج حازم من الغرفة إلا بعدها بساعه وجدها تجلس على الأريكة تشغل نفسها بكتاب يبدو ..... أنها لم تقرأ شيئاً من كلماته

.....  
حازم : لو عايز تنامي إتفضلي ..... قالها لها بجفاء وهو يشير إلى الغرفة فقامت على الفور دون أن تنظر نحوه وفي اليوم التالي أعدت له طعام الغداء كعادتها دون أن تنبس بكلمة ..... هو أيضاً خرج منذ الصباح الباكر لعمله وجاء دون أن يتحدث ..... كانت تقف في المطبخ تعد له بعض شرائح الدجاج المشوي والخضار المطهو على البخار ..... منذ مرض حازم وهي تتفنن في إعداد أذ الوجبات من الطعام الصحي لأجله وهي التي لم تكن تمضي في المطبخ أكثر من ثلاث دقائق ربما لإعداد كوب من الشاي ..... وكان حازم يأكل طعامها بشهية على الرغم من أنه نوع من الطعام لم يعتاد عليه ولا يفضله ..... هل هو الحب

.....هل إذا أعدت الزوجة الطعام لزوجها مع لمسة من بهارات  
العشق عندها يصبح أذ طعام أم أن العاشق يعشق كل ما تلمسه يدا  
معشوقته.....كانت الأفكار تدور برأسها ثم ترتطم بآخر جملة  
سمعتها منه.....الجملة التي قذفت في وجهها الحقيقة التي  
فكرت في التغاضي عنها إنها.....إنها زوجة مع وقف التنفيذ لا  
.....بل عاشقة مع وقف التنفيذ .

رتبت السفره بطريقة منمقة ثم نادته ليأكل.....جلس وعندها لاحظ  
أنها لم تضع لنفسها طبق مثل كل مرة نظر نحوها نظرة هادئة تلك  
المره ثم قال : مش حتاكلي  
سارة : أصلي لسه ماجعتش  
حازم : ماينفمش.....أقعدني معايا وكلي على أد نفسك  
سارة : حاضر ثواني حاجيب طبق  
حازم : بعد ما ناكل مش عارف ماما عيزانا ننزل نشرب معاها الشاي  
.....هي شافتك النهارده ؟  
سارة : لأ  
حازم : إممممم طيب ناكل وبعدين ننزل

نزل حازم وسارة فوجدوا فريدة في إنتظارهم وقد أعدت لهم الشاي  
مع بعض قطع الكيك وقالت : إزيك يا سارة  
سارة : تمام يا طنط الحمد لله  
فريدة : الأستاذ ده عامل معاكي إيه مريض مطيع ولا متعب  
سارة : لا بالعكس هو كمان مسؤول وعارف إيه اللي يضره وإيه اللي  
ينفعه  
فريدة : عندك حق.....بص بقه يا أستاذ مسؤول ولاد اختك

خدوا اجازة المدرسة وعايزين نطلع مارينا

حازم : إنتي وشيماء ؟

فريدة : وإنت وسارة

حازم : لا لا طلعيانا من حساباتك أنا مش فاضي خالص

فريدة : بقولك إيه أنا مش باخد رأيك أبوك إنت عارف مش بيستحمل

دوشة العيال .....ده غير إن العيال مش حينبسطوا من غيرك

وقاعدين عاملين فرح حنروح مع خالو حازم حنروح مع خالو حازم

.....والغلبانه اللي جنبك دي مش تنفسح قبل ما ترجع شغلها

الاجازة قربت تخلص

حازم : وأنا برده مش فاضي ورايا شغل

فريدة : خلص اللي تقدر عليه بالتليفون ولو إتزنقت إبقى انزل يوم

وإرجع .....إحترم نفسك بقه ده زوكا حضر المايوه الأحمر

سارة ضاحكة : يا ربي على السكر حبيقي عليه عسل

حازم : خلاص يا ماما حاشوف وأقولك

فريدة في تحدي و غضب : متقولش حاشوف بكرة مسافرين إلا بقه لو

كنت قاصد ومش عايز تسافر

حازم : وانا حاعمل كده ليه يعني خلاص بكرة نساfer أشرب الشاي

بقه ولا لأ

فريدة : إشرب وخذ كيك أهو

حازم : ماشي

في الصباح الباكر تحركوا جميعاً ركبت شيماء وفريدة والأولاد في

السيارة الكبيرة وقادتها شيماء وركب حازم وسارة سيارة حازم

.....ظل حازم صامتاً طوال الطريق لم يتحدث سوى بجملة

واحدة : سارة مش عايز ياخذ باله من حاجه .....أعتقد إنك فاهمه

سارة : فاهمه

كان الشاليه يتكون من ثلاث غرف للنوم منهم غرفة رئيسية لها حمامها الخاص جعلتها فريدة بالطبع من نصيب سارة وحازم .....نظر حازم للغرفة ثم تكلم بلهجة مريحة قائلاً : أحلى حاجة في الأوضة دي إن فيها كنبه وإلا كان وسطي حيثقظم من الأرض كانت سارة تشعر بالضيق فردت على الفور : على فكرة ممكن نبديل يعني أنا أنام على الكنبه يوم وإنت يوم حازم : اه متجوزه إنتي راجل ولا حاجة تانية .....أسيب مراتي تنام على الكنبه !!!!!

نظرت له في دهشة عن ماذا يتحدث الآن يقول زوجته .....هل هي زوجة أم لا .....لم تعيره إنتباهاً وبدأت في وضع الملابس بالدولاب بعدها دخل هو للحمام وأبدل ملابسه ثم خرج وقال لها : أنا رايح البيسين مع الولاد .....سلام سارة : أوكيه .....سلام

نزلت سارة بعدها لتجد فريدة قد بادرت على الفور بتحضير الغداء فريدة : سارة إنتي صاحبة أنا قلت إنتي نمتي زي شوشو سارة : شوشو ربنا يكون في عونها تلاقيا صدعت من السواقة فريدة : بالعكس دي فرحانه قوي انها ساقطت ماهو وائل مش بيرضى يديها العربية من ساعة ماخبطتهاله سارة : يا خبر

فريدة : بصي هو غلبان وشوشو طيبه بس أوقات بيعاندوا مع بعض .....أسوء حاجة العند ده بيولد الكفر

سارة وهي تحاول تغيير الموضوع : أساعد حضرتك في إيه  
فريدة : خدي بالك ده أكل سهل بانبة للعيال وإحنا لحمة كباب حله  
وعملتها خفيفة خالص اهو علشان زوما ..... بصي أعلمي إنتي  
المكرونه

سارة : حاضر

فريدة : إنتي إيه اللي قعدك مش كنتي رحتي المية معاها

سارة : مليش في نزول المية

فريدة : يابنتي عيشي حياتك إنتي في شهر العسل ..... سارة  
متتكسفيش مني هو مش زي ماما

سارة : طبعاً يا طنط

فريدة : عارفة يا سارة طول عمري كان نفسي حازم ده يتجوز  
النهارده قبل بكرة وأوقات لما كنت أفكر مع نفسي أقول ده حابقي  
حماه زفت حطهق مراتك يا حازم من كتر مايموت فيه بس تعرفي  
..... لما شفتك وعرفتك عرفت أد إيه انا ربيت إبنني ماخترش أي  
حد بجد يابنتي والله معزتك زي شوشو وحازم

سارة : ياه يا طنط والله بجد انا بحس مع حضرتك براحه حضرتك  
مش متخيلاها

فريدة : بس مش صريحة معايا يا سارة

سارة : أنا !!!!

فريدة : يابنتي أنا مش قصدي أتدخل بينك وبين جوزك بس معرفش  
حاسه إن في بينكم توتر ..... بصي يا سارة ومنتكسفيش مني  
بنات كتير بتكون متوترة في أول الجواز وخايفة ده طبيعي يا حبيبتي  
بس ماتخليش ده يبعدك عن جوزك

شعرت سارة بالخجل الشديد ووجهها أصبح مثل الطماطم الحمراء  
قالت لنفسها : ياربي هي فهمت إيه ..... هي بنقول إيه أصلاً أنا

مش حارد مش حارد

تابعت فريدة حتى تكسر ما حدث من توتر : ربنا يهنيكم ببعض يا بنتي ويصلح ليكم الحال .....يلا مادام خلصتي المكرونه وضبي السلطة زمانهم على وصول

بالفعل بعدها بفترة بسيطة وصل حازم والأطفال الذين هرعوا بدورهم على غرفة أمهم قافزين فوقها فإستيقظت من نومها على الفور .....جلس الجميع بعدها على المائدة لتناول طعام الغداء .

قرر حازم أن ينام وصعدت سارة أيضاً للغرفة نظر لها وهي ترتب الفراش وقال : هو غنتي حنتامي

سارة : لأ بوضبك بس السرير أنا حاقعد هنا أقرأ في كتاب

حازم : طيب ما تقعدني تحت

سارة : معلش حابه أقعد لوحدي

حازم : ليه هي ماما كلمتك في حاجه

سارة : لأ عادي حتكلمني في إيه

حازم : يعني مالمحتش بحاجه .....ولا فتحت معاكي \*٩-

+مواضيع

إرتبكت سارة وتساءلت هل من الممكن أن تكون فريدة فاتحته بنفس الموضوع ردت سريعاً : لا مواضيع إيه ماقلتش حاجه .....عادي أنا بس حبيت أقعد في هدوء

حازم : خلاص براحتك صبحيني على الساعة تمانية علشان البشوات

عايزين يروحوا ملاهي

سارة : خلاص أوكيه

وبالفعل في المساء خرج الجميع كان حازم نشيطاً حنوناً مع الأطفال  
الثلاثة يحمل زوكا طوال الوقت فوق كتفيه.....لبي لهم جميع ما  
طلبوا.....لمست يومها سارة شغفه بالأطفال لدرجة أنه يتحول  
لطفل مثلهم.....لم تنتبه إلا في نهاية السهرة أن نظراتها كانت  
عليه طوال الوقت ضحكت بسخرية فهي الآن تراه وهو لا يراها بل  
يتعمد ألا يراها لم تكن تعلم أنه لاحظ ذلك جيداً.....فهو ليس  
برجل غبي.....لاحظ عيونها الحائرة التي تابعتة طوال الوقت  
.....

كانت تلك الليلة اول ليلة تمكث فيها معه بغرفة واحده وعلى الرغم  
من أنه مدد ظهره فوراً على الأريكة لينام إلا انها شعرت بالتوتر  
أغلقت النور في البداية ثم تمددت سريعاً على الفراش وسترت جسدها  
بالغطاء على الرغم من أنها كانت ترتدي ثياباً محتشمة!!!!!! مر وقتاً  
طويلاً قبل أن تنام كانت تفكر بل كانت حائرة.....ماذا تريد  
!!!!!! هل تريده زوجها تتمنى عودته إليها حقاً وإن كانت كذلك ماذا  
عنه!!!!!! ماذا يريد.....أم انه زهداها ولن يقترب منها حتى  
يتركها في النهاية . لم تكن تعرف أن الأرق لم يصيبها وحدها وأن  
الافكار التي تعبت برأسها تعبت برأسه هو أيضاً.....تلك  
النظرات التي تابعتة بها طوال المساء.....ماذا تريدين يا سارة  
.....هل ستعبتين بعقلي بعد أن أصبح قلبي بيدك.....لم  
يتبقى لي سوى العقل فهل ستأخذينه أيضاً.....شعر بالضعف  
وهو رجل لن يقبل بالضعف رقيقاً.....ولكنه قرر في نفسه  
أمراً.....أمراً أرجئه لليوم التالي.....

## الفصل الثامن والعشرون

إستيقظت لتجد نفسها وحيدة في الغرفة .....خرجت فلم تجد  
سوى فريدة التي جلست في التراس وحيدة أيضاً

سارة : صباح الخير يا طنط

فريدة : صباح النور يا حبيبيتي

سارة : معلىش إتأخرت في النوم

فريدة :الساعة لسه عشرة أنا صحيت من ساعة بس وحازم بقه قام من  
بدري قالي حبيبلكم فطار من برة

لم تكذ تنهي فريدة جملتها حد فتح حازم الباب ممسكاً بيده بعض  
الجرائد وفيما يبدو إفطار ساخن وزوكا الصغير معه يحمل كيساً من  
الخبز الطازج

حازم : يلا الطعمية السخنة وصلت

فريدة : مفيش فايده فيك قلتلك بلاش طعمية من برة

حازم : ده مفيش أحلى من طعمية برة صحي بنتك بقة وولادها  
علشان يفطروا

فريدة : لا دول مش حيصحوا دلوقتي

حازم : إشمعنه ما الشاب الروش ده صاحي من بدري ونزل معايا  
.....قال ذلك وهو يشير للصغير حمزة

فريدة : ده ماله ده حبيب قلبي بيصحى بدري زي تيته

.....إحتضت فريدة الصغير وقبلته بشده وسارة تنظر لهم  
بإبتسامه عندها إقترب منها حازم ووقف بجانبها وهمس بأذنها قائلاً :  
صباح الخير

إنتفضت عندما إقترب منها هكذا فمنذ الزواج وهو يبتعد  
.....ردت عليه دون أن تنظر نحوه : صباح النور

حازم : نمتي كويس

سارة : الحمد لله

حازم : أنا قلت إنتي سهرتي وماجاش ليكي نوم لإنك محستيش بيا وأنا نازل .....قالها وعلى وجهه إبتسامة ماكره فهو يعلم جيداً أنها لم تنم جيداً ربما لم تنم إلا بعد أن تأكدت من نومه سارة وقد إرتبكت فردت سريعاً: فعلاً ماحستش أنا قمت من النوم مالقيتكش

حازم : طيب نفطر بقه .....ماما يلا علشان نروح البيسين نقضي اليوم لو شيماء حتتام ننزل احنا بعد الفطار وهما يحصلونا فريدة : بعد الفطار تنزل إنت وسارة وهما يحصلوكم بعد كده

حازم : حننزل كلنا

فريدة : يابني أنا مليش في القعده دي روحوا إنتم وأنا حاعلمكم أحلى غدا

سارة : لا ياطنط خلاص حاقعد معاكي اوضب الغدا

حازم : لأ كلنا حنخرج وحاجيب ليكم احلى سمك واحنا مروحين .....يلا بقه

وهكذا تناولوا إفطارهم وخرجوا وبعدها بفترة لحقت بهم شيماء وعمر وكريم .....

نزل حازم والأطفال لحمام السباحه أما شيماء فإنشغلت أغلب الوقت بالحديث مع بعض صديقاتها اللاتي قابلتهن هناك مما أثار غضب أمها لعدم إهتمامها بالأولاد ومراقبتهم .....كان الأطفال الثلاثة يلهون بحمام الأطفال بينما مارس حازم السباحة في حمام منفصل للكبار .....ثم عاد ليجلس معهم على الطاولة .

جفف جسده ووضع المنشفه على كنفه ثم نظر لها فجأة  
..... كان يعلم أنها تراقبه ..... نظر لها بقوة مما أربكها  
على الفور فكادت أن توقع كوب العصير ثم أشاحت بوجهها وقالت :  
أنا مش شايفة الولاد يا طنط شايفاهم  
فريدة : اه يا حبيبتى بيلعبوا هناك أهم  
حازم : ساعة كده ونمشي  
فريدة : اه انا بقول كده برده ..... قوم إنت بقه  
حازم : أقوم أروح فين  
فريدة : خد سارة وإتمشوا شوية على البحر ولا أقولك إنزلوا البحر  
قاعدين معنا تعملوا إيه  
سارة : لا يا طنط مايصحش مش حنسيبك لوحدك كمان بناخد بالننا من  
الولاد  
فريدة : يا ستي ماهما بيلعبوا قدامي أنا شايفاهم وكمان شوشو جات  
أخيراً اهه ..... يلا قوموا  
وقف حازم على الفور وقد أزاح المنشفه من على ظهره ولبس  
نظارته الشمسية ونظر لسارة وقال : خلاص يلا يا سارة  
قامت سارة بعد تردد وعندها أمسك بيدها ونظر نحو أمه وقال : يلا  
شوية وراجعين  
فريدة : إنبسطوا ده زمان وأنا في سنك كنت بانزل الميه وبالمايوه  
حازم : ماشي ياستي متشكرين عالنصايح ..... يلا يا ساره  
ظل حازم ممسكاً بيدها حتى إبتعدوا عنهم ووصلوا للشاطئ ثم تركها  
ونظر نحو البحر وقال : ماكنش ينفع نقول لا ..... ماما كانت  
حتشك رسمي  
سارة : فعلاً عندك حق  
حازم : الجو حلو وهادي علشان لسه في أول الصيف

سارة : اه فعلاً

حازم : إنتي عايزة تنزلي المية

سارة : لالا أنا أصلاً كمان مش بعرف أعم

حازم : يا ستي متخافيش لو غرقتي حانقذك أنا بعوم كويس

سارة : اه ماهو باين

حازم : اه دانتي أخذتي بالك مني بقه وأنا بعوم

سارة وقد إرتبكت فهو يلح لها أنه رآها تراقبه لم ترد فقط إبتسمت  
إبتسامه خفيفة وظلت تنظر نحو البحر

حازم وقد تبدلت ملامحه فجأة : يوسف كان بيعرف يعوم

نظرت نحوه بغضب لإصراره على ذكر يوسف وكأنه يخبرها أنه  
سيظل حاجزاً بينهما مهما طال الزمن ثم قالت على الفور : معرفش

حازم : متعرفيش

سارة : اه مسألتيوش

حازم : ااه aاه

سارة : نرجع بقه

حازم : إحنا لحقنا

سارة : معلى زهنت من ..... من الرمل

حازم : خلاص يلا بينا

وفي طريقهم للعودة لاحظت سارة فتاتان تنظران نحوهما  
.....وبعدها على الفور وجدت حازم يتجه نحوهما بعد ان قال لها :

ثواني ناس معرفه حاروح اسلم

حازم وقد إقترب من الفتاتان : تعرفي أنا معدي من هنا قاصد قالت

اكيد حاشوفك

نيفين : يا سلام إسمعنه يعني  
حازم : يابنتي الصيف في مارينا مايقاش صيف لو نيفين مقعدتش في  
بقعتها المفضلة

ندى أخت نيفين : إممممممم وندى يعني مالهاش نصيب  
حازم : إزاي أحسن ناس

نيفين : أحسن ناس دانتا معزمتناش على الفرحة يا راجل  
حازم : معلى ملحوقه

ندى : إيه حتتجوز تاني ولا إيه  
حازم : إيه لأ

نيفين : مراتك اللي هناك دي سايبها وجاي تسلم علينا ده إسمه إيه بقه  
حازم : قوة شخصية

في هذا الوقت كانت سارة تنظر نحوه بنظرات نارية ..... غاضبه

ندى : بس شكلها متضايقة على فكرة إنت بتهرج يا حازم

حازم : ياستي مالكيش دعوه إحنا ناس سبور

نيفين : والله شكلك حتتحط في أكياس في الآخر

ضحكت الفتاتان بعدها بشدة وبصوت عالي مما زاد من غضب سارة  
فتركت المكان غاضبه

ندى : شفت عندك خناقه في البيت يا معلم مراتك مشيت متترفذه أهه

حازم : بجد

إستدار حازم ليجدها تتحرك بسرعه تاركه المكان فإبتسم بسخرية ثم

قال لهم : ها قاعهدين لإمتى

نيفين : طول الصيف .....بقولك في حفله بكرة في الفيلا بتاعة  
شيكو

حازم : شيكو ياختي كميلا  
نيفين : بطل تريئة ما تيجي  
حازم : مش عارف ممكن حتكون الساعة كام  
نيفين : بدري ممكن إثنين الظهر كده  
حازم : خلاص حاشوف  
ندي بخبث : أعراف واحده حتتضايق قوي لو شافتك  
نيفين : ندى!!!!!!  
حازم : مين دي  
نيفين : داليا  
حازم : إيه ده داليا هنا  
نيفين : اه  
حازم : طيب كويس كده حاجي  
نيفين : ياسلام.....إشمعنه يعني  
حازم : مش مهم تفهمي كل حاجه.....فوتي  
نيفين : ماشي يا سيدي مستنينك بكرة  
حازم : تمام سلام مؤقت

عاد حازم ليجد سارة جالسة مع أمه تصنع الهدوء ولكن يبدو أن الغضب بداخلها جارف ولم تنظر نحوه من وقتها حتى عادوا للمنزل وشغلت نفسها بقضاء الوقت مع الأطفال الصغار .

في المساء نام الاطفال باكراً وجلست كل من سارة وشيماء وفريدة في التراس ودخل عليهم حازم بعد قيلولة طويلة فكانت شيماء أول المتحدثين : صباح الفل الناس تاكل السمك ممكن تنام إنما إنت إنتقلت

ولا إيه

حازم : اه كمان كان جسمي مكسر من الميه

فريده : اعملك شاي

حازم : لا حاشرب قهوة

شيماء : طيب فوق بقه علشان تخرجنا شوية

حازم : خروج إيه خشي نامي جنب ولادك أنا ورايا سفر بكرة وحنام بدري

فريده : سفر!!!! سفر إيه

حازم : ورايا شغل حاروح إسكندرية ساعتين في المكتب وأرجع

فريده : اممممم شغل مهم يعني

حازم : اه يا ماما مهم

كانت سارة تستمع له لكن دون أن تنظر نحوه ظلت تراقب البحر من بعيد.....ولاحظ هو ذلك.....كان يعلم أنها غاضبه وكان سعيداً بهذا الغضب.....ولكن هل هو غضب أم غيرة أم كبرياء

وبالفعل غادر حازم في الصباح وقررت فريده وشيماء والأولاد قضاء اليوم على الشاطئ أما سارة فاعتذرت منهم وأخبرتهم أنها ستلحق بهم بعد ذلك كانت تحتاج أن تكون وحدها تحتاج للتفكير بروية.....فيما حدث ويحدث وسيحدث.....ولكن لم يكن التفكير سيد الموقف كانت تنظر لملابسه المعلقة على الشماعة عندها عرفت كم تفتقده.....كم تتمنى وجوده بجانبها الآن هل كان يجب أن يحدث كل هذا ليظهر كل هذا العشق داخل قلبها نحوه ولكن يبدو أن الزمن كتب عليها أن تظل عاشقة وحيدة فيبدو انه نوى الإبتعاد وان رصيدها في قلبه أصبح متواضعاً شعرت بالضيق





كان الشاليه فارغاً .....خرجت فريدة وشوشو والأولاد وغطست سارة في المياه الدافئة لتصفي ذهنها .....دخل حازم فوجد الجو هادئاً فعلم أن الجميع بالخارج وغالباً يقضون الوقت في بركة السباحه .....دخل غرفته فلم يجد سارة أيضاً فقرر أن يأخذ دش سريع ثم يفكر ماذا ينوي أن يفعل وبالفعل إتجه نحو الحمام بخطوات هادئة وقد كانت سارة بالداخل ولكنها كانت صامته مستسلمة لهدوء المياه فلم يشعر حازم أن احداً قد يكون بالداخل وبالفعل فتح الباب ليجدها امامه .....

تسمر في مكانه للحظات وهي ينظر إليها .....هي أيضاً تفاجئت وشعرت بالخجل الشديد وأخفت جسدها على قدر ما إستطاعت داخل المياه عندها شعر هو بنظراته التي كانت موجهه لها ولجسدها بقوة فأغلق الباب على الفور وخرج من الغرفة بل ترك الشاليه كله .....فلو مكث أكثر من ذلك قد لا يستطيع التحكم بنفسه .

## الفصل التاسع والعشرون

خرجت سارة بعدها بفترة لتجده قد ذهب .....نظرت لنفسها في المرآه وفكرت فيما حدث فشعرت بالغضب الشديد .....ماذا يحدث .....هي تعلم جيداً مقدار عشق حازم لها ربما لن تجد رجلاً يعشقها لهذا الحد كانت تعلم أنه يريد لها زوجة اليوم قبل غداً .....رأت ذلك في عينيه بوضوح ولكن يبدو أن كبريائه كرجل يمنعه من الإقتراب منها .....شعرت أن جلوسها في المنزل مجرد إنتظار وهمي منها أو تمنى لعودته مرة أخرى إرتدت ملابسها وقررت اللحاق ببقية العائلة وبالفعل وجدتهم على الشاطئ إقتربت منهم وقد حاولت إصطناع ملامح من الراحة على وجهها وقالت : ياه

قعدتوا على البحر مش البيسين

فريدة : الولاد يا ستي عايزيين البحر

سارة : هو فعلاً جو البحر مغري

شوشو في خبث : اه لدرجة إننا لقينا الأستاذ حازم كمان طابب علينا  
ورمى نفسه في المية

سارة : بجد .....

شوشو : يعني متعرفيش والله شكلكم بتشتغلونا وهو عمل نفسه مسافر  
وإنتي ماخرجتيش معانا ووزعتونا بقه.....بس مقبوله منكم يا  
ستي

سارة : لا والله أبداً

فريدة وقد نظرت لشوشو بغضب : معلىش يا سارة هي شيماء كده  
تحب تهظر اللي يجي على دماغها تقوله

شوشو : إيه يا ماما.....يابنتي عادي حقكوا وزعونا براحتكم

حازم وقد ظهر فجأة : مين دول اللي يوزعوكم

شوشو : مفيش كلام ستات مالکش دعوة بيه

حازم : والله

فريدة : إنت يابني جيت ماتكلمتش ونزلت جري على البحر سافرت  
في إيه ورجعت في إيه

حازم : ابدأ شادي المقرف في الطريق كلمني قالي إنهم إتصرفوا  
ومش محتاجني لفيت ورجعت

فريدة : يعني زرت الطريق

حازم : ماهو شكل في حد ماكنش راضي عن السفرية.....قال  
جملته وهو ينظر لسارة التي تعمدت عدم النظر نحوه

شوشو : طيب شوف بقه إحنا حنروح بدري وتخرجنا بالليل نتعشى

كده في مطعم ظريف أوكيه

حازم : أوكيه في مطعم حلو قوي فاتح جديد نروح نجربه

شوشو : اسمه إيه

حازم : مش فاكِر فاكِر المكان بس .....بس واضح إنه بيعمل  
أكلات جامدة

فريدة : خلاص بس متاكلش دسم يا حازم علشان معدتك

حازم : متقلقيش حاخذ بالي

في الإسكندرية وفي نفس التوقيت كانت صوفيا قد أغلقت الهاتف  
لتوها مع داليا وهي تقول : خلاص يا داليا حاشوف وأقولك  
يوسف : تشوفي إيه

صوفيا : داليا يا سيدي عايزانا نروح مارينا يومين قال إيه قابلت  
حازم المهندس بتاع الفيلا وطلب منها إنه يعزمننا على العشا بكرة  
علشان إتأخر علينا

يوسف : بجد !!!!

صوفيا : امممممممم قلت ليها حاشوف مع اني عارفه إنك مش  
فاضي

يوسف : لا بالعكس عادي لو عايزة تروحي أوكيه

صوفيا : بجد

يوسف : اه يا حبيبي تعالي نروح يومين

صوفيا : خلاص حاكلها أقولها أوكيه .....ميرسي يا جو يا  
حبيبي

تركته صوفيا وهو ينظر للطعام أمامه ويفكر : ياه يا سارة كنت واثق  
.....أديجي بتتحججي علشان تشوفيني أهو

في المساء خرجوا جميعاً بعد ان تحاشت سارة الحديث مع حازم على قدر الإمكان طوال اليوم .....طلب حازم وجبته المفضلة من الحمام المحشي فنظرت له والدته معاتبه : يا بني ماتخليك في مشويات خفيفة احسن

حازم : ماتقلقش يا جميل وبعدين لعلمك ده بيعملوه خفيف مش بالسمنه البلدي زي الصواريخ بتاعتك

نظر لطبقه ثم إقترب بمقعده من سارة وتابع بصوت هامس : وبعدين أنا عريس ولازم أتغذى كويس ولا إيه

فهمت سارة مقصده لم تنطق ولكنها إبتسمت بخجل

قرروا بعد ذلك قضاء السهرة في أحد المقاهي وعندها رأت شيما متجر للملابس النسائية فقالت : ماما المحل ده تحفة انا عارفاه حاروح أتفرج

فريدة : ماشي

شوشو : سارة تعلي معايا ده حاجته تحفه تعالي شوفي

سارة : اوكيه

وبالفعل ذهبت سارة وشيما وجلست فريدة وحازم والاولاد سأل حازم أمه بعد أن جلسوا: محل إيه ده

فريدة : انا عارفه

كان متجر يبيع مستلزمات المرأة من الملابس الداخلية وقمصان النوم وبالفعل كانت منتجاته رائعة إختارت شيما ما يقرب من خمس قطع وسارة تتلفت حولها بهدوء .....

شوشو : إيه يا بنتي مش حتشتري ولا إيه

سارة : مش مقررة أشتري قلت اخذ فكرة بس

شوشو : لا لا لازم تشتري حاجته تحفه شوفي انا جبت إيه

سارة : فعلا ذوقهم فظيع

شوشو : شكلك بنتكسفي أنا حاروح أتفرج في القسم اللي هناك ده

تشجعت سارة بعدها بالفعل

ولفت نظرها قميصاً من الستان الأبيض كان رقيق الشكل يتميز بظهر عاري لا يستره سوى بعض الأربطة المتشابكة بشكل علامة إكس ومعه روب من نفس الخامة يتميز بتطريز بسيط جداً.....قررت سارة شراءه بالفعل ووضعته في حقيبتها وهي لا تعلم هل ترتديه الليلة من أجله أم تظل محتفظة به ربما لمانهاية.....

- كنتم فين

كانت تلك أول جملة قالها لهم حازم بمجرد عودتهم.....

شوشو : بنشتري حاجات

حازم : إيه

شوشو : وانت مالك حاجات حريمي

نظر حازم لكمية الأكياس مع شوشو بدهشة وقال : كل دي حاجات حريمي جايبها ولا جايبه لصحابك معاكي

شوشو : ياربي على اللماضة ملكش دعوة

نظر حازم لسارة فلم يجد معها شيئاً فقرر أن لا يسألها مع أنه كان يثق أنها إشترت فقد راقبها من بعيد وهي داخل المتجر.....

وفي المساء إتخذ حازم مكانه المعهود على الأريكة وسارة وحدها على الفراش قلقة كالعادة.....ولكن في تلك الليلة ظل حازم

مستيقظاً لم تعلم ماذا يريد.....هل يريد فقط أن يلعب

بأعصابها ويثير قلقها!!!!!!! ويبدو أن هذا بالفعل ما أراده فعذابها

أشعره بالراحة وكأنه تُلذذ به ..... لم ينم حتى جاءت رسالة من  
داليا تخبره بقدوم صوفيا وزوجها غداً لعزومة العشاء إبتسم بسخرية  
ثم قال : سارة ..... نمتي

سارة : لأ لسه عايز حاجه

حازم : اه بكره في ناس صحابي عازمهم على العشا في مكان شيك  
حنسهر معاهم هما عايزيين يتعرفوا عليكي ..... ها موافقه

سارة : مفيش مشكلة

حازم : كويس تصبجي على خير

سارة : و إنت من اهله

شعر حازم بأنه يتصرف معها بخبث ..... ولكن ماذا يفعل فهاجس  
يوسف يحيط به من كل جانب .....

في المساء بدت سارة في منتهى الأناقة ..... كانت سعيدة بقضاء  
تلك السهرة مع حازم وأصدقائه ربما سيعود حازم إليها وتكون تلك  
هي البداية أم أنه فقط لا يبالي ..... نظر نحوها بقوة عندما رآها  
كانت ترتدي فستاناً أنيقاً من اللون التركواز الفاتح يتميز بالبساطة  
والأناقة في آن واحد وإرتدت معه طرحة من اللونين اللبني والفضي  
المطرز بها بعناية ووضعته القليل من مساحيق التجميل فبدت كالمملكة  
..... شعر بالسعادة والإنبهار بهيئتها وشعر بالغيرة تنهش قلبه  
فود لو عاد بها للمنزل على الفور فهي ملكه وحده ولكنه أصر على  
المتابعة فيما نوى

كان مكاناً راقياً يتميز بالإضاءة الهادئة والموسيقى الكلاسيكية وعلى  
المائدة جلسوا منتظرين وصول الضيوف ..... وبالفعل لم  
يتأخروا وصلوا بعد دقائق معدودة ..... وإستقبلهم حازم بإبتسامه  
كاذبة وسارة ..... بصدمة

لم تنتبه سارة لداليا في البداية فظهور يوسف طغى على الموقف شعرت بالغضب من إصرار حازم على دعوته وكأنه يريد أن يختبرها!!!! وشعرت بالغضب أكثر لرؤية وجه يوسف مرة أخرى وخاصةً بعد أن وجه لها نظرة ذات معني وكأنه يقول ما زلتني تعشقتني لاحظت هي ولاحظها حازم أيضاً

جلسوا جميعاً رحب بهم حازم وخاصةً داليا مما اثار غضب سارة وشعرت أنه يعتمد إستفزازها ومع ذلك شعرت سارة بالراحة لصوفيا كانت شخصية مرحة ظلت تتحدث طوال الوقت عن متاعب الحمل محاولةً إضافة الكوميديا لتلك المرحلة عندها تمنى سارة في تلك اللحظة أن تنتهي تلك الفتاة بحياتها وزوجها.....بعيداً عن كل تلك المشاكل

كان حازم يجلس كالصقر يتابعهم بنظراته تعمدت سارة عدم النظر نحو يوسف والتعامل بطريقة رسمية لأقصى حد على الرغم من أن يوسف أصر أن يختلس النظرات نحوها من أن لآخر في إصرار لإعتقاده أنها صاحبة الدعوى كان حازم يود أن يلكمه بشدة بل يود قتله ولكنه تماسك فهو مهتم بسارة وبردة فعلها اذا ما حاول الآخر التقرب لها مرة أخرى نظر حوله فوجد شلة الأصدقاء الذي كان يعلم جيداً تواجدهم المعتاد بهذا المكان فقال وهو ينظر لداليا متجاهلاً سارة تماماً : نيفين والشلة هنا أهم

داليا : اه ماهم الطبيعي انهم هنا

حازم : طيب تعالي نسلم عليهم.....عنئذنكم يا جماعة  
.....طبعاً سارة مكاني الدقايق دي بترحب بيكم

أخذ حازم داليا وهو ينظر نحو سارة في تحدي وإتجه لأصدقاءه وجلسوا معهم على مائدة أخرى.....ظلت سارة تنظر نحو تلك

الفتاة بغضب لم تكن جميلة ولكنها كانت ترتدي ملابس ضيقة  
وفاضحة تظهر أكثر مما تخفي وتتعامل مع حازم بدلال مستفز!!!!  
شعرت صوفيا بالخرج من تصرفات حازم وداليا وقررت الإنسحاب  
لدقائق محاولة الإتصال بداليا على الهاتف لتنبيهها .....

كانت سارة تتابعهم بنظرات نارية.....نظر يوسف نحوها ثم  
قال : سارة .....شكلك مش سعيده  
سارة دون أن تنظر نحوه فنظراتها متعلقة بحازم : إيه  
.....سوري كنت بتقول إيه  
يوسف : متقاوحيش يا سارة .....وهو ميستهلكيش  
مش مقدرك

سارة : يوووووووه إنت مش بتزهق  
يوسف : سارة إنتي مستحلمتيش..... خليتي جوزك يعز منا  
علشان تشوفيني وانتي لسه في شهر العسل  
سارة : ان مش عارفه أنا إزاي حبيتك .....بجد مش عارفه  
.....عارف يا يوسف متشكرة قوي إنك سيبنتي لإن واضح إني  
كنت حاغلط غلطة عمري لو إرتبطت بيك  
يوسف في دهشة : إيه!!!!

سارة وهي تنظر لزوجها بعد أن شعرت بغضب شديد عندما رأت  
يديه تلتف حول خصر داليا ويهمس بأذنها فضحكت بصوت عالٍ :  
سلم ليا على صوفيا كان بودي أقعد معها أكثر بس بجد مش قادرة  
.....ربنا يهديك وركز مع مراتك وطلعني من دماغك بقه

تركته سارة إتجهت بغضب نحو حازم وداليا الذي كان بدوره ينظر

ناحيته ليتبين ملامحها وهي تتحدث مع يوسف فلا يجد سوى نظراتها  
الغاضبة نحوه .....وصلت سارة لزوجها وقالت بغضب : أنا  
ماشية

قام على الفور وأمسك بذراعها وقال : ماشية رايحة فين  
سارة وهي تنتظر بإزدراء لداليا : خليك مع ضيفتك .....أنا  
حاخذ تاكسي

تركته سريعا فهرع ورائها وهو يقول : إستني يا سارة  
.....حاو صلك

عادت صوفيا في تلك اللحظة وعادت داليا أيضاً للطولة سألت صوفيا  
يوسف : هو في إيه

فرد يوسف بغضب : معرفش شكلهم إتخانقوا

نظرت صوفيا لداليا بغضب وقالت : ما بترديش على الموبايل ليه  
داليا : مسمعتوش

صوفيا : يلا يا يوسف نروح عايزة امشي

يوسف : يلا اصلا هو شخص قليل الذوق

في السيارة كانت سارة غاضبة لم تنتظر نحوه تحدث معها بنبرة عالية  
وقال : ممكن أفهم بقه في إيه

سارة : مفيش

حازم : يعني إيه مفيش قمتي فجأة وأخرجتيني قدام الناس ومفيش

سارة : إسئل نفسك سايب مراتك وقاعد تهظر مع واحده زي دي ولا  
اكنك بتحترمني

حازم : منا سايبك تقعدني براحتك جايز البيه يختار تاني

سارة بغضب شديد : إخرس

حازم وقد صدم من كلمتها : إيه إنتي قلتي إيه

سارة : بقولك إخرس مش انا اللي حافكر في راجل وانا على ذمة راجل تاني ومدام وصلنا للمرحلة دي يبقى خلاص مش حينفع نكمل مع بعضنا يوم واحد زيادة يا حازم .....روح للهانم اللي كنت حتاكلها بعنيك .....هي دي اللي تستاهلها بجد

قالت جملتها وخرجت مسرعة من السيارة بعد أن وصلوا للمنزل دون أن تنظر نحوه فإنطلق بالسيارة هو الآخر مسرعاً دون أن يدخل معها

.....

دخلت سارة للشاليه ولحزن حظها كان الجميع قد خلد للنوم إتجهت لغرفتها سريعاً وأجهشت بالبكاء فقد شعرت أن ما حدث كان هو النهاية .....لفت نظرها الشنطة الصغيرة بجانب الفراش التي أخفت فيها ما إشتريته بالإمس .....اخرجت قميص النوم ونظرت له ملياً ثم إبتسمت ساخرة من نفسها وهي تقول : غبية ولكن لم يمنعها ذلك من تجربته وإرتدائه فلقد كانت واثقة أن حازم سيعود لتلك الفتاة اللعوب ليكمل معها سهرته كيداً فيها فهو يريد الإنتقام !!!!

نظرت لنفسها في المرآه وهي ترتديه وأسدلت شعرها على كتفيها فرأت نفسها جميلة .....هي مثل كل النساء تستطيع إبراز جمالها إن أرادت ولكنه لا يستحقها هو يستحق تلك المكننزه التي يقضى معها الوقت الآن لم تكن تعلم أن حازم بعد أن إنطلق مسرعاً توقف على جانب وأنه قرر العودة مرة أخرى وبالفعل فُتح باب الغرفة فوجدته أمامها .....شعرت بالغضب وإمتدت يدها سريعاً لتستر جسدها بالروب الملقى على الفراش ولكنه إقترب منها سريعاً وأخذ منها الروب ورماه جانباً نظرت له بغضب وحاولت أن تتجه

خارج الغرفة ولكنه وقف أمامها وأغلق طريقها بكلتا يديه وقال :  
عايزة إيه يا سارة ..... هه قولي عايزة إيه

سارة : حازم لو سمحت سييني أعدي

حازم : ردي يا سارة عايزة تطلقي ..... خلاص ده اللي  
حيرحك ..... لو عايزة كده قوليها دلوقتي ..... قولي

ها عايزة إيه

سارة : سييني يا حازم لو حدي

حازم : متأكده

سارة وقد دمعت عيناها ولكن نظرت له بتحدي : أه متأكده

إبتعد عنها وإتجه لباب الغرفة ولكنه ما لبث أن أغلقه وعاد إليها  
مسرعاً ليقبلها بقوة ..... ولم يتركها إلا وهي زوجته .

## الفصل الثلاثون

إستيقظت سارة من النوم لتجد حازم بجانبها في الفراش ..... كان  
نائماً بطريقته المعهودة وقد إستلقى على بطنه وأخفى وجهه في  
الوسادة ..... نظرت نحوه وإبتسمت بخجل عندما تذكرت ليلة  
البارحه وبعدها همت لتغادر الفراش ولكن يده إمتده وأمسكت بيدها ثم  
نظر نحوها وقال : صباح الخير

سارة : صباح النور

حازم : إيه قايمة رايحة فين

سارة : يعني صحيت حاقوم اخذ شاور وأنزل أحضر الفطار مع طنط

حازم : شاور وفطار ..... مفيش خروج من الأوضة أقعدي جنبي

هنا

سارة : يا حازم متهظرش بقه .....خليني أنزل إتأخرنا في النوم  
الناس يقولوا علينا إيه

حازم : طيب أنا حاسفر هملك اللي بره دول علشان بيبقاش ليكي حجه  
وساعتها بقه ححدد إقامتك هنا في السرير ده

سارة : يلا يا حبيبي فوق كده انت كمان وخذ دش  
حازم : حاضر يا حبيبي

على مائدة الإفطار جلسوا جميعاً نظر زوكا لحازم بغضب ثم قال : أنا  
زعلان منك

حازم : يا خبر ليه يا حبيبي

زوكا : علشان خرجت بالليل وسيبتني وفسحت سارة وأنا لأ

حازم : سارة كده حاف طب ماتقولها يا سوسو أحسن

زوكا : وديت سوسو الملاهي وسيبتني

حازم وقد انفجر ضاحكاً : لا يا حبيبي مارحناش ملاهي إحنا بس  
رحنا إتعشنا ورجعنا

زوكا وهو ما زال غاضباً : أكلتوا إيه .....بيتزا؟

ردت سارة على الفور وهي تقبله : لا يا زوكا اكلنا شوربة خضار  
تحب تيجي معانا وتاكل زينا

زوكا : لأ (إبتسم الطفل عندما علم أن الفسحة التي فاتته كانت عبارة  
عن وجبة غير مفضلة بالنسبة له )

همس حازم في أذن سارة وهو يجلس بجانبها : أحبك وإنك عاقل

إبتسمت سارة وعندها تابع حازم : ها حتعملوا إيه النهارده

فريدة : مفيش نوديهم البيسين ونورح بدري بقه علشان سفر بكرة

حازم : إيه ده بجد .....قصدي على طول كده



سارة : إتصرفت !!!!

حازم : اه إفتحي الدولاب حتلاقي شنطة في حاجات بقه إيه على  
ذوقي هه

سارة : يا خبر جبت الحاجات دي إمتي

حازم : النهارده لما زوجت منكم وإحنا عالبيسين

سارة وقد إحمزت خجلاً : مش ممكن رحت إشتريت الحاجات دي يا  
حازم

حازم : يلا قومي إتفرجي على ذوقي بقه

قامت سارة وشعرت بالصدمة عندما رأت ما إشتراه فقد كانت أشياء  
تظهر اكثر مما تخفي بل ماذا تخفي !!!!

إبتسم حازم بخبت وقال : إيه ذوقي عجبك

نظرت له دون ان تنطق وظلت حائرة ماذا تفعل فإقترب منها وقال :  
هو في حد يتكسف من حبيبه

سارة وقد إبتسمت : حازم نفسي أقولك حاجه

حازم : إيه

سارة : إنت خلاص نسيت الموضوع إياه

حازم : إيه لزمته بقه الكلام ده دلوقتي

سارة : آسفه بس لازم أقولك اللي جويا إنت تستحق ده لإنك دايماً  
كنت صريح معايا ومشاعرك كانت كتاب مفتوح قدامي

حازم : طيب قولي

سارة : أن آسفة ..... آسفه لإنني المفروض ماكنتش سمحت

لراجل غريب عني يكلمني كده ..... آسفه لإن خاني الرد

..... حازم أنا لما عرفتك وإرتبطت بيك كنت بحب حبك كنت

وأنا جنبك بانسى كل حاجه بانسى أي حد وبعد ماتجوزنا ومع إن

مشاعرك بعدت وإنت إتغيرت بس حبيتك اكثر لقيتني بحب ضحكك  
بحب نظرتك بحب طريقة أكلك .

لما كنت بتبصلي كان جسمي بيترعش لما شفتك مع البنات  
وخصوصا البنات إياها دي كنت حاتجن ..... أنا ماكنتش  
أعرف إني بحبك قوي كده ..... أنا سعيدة لإنك جنبي  
وجوزي وحببي ..... أرجوك ماترعش مني

حازم وقد إحتضنها بقوة : ياااااااااااه كل الكلام ده جواكي يا سارة  
مقولتهوش ليه من زمان يا حبي ..... بحبك قوي قوي  
سارة : وأنا كمان

حازم : طيب يلا بقه

سارة : إيه

حازم : إلبسي الاحمر أوكيه

إبتسمت سارة وإرتدت ما أراده وقضت أجمل ليلة مع زوجها

.....

في الصباح غادرت الأسرة وإتجه حازم أيضاً لطريق الإسكندرية  
نظرت له ساره في دهشه وقالت : إحنا رايعين فين  
حازم : خليها مفاجئة

وصلوا للإسكندرية وعلى شاطئ بسيط خالٍ من المصطافين لا يوجد  
به سوى بعض الصيادين وقف حازم وطلب منها النزول  
..... نزلت من السيارة وعلى وجهها علامات الدهشة

..... امسك بيدها وإتجهوا سوياً للشاطئ قال لها وهو ينظر  
للبحر : المكان ده بحبه قوي ..... متستغربيش ليه معايا ذكرى  
حابقي أقولك عليها بس حناكل سمك الأول

سارة : هنا !!!!!







أحلى مكان

سارة : اوكيه يلا

حازم : إنتي مصدقتي بقه

سارة في خجل ولوم : حازم .....

حازم : ياربي كنت واخذك قطة مغمضة بوظتك يلا يلا

سارة : كده طب مش قايمة

حازم : خلاص حقولك الكلمتين هنا انا مجنون ابن مجاني إنتي

عارفاني

سارة : خلاص خلاص .....حاقوم

وهكذا قضى حازم وسارة أسبوعاً مميّزاً بحق ثم رجعوا لمنزلهم

ولكن كان حازم قد قرر أمراً في نفسه ولم يخبر سارة .....

كان يوسف يتحدث مع صوفيا على الهاتف من مكتبه .....

يوسف : ها يا صوفيا عجبك المكتب الثاني

صوفيا في ملل : مش بطل بس حازم كان أحسن

يوسف : خلاص قولتلك حازم ده قليل الذوق ومش حينفع نتعامل معاه

صوفيا : خلاص خلاص اوكيه

قرعت السكرتيرة الباب وقالت له : في واحد بره عايز يقابل حضرتك

يا فندم

يوسف : اسمه إيه

السكرتيرة : ده الكارت بتاعه

إندهش يوسف بشدة عندما قرا الكارت ثم قال لها في ضيق : طيب

خليه يدخل

دخل حازم المكتب ونظر له دون أن يجلس فقال له يوسف بإبتسامة

صفراء : إتفضل يا بشمهندس

حازم : لأ من جاي أتفضل

يوسف : نعم !!!!

لم يتحدث حازم ..... فقط إقترب منه ولكمه بقوة لكمة طرحته  
أرضاً مما جعل يوسف في حالة صدمة للحظات وبعدها غضب  
وإقترب من حازم ليورد له اللكمة ولكن حازم أمسك يديه بقوة وجعلها  
خلف ظهره فمنعه من الحركة ثم قال : لو عرفت إنك ضايقت مراتي  
تاني أو قابلتها حتى صدفة ..... حاقتك فاهم ..... حاقتك

## الفصل الحادي والثلاثون

بعد سبعة أشهر .....

كانت سارة في المستشفى تمارس عملها المعتاد ..... منذ  
الزواج وإتفقت سارة مع حازم على أن يكون عملها في الفترة  
الصباحية فقط وفي المساء يكون وقتها من أجله ومن أجل المنزل  
..... كانت الساعة قد قاربت على الثالثة عندما شاهدت وجهاً  
مألوفاً داخل أحد ممرات المشفى ..... نظر لها يوسف  
بهدوء وإقترب منها بثقة وهو يقول : إزيك يا دكتورة  
سارة بوجه عابس : أهلاً

همت سارة بالمغادرة فوراً ولكنه إستوقفها وتابع : على فكرة أنا هنا  
صدفة مش قاصد أصل صوفيا ولدت

سارة : مبروك

يوسف : لولا إن الدكتورة بتاعتها صممت على المستشفى دي  
ماكنتش ولدت هنا وجازفت إنني أشوفك بعد تهديد الأستاذ حازم ليا

سارة : إيه

يوسف : هو البشمهندس مقلكيش إنه جالي مكتبي وضربني  
سارة وقد ظهرت عليها الدهشة والإبتسامة أيضاً : إيه حازم ضربك  
يوسف : وقالني إني لو قابلتك صدفة حتى حياقتني  
.....رسالتك وصلت يا دكتورة .....أنا كمان سعيد  
مع مراتي وعمري ما حفكر في غيرها  
نظرت له سارة بإزدراء وتركته والإبتسامه على وجهها مما فعله  
حازم .....

في الفيلا كانت تقف أمام الزرع تقوم بريه والإهتمام به سمع صوته  
من ورائها وهو يقول : الله الله بجد الزرع ده محظوظ بيكي ياريتني  
زرع

سارة : يا سلام

حازم : وحشتيني .....ووحشني القمر بتاعي .....قال  
ذلك وهو يشير إلى بطنها الصغير فهي ما زالت في بداية الشهر  
الثالث

سارة : القمر بتاعك حيطلع متعب أنا نفسي بتغم عليا حوالي أربعين  
مرة في اليوم

حازم : وأنا يا ستي جبتك طلب

سارة بفرح : بجد

أخذت منه العلبة ووضعها على الطاولة في الجنية وبدأت تأكل بينما  
هو ينظر نحوها ضاحكاً ويقول : أنا أول مرة أشوف واحده بتتوحم  
على كشري !!!!!!!!!!!!! أنا مش عارف بجد الواد ده شكله حيعديني انا  
وزوكا

سارة : ولو طلعت بنت

حازم : تبقى كارثة بنت وتعديني أنا وزوكا .....مش عايز  
أتخيل

سارة : هههههههههههه مش مهم ولد بنت المهم متسلفهوش لحد  
فاهمني

حازم : هههههههه لا طبعاً بتقولي إيه .....وبعدين هما  
حبيقوا مشغولين معايا أنا مفيش وقت لحد تاني أصلاً

سارة : كده .....ماشي

حازم وقد جلس بجانبها وبدأ يأكل طعامه من الكشري : متقوليش  
لماما إننا ضربنا كشري .....بس بجد يا سارة كشري كنت  
متخيلك حتتوحمي على كيوي

سارة : ههههههههههههه فاجنتك صح

حازم : فعلاً الجواز زي البطيخة

سارة : بقة كده

حازم : بس احلى بطيخة والله ويا بقة لما تقلبني من الحمل ويطلعك  
كرش صغير قدام حتبقي عسل

سارة : حتفضل تحبني حتى لما شكلي يتغير

حازم : سارة خلاص إحنا عدينا مرحلة الحب إنتي بقيتي حته مني  
.....بموت فيكي .

سارة : وأنا يا حياتي

حازم : طيب يلا كلي يا أم شوق وبلاش شطة

سارة : إيه !!!!!!!!!!! شوق

حازم : ماهو بالكشري بتاعك ده يا شوق يا شربات امال حتجيبي مين  
ميريهان



سارة : سرير إيه كادي حتتام في حضني

حازم : نعم!!!! طيب يا شوشو لو زوكا جاهز ممكن تاخدوها  
النهارده

ضحك الجميع وجلس حازم بجانب زوجته ينظرون سوياً لملامح  
إبنتهم ليبدءوا مرحلة جديدة ..... فهم الآن ليسوا مجرد  
عاشقين بل أصبحوا أسرة

تمت بحمد الله

أروة جمال